

259




1302


CIMELIA


13-3
BLAN


xx
278


53














Cinn. O. 1302

Bibl. Jag.

CATECHESIS ECCLESIARUM

2 U A

In Regno *Poloniæ*, & magno
Ducatu *Lithuaniæ*, & aliis ad
istud Regnum pertinentibus Pro-
vinciis, affirmant, neminem alium,
præter Patrem Domini nostri Jesu
Christi, esse illum unum *Deum* *Israëlis* :
Hominem autem illum *Jesum* *Nazare-*
num, qui ex Virgine natus est, nec
alium, præter aut ante ipsum, *Dei*
Filium unigenitum & agno-
scunt & confitentur.

Ante annos quatuor Polonicè, nunc verò
etiam Latinè edita.

OSE. 14. 10.

Rectæ sunt viæ Jehovæ, & justî ambulant in
eis: Prævaricatores verò corrueunt in eis.

RACOVIAE,
Anno Domini, M.DC.IX.

五、四、三

1. The first part of the book is a history of the
 2. second part is a description of the
 3. third part is a description of the
 4. fourth part is a description of the
 5. fifth part is a description of the
 6. sixth part is a description of the
 7. seventh part is a description of the
 8. eighth part is a description of the
 9. ninth part is a description of the
 10. tenth part is a description of the

1870
 1871
 1872
 1873
 1874
 1875
 1876
 1877
 1878
 1879
 1880
 1881
 1882
 1883
 1884
 1885
 1886
 1887
 1888
 1889
 1890
 1891
 1892
 1893
 1894
 1895
 1896
 1897
 1898
 1899
 1900

સિદ્ધિ. જાગ.

1929 to 2028



SERENISSIMO

A T Q U E

Potentissimo *Principi*
& Domino, D^{no}

J A C O B O,

Magnæ Britannia,
Franciæ & Hibernia, &c. Regi,
Domino Meo Clementissimo.

Quemadmodum omni-
bus (*Rex Serenissime !*)
quæ veri speciei & pro-
bitatis æmulatione imponere
volunt, lux est invisa, & exa-
men

Præfatio.

men omne formidolosum, nè
fuco detecto, fraudèque de-
prehensâ, repudientur: ita co-
rum quæ vera & sincera sunt,
ingenium est, ut luce gaude-
ant, omnium oculis inferri,
omnium examini subjici, ve-
hementer gestiant, quò talia
omnibus, qualia naturâ sunt,
reipsâ appareant, & nativæ ge-
nuinæque veritati, sinceritatî-
que meritam apud omnes au-
toritatem vindicent & asserant.
Res hæc adeò testata est, & an-
tiquitatis & vitæ præsentis ex-
emplis, ut nullam probatio-
nem requirat. Ex omni ta-
men Antiquitatis memoriâ, ex
omni

Præfatio.

omni Annalium vetustate, ex
omni vitæ quotidianæ consue-
tudine, nihil erui, nihil elici,
nihil depromi potest, quod
Sacris Literis, Novi præsertim
Fœderis, eo in genere confe-
rendum videatur. Ab ipsis
primis initiis ut lucem aspe-
xêre, illico instar splendoris
matutini, sese in omnes mundi
partes diffundentis, in oculos
omnium & examen quàm ri-
gidissimum venire voluêre,
quò veritatem & probitatem
suam, ab omni fucò & impo-
sturâ quàm alienissimam, om-
nibus patefacerent & approba-
rent: Neque pedem ab insti-
tuto

Præfatio.

tuto retulere, donec accuratissimè examinatæ, exploratæ, approbatæ, & pro divinis prorsus agnitæ, in summâ divinæ Majestatis sede, unanimi omnium hominum & temporum consensu, collocarentur. Adeò divina veritas luce crevit, adeò examine vires collegit, radices egit, & est propagata. Unde, quid de iis scriptis, quæ summâ vi conmittuntur, ut legantur ab omnibus, dijudicentur ab omnibus, omnium etiam ultro examen provocent, statuendum sit, indicium habetur evidentissimum. Atque hæc quidem
ratio

Præfatio.

ratio nobis, qui Deum unum
Israëlis, Patrem Domini no-
stri Jesu Christi, & filium ejus
unigenam, Dom. Jesum Na-
zarenum profitemur, unice
proposita fuit, in omnibus
scriptis, quæ hætenus in lucem
de rebus divinis dedimus huic-
que insistendum nobis sum-
mo studio existimavimus, &
adhuc existimamus. Hinc
factum est, ut nunc etiam Ec-
clesiæ nostræ eâdem ratione
permotæ, Catechesin hanc
Latinitate donatam, Augusto
Nomini S.R.M.T. inscriben-
dam & dedicandam per me
duxerint: prout etiam ego ea-

Præfatio.

rum nomine, S. R. M. T. inscribo & submissè dedico. Etenim, si lux quærenda fuit, ubi ea major, quàm tanti Regis & Principis vultus? si examen expetendum, à quo accuratiùs, quæso, institui poterit, quàm à S. R. M. T. quæ religionis purioris suscepto patrocínio, Divinis Literis ipsam divinam veritatem perfectissimè contineri agnoscat, ob idque de scriptis in religione Christianâ controversis, ex Sacerarum Literarum decretis, non hominum, quicunque tandem sint, placitis, esse statuendum censeat? Nec verò id

Præfatio.

id examen indignum S.R.M.
T. censerì debet. Nam si ve-
ritate divinâ nihil præstabilius,
si Dei gloriâ & Christi Do-
mini nostri honore nihil illu-
strius, si hominum salute sem-
piternâ nihil pretiosius, nè co-
gitari quidem potest; certè ni-
hil erit tam regium, tam subli-
mi personâ S.R.M.T. & ex-
celso, atque res humanas de-
spiciente animo ipsius dig-
num, quàm ea scripta exquisi-
tissimè rimari & perscrutari,
quæ Dei gloriam & Christi
Domini nostri honorem, ac
ipsam nostram salutem, ab
omni traditionum humana-
rum

Præfatio.

rum labe, ipsâ divinâ veritate
Literis Sacris comprehensâ,
repurgare nituntur, & expedi-
tissimâ explicandæ Dei gloriæ,
honoris Christo Domino no-
stro asserendi, & salutis conse-
quendæ ratione, è Sacris Lite-
ris excerptâ, ac omnibus pro-
positâ, eam ipsissimâ Sacrarum
Literarum autoritate sancire &
stabilire conantur. Excipe igitur
hanc opellam regio vultu,
Rex Serenissime!, & animum
offerentis munus, exiguum
mole, at virtute & pondere in-
magnis jure connumeran-
dum, intuitus, in his oris, à S.
R. M. T. amplissimis regnis,
longè

Præfatio.

longè latèque distantibus, in
aliorum numero me etiam u-
num esse patere, qui pietatem,
prudentiam, justitiam, fortitu-
dinem, cæterasque regias vir-
tutes S.R.M.T. quarum fama
per Christianum orbem dif-
fusa, ad nos etiam permanavit,
à longè colat, miretur & vene-
retur. Quod si à S.R.M.T. fa-
ctum fuerit, etiam aliqua ex eâ
re (ut alia taceam) ad æquitatis
& humanitatis regiæ laudem,
quâ S.R. M. T. omnes oras
complevit, fiet proculdubiò
accessio. Deus & pater Do-
mini nostri J. Christi, ille solus
clementiæ & consolationis
Deus,

Præfatio.

Deus, S.R.M.T. conservet incolumem, & Ecclesiæ suæ & amplissimis regnis, quibus S. R.M.T. Dominus præesse voluit.

S. R. M. T.

E Prædio meo
Czarkoviano.


Addictissimus,

Hieronimus Moscorovius

à Moscorow.

Interpres

INTERPRES
Lectori candido & benevolo.

 Atechesin, Lector! Ecclesiarum nostrarum è Polonico Idiomate in Latinum sermonem traduximus. Expressere id nobis vota multorum, multaq; etiam è remotissimis orbis partibus ad nos transmissæ preces. Ut verba & sententiam fideliter redderemus, annisi sumus. Quocirca stylo simplici & familiari utendum fuit. Id tamen tibi significandum putavimus, paucissima quædam à nobis mutata esse. Si
verò

Interpres Lectori.

verò etiam animum tuum id offendat, quòd adversas sententias refutandas duxerimus, facile illud & in lectione missum facere poteris: à nobis verò summam purgandi nos apud alios necessitatem id extorsisse scias. Vale (pie & candide Lector!) & Deum pro nobis deprecare, ut conatus nostros ipsius gloriæ, & Christi ejus, & utilitati multorum dicatos, fortunet & promoveat.

H.M. à M.

INDEX



I N D E X Capitum & Materiarum.

De SCRIPTURA SACRA,
pag. 1.

CAP. I. De certitudine sacrarum
literarum, pag. 2.

CAP. II. De sufficientiâ Sacrarum li-
terarum, pag. 12.

CAP. III. De perspicuitate Sacrarum
literarum, pag. 14.

De VIA SALUTIS, pag. 16.

CAP. I. De causis patefaciendæ Sa-
lutis viæ, pag. 16.

CAP. II. In quibus ea via Salutis
consistat, pag. 22.

De

Index Capitem.

De COGNITIONE DEI,

pag. 23.

CAP. I. *De Dei Essentiâ,* pag. 23.

CAP. II. *De Voluntate Dei,* pag. 38.

De COGNITIONE CHRISTI.

CAP. I. *De Persona Christi,* pag. 41.

De PROPHETICO JESU CHRISTI MUNERE, p. 108.

CAP. I. *De Præceptis Christi, quæ
Legi addidit,* pag. 111.

CAP. II. *De Præceptis Christi, sigil-
latim ab eo traditis,* pag. 147.

CAP. III. *De Cæna Domini,* p. 154.

CAP.

Index Capitum.

CAP. IV. De Baptismo Aqua, p. 162.

CAP. V. De Promisso Vita Aeterna,
pag. 167.

CAP. VI. De Promisso Spiritus Sancti,
pag. 189.

CAP. VII. De confirmatione Divinae
Voluntatis, pag. 197.

CAP. VIII. De Morte Christi, pag.
200.

CAP. IX. De Fide, pag. 220.

CAP. X. De Libero Arbitrio, p. 223.

CAP. XI. De Justificatione, p. 240.

De OFFICIO CHRISTI
REGIO, pag. 244.

De MUNERE CHRISTI
SACERDOTALI, pag. 253.

DE

Index Capitum.

De ECCLESIA CHRISTI,
pag. 293.

CAP. I. De Ecclesia visibili, p. 263.

CAP. II. De Regimine & Gubernatione Ecclesie Christi, p. 265.

CAP. III. De Disciplina Ecclesie Christi, pag. 272.

CAP. IV. De Ecclesia Christi invisibili, pag. 277.

INDEX



INDEX

*Locorum Sacrae Scripturae in Cate-
chesi hac expositorum.*

Genesis.			Cap.	Ver.	Pag.
Cap.	Verf.	Pag.			
1	26	17	35	4	104
	27			5	105
6	5	224	41	14	105
8	21	224	42	8	102

Psalm.		
2	7	50
		51
51	7	225
68	19	104
110	10	51

Proverb.		
8	23	51
		52

Isai.		
8	14	103
9	6	91

Cap.	Ver.	Pag.
	4	
	5	104
	6	105
41	14	105
42	8	102
45	23	103
53	4	217

Jerem.		
23	6	53

Mich.		
5	2	50

Zach.		
2	8	54
		55
12	10	104

Sap.

Index Locorum

<i>Sapient.</i>			Ca.	Ver.	Pag.
Cap.	Ver.	Pag.			
2	23	18	2	19	246
					247
<hr/>			3	5	166
<i>Matth.</i>				13	96
16	16	88,89		16	88
18	13	276		18	89
		{ 156	5	8	168
		{ 157		12	
26	26	{ 158		18	87
		{ 160		22	
		{ 161		23	102
28	19	33,	6	44	36
		34			37
<hr/>				51	158
<i>Luc.</i>					159
1	15	179		62	46
<hr/>			8	58	47
<i>Joan.</i>					48
1	1	46	10	17	47
		{ 63		18	48
	3	{ 64		29	86
		{ 65		30	87
		{ 65			96
	10	{ 66			102
		{ 67	12	41	74
14		77,78			

Scriptura Sacra.

Cap.	Ver.	Pag.	Cap.	Ver.	Pag.
	35		5	12	10
10	36	31			225
	1	100		28	231
14			8	29	233
16	15	90		30	234
		91		32	88
	28	96			89
17	5	94		34	261
	10	90			262
		91	9	5	85
	18	96		16	235
20	28	85			236
			10	15	271
<i>Act.</i>			<i>1 Cor.</i>		
13	48	237	2	8	99
		238	8	6	97
15	11	242			98
		243	10	4	73
20	28	60		9	
		61		16	159
22	16	165			160
		166		4	
<i>Rom.</i>			12	5	35
1	19	20		26	
	20	21	<i>2 Cor.</i>		

Index Locorum

2 Cor.			1 Tim.		
Cap.	Ver.	Pag.	Cap.	Ver.	Pag.
3	11	268	3	16	80
<hr/>			6	15	25
<hr/>			<hr/>		
Gal.			Tit.		
3	19	215	2	13	58
<hr/>			3	5	164
<hr/>			<hr/>		
Eph.			Heb.		
2	20	268	1	2	68
5	2	259			69
		260			71
<hr/>					72
<hr/>					260
Philip.					69
		78			70
	6	79			81, 82
2	7	80			261
		81			83
	9	122			
	10				
	11				
<hr/>					
Coloss.					
	15	89			
		90			
	16	67			
		68			
<hr/>					
<hr/>			1 Pet.		
			1	10	94
				11	95
<hr/>			Cap. 3.		

Sacra Scriptura.

Cap.	Ver.	Pag.
3	18	279

I Joan.		
3	16	61
		62
4	2	82
	3	83
5	73	36
	83	
	20	55
		56
11	78	761
		767

Jud.

Cap.	Ver.	Pag.
	4	57
	5	72

Apoc.

1	8	59
4	8	60
17	14	99
19	16	99



INDEX



Errata.

P Ag. 3. lin. 11 *tam* unanimi. 8. 8. *pertulerunt.*
28. 16. *usuveniunt.* 29. 37. *statuunt.* 33. 15.
essentia divinā. 35. 2. *notum est: ut eā in re ipsa*
cernere est 39. 7. *nos* ejus rei. 40. 14. *sibi* remune-
retur. 43. 12. *repugnet.* 48. 8 *omnes.* 20 *eam* effici.
54. 12. *referuntur.* 16. *co nomine.* 58. 17. *illustra-*
tum. 73. 6. *erat* Christus. 22. *vocet.* 82. 19. *Præte-*
rea. 20. 21. *quod* Jesus Christus in carne venerit.
105. 8. *scriptum exstat.* 122. 6. *prosequi.* 124. 10.
invocaverit. 128. 17. *consummavit* sanctificatos.
147. 15. *Quid* verò. 235. 7. *ad.*



INDEX



D E

SCRIPTURA SACRA.



*Vanam sit religio Christiana,
velim abs te doceri?*

Religio Christiana est via
patefacta divinitus vitam æ-
ternam consequendi.

At ubi ea patefacta est?

In literis sacris, præsertim novi Te-
stamenti.

*Extant igitur aliæ sacræ literæ præter
litteras novi Testamenti?*

Prorsus.

Quenam sunt?

Scripta Testamenti veteris.

A

CAPUT

CAPUT I.

De certitudine Sacrarum
Literarum.

AT unde constat tam novi quàm veteris Testamenti literas certas esse, nec suspectas?

Hinc, quòd non solùm caussa sit nulla, cur de iis dubitari queat; verùm etiam evidens Argumentum (quantùm ea fert materia) appareat, cur eis fidem adhiberi oporteat.

Quis verò docebis nullam esse caussam cur dubitari queat de iis scriptis: primum verò de scriptis N. Testamenti?

Quatuor de caussis, ut apparet, jure de veritate librorum dubitari potest: è quibus nullam hic deprehendere licet.

Quenam sunt istae caussae?

Prima est, cùm de Autore libri nihil prorsus constat: secunda, cùm Autor est suspectus: tertia, cùm apparet aliunde, librum esse corruptum: quarta, cùm

cùm Testimonia supersunt idonea, quæ fidem libro derogent.

Cedo, quæ prima causa locum hîc non habeat ?

Quia ab ipsa religionis Christianæ origine, Christiani omnes, etsi multum inter se diversi sententiis, in eo tamen concordēs & consentientes fuerunt, Autores Scriptorum novi Testamenti eos fuisse, quos scripta præ se ferunt : adeò ut qui unanimi tot ætatum & hominum consensui repugnare vellet, hunc iustissimam causam ejus rei afferre oporteret.

Nonne à veteribus de quibusdam horum autorum fuit dubitatum ?

Sanè ; sed cùm nullam dubitandi justam causam afferrent, dubitatio hæc prorsus exolevit.

At secunda, quæ hîc deprehendi nequit ?

Autor suspectæ fidei censetur, si rem, quam scribat, non exactè teneat : aut aliter scribat quàm rem noverit : aut deniq; ejus rei aliqua exstent in scripto indicia : tale verò nihil in istis autoribus deprehendas, ut sigillatim audies.

Qui verò hic deprehendi nequit Primum?

Ad eum modum, quòd de iis Autoribus nulla suspicio animo obrepere possit ejusmodi, eos rem, quam scripserint, non exactè tenuisse: cùm quidem spectatores & auditores fuerint rerum, quas scripserint, alii verò ab iisdem ipsis plenissimè easdem edocti fuerint & acuratissimè perceperint.

Qui Secundum?

Cùm Christiana Religio mendacium etiam in re minimâ vetet, apparet eos Autores, qui non solum Christiani, verum etiam religionis Christianæ primi doctores fuere, mentiri nullo modo potuisse; præsertim in re tantâ quæ ipsum Terrarum orbem in errorem pertraheret.

Qui Tertium?

In his scriptis omnibus nulla repugnantia, nulla falsitas revera apparet, quòd accuratâ discussione locorum omnium, qui tale quid præ se ferunt demonstrare non difficile esset.

Ostendisti, quæ causæ duæ è quatuor
hic

hic nihil habeant loci: ostende quæ Tertia non possit admitti?

Omnino si tertia Causa hic locum haberet, oporteret hæc scripta vel ex toto, vel ex parte, esse corrupta: Ex tota corrumpi non potuerunt; nec enim jam ii autores essent horum scriptorum, quos paulò antè esse docuimus. Sin verò ex parte corrupta fuissent, certè aut in iis rebus, quæ sunt magni momenti; aut in iis, quæ non sunt magni momenti corrupta fuissent. In illis quæ sunt magni momenti ea scripta depravari non potuisse hinc apparet; quòd pars depravata latere non posset, eò quòd incorruptis non responderet. In rebus verò non magni momenti, si depravatio aliqua existat, ea non tanti ponderis est, ut fidem libri ullo modo vocet in dubium.

Nonne posses etiam aliâ ratione idem docere, scripta Novi Testamenti non esse depravata?

Omnino; etenim incredibile prorsus est, Deum, cujus bonitas & providentia est immensa, ea scripta in quibus seipsum, voluntatèque suam & viam

ad salutem proposuerat, & quæ ab omnibus piis tot temporum decursu, pro ejusmodi scriptis excepta & approbata fuerunt, depravari ullo modo permisisse.

At verò quantum quæ hinc submovebis ?

Id quidem jam ipse poteras advertere, cum nulla sint apta & idonea testimonia fide dignorum hominum, quibus ea scripta premi vel oppugnari constet.

Quandoquidem docueris, nullum esse causam, cur de Scriptis novi Testamenti dubitetur, doce etiam cur iisdem fides sit adhibenda ?

Et si hoc ipsum, quòd nulla sit justa de iis dubitandi causa, magnum argumentum suppeditet, cur iis fides sit habenda, offeram tamen causam adhuc longè gravissimam, quæ fidem iisdem conciliet necessariò.

Quenam ea est ?

Religionis Christianæ veritas : quæ cum iis tantum, nec ullis aliis libris comprehensa sit, apparet, iis libris necessariò propterea habendam esse fidem.

At quanam re fidem facies mihi religionem Christianam esse veram ?

Ipso

Ipso Religionis Christianæ autore, qui fuit homo divinus; ac ipsâ Religionē, quæ etiam divina est.

At unde constat Religionis Christianæ Autorem fuisse hominem verè divinum?

E miraculis verè divinis, quæ idem fecit: & quod idem, cū Religionis à se traditæ causâ mortem acerbissimam adiisset, à mortuis sit à Deo excitatus.

Quæ scis eum fecisse miracula, eaq̃ fuisse verè divina?

Eum fecisse miracula hinc manifestum est, quòd non solum qui in eum crediderant, verum etiam professi ipsius hostes, quales sunt Judæi, id fateantur: ea verò fuisse divinæ, hinc facillè agnosces, postquam docuero, eum fuisse à mortuis à Deo excitatum. Nam cū is affirmaret se miracula virtute divinâ fecisse, perspicuum est, postquam is mortuus, à Deo vitæ restitutus est, verissimum fuisse quod affirmârat, nempe miracula ipsius fuisse divina.

Doce igitur eum fuisse à mortuis à Deo excitatum.

A mortuis eum à Deo excitatum esse, hinc apparet : *primùm*, quòd fuerint multi, illico post mortem ejus, qui constantissimè affirmârunt, quòd eum à mortuis excitatum vidissent : & propter hoc ipsum quòd ipsum à mortuis excitatum affirmarent, multas calamitates pertulerant : quidam verò etiam vitæ discrimen adiêrunt. *Deinde* innumera- biles alii, à prioribus idem accipientes, & ingentes calamitates, & mortes longè acerbissimas ejusdem rei causâ subi- êrunt. Ex quo efficitur necessariò, aut Jesum à mortuis exuscitatum esse, aut illos idcirco, quòd tantâ constantiâ as- severabant rem, quam falsam esse nove- rant, tot calamitatibus sese implicare, ac mortes etiam longè tristissimas perferre voluisse : posterius fieri nullâ ratio- ne potuit, cùm ipse communis sensus id abundè refellat ; quare prius omnino verum esse apparet.

*Quod alterum argumentum habes
hujus rei ?*

Id nimirum, quòd incredibile prorsus fuerit, eam religionem, quæ nullam vi-

tæ hujus splendorem, nulla commoda, nullas voluptates cultoribus suis afferat; verum etiam eadem illa omnia prorsus iisdem detrahat, & in multas vitæ hujus angustias, variâsque afflictiones compellat, à tot nationibus recipi, nisi Jesu Christi à mortuis suscitatione confirmata fuisset.

Demonstrasti Christianæ Religionis autorem fuisse hominem divinum: demonstrari etiam mihi velim, ipsam hanc Religionem esse divinam.

Id quidem ex ipso autore ejus divino jam perspicere potuisti: attamen & ex iis rebus, quibus constat hæc Religio, docere in promptu est; è præceptis nimirum atque promissis: deinde ex omnibus ejusdem Religionis circumstantiis.

At quâ ratione è præceptis & promissis colligitur hanc Religionem esse divinam?

Eâ quidem ratione; quod & præcepta perfectam vitæ sanctimoniam, & promissa summum atque perfectissimum bonum comprehendunt.

Quænam sunt Religionis hujus circumstantiæ?

Initia, progressio, denique vis & effecta.

Quomodo ex initiis ipsius docebis eam esse divinam?

Hoc nullo negotio animadvertes, ubi expenderis quinam fuerunt, qui primi hanc Religionem fundaverunt; nempe homines viles, & apud omnes contempti; ac simul consideraveris, eos id fecisse nullâ potentiâ, nullis opibus, nullâ sapientiâ, nullâ autoritate mundi subnixos; verum simplici solum prædicatione & persuasione usos, in hominibus ad sententiam suam pertrahendis.

E progressione verò quem ad modum id docebis?

Ad eum modum, quod brevissimo tempore ea Religio mirum in modum creverit; & innumeræ nationes, atque homines, docti, indocti, nobiles, ignobiles, sexûs utriusque, Religionibus, quas à Patribus & majoribus hauserant, abjuratis, eam Religionem amplexi fuerint, nullis commodis vitæ hujus allecti, nec ullarum calamitatum, quæ hanc Religionem comitari solent, mole deterriti.

CAP. I. *sacrarum literarum.* II

E vi porrò atque effectis quâ ratione
id planum facies.

Primò, quòd nullo consilio nec astu ;
nullâ vi, nullâque hominum potentiâ,
supprimi potuerit : deinde, quòd omnes
priscas religiones sustulerit, exceptâ
Judaicâ, quam illa pro ejusmodi agno-
vit, quæ à Deo profecta ad certum tem-
pus erat duratura.

Quàm certa & firma sint N. Fœderis
scripta hæcenus docuisti, doce etiam
V. Fœderis non minùs esse firma.

Id quidem brevissimè doceri hinc po-
test, quòd scripta *Novi Testamenti* certa
esse illa testantur. Cùm igitur testes ipsi
sint veri & certi, ut hæcenus docuimus,
apparet, eorum testimonium certum
verumque esse.

CAP. II

CAPUT II.

De Sufficientia Scripturæ Sacræ.

Scripta divinarum literarum esse
Scerta & firma satis probasti: do-
ceri amplius velim, an etiam sint ita
sufficientia, ut in rebus ad salutem ne-
cessariis, iis solis acquiescendum sit?

Prorsus sufficientia sunt ad eam rem;
eò quòd fides in Dominum Jesum
Christum, & Obedientia mandatorum
ejus, sit in iis scriptis Novi Fœderis
sufficientissimè tradita & explicata,
quam ex Dei promisso vita æterna con-
sequitur.

*Si res ita habet, quid igitur traditi-
onibus opus est, quas ad salu-
tem necessarias in Romana Ecclesia
aiunt, & Scripturam non-scriptam
vocant.*

Bene rem percipis, eas prorsus ad
salutem non esse necessarias.

Quid igitur de iis sentiendum est?

Eas non solum sine causâ, & iustâ
nece-

necessitate confictas & inventas esse; verum etiam summo cum discrimine fidei Christianæ.

Quodnam id esse potest discrimen?

Id, quod causam istæ traditiones subministrant hominibus à veritate divinâ ad mendacium & humana commenta deflectendi.

Veruntamen è Scriptura istas traditiones asserere videntur.

Ea Testimonia, quæ ad probandas traditiones è scriptura proferunt, demonstrant quidem Christum & Apostolos locutos fuisse, & fecisse quædam quæ divinis Literis non sunt comprehensa; verum nullâ ratione ostendunt, illa fuisse ab iis, veluti de manu ad manum, ad servandum temporibus perpetuis tradita; aut ea quæ literis divinis sunt consignata ad religionem & salutem non sufficere.

CAPUT III.

De Perspicuitate Sacrarum
Literarum.

ET certam & sufficientem Scripturam
Sacram docuisti hætenus : an verò
eadem perspicua sit omnibus & facilis,
ostende.

Etsi difficultates quædam in eâ oc-
current ; est tamen Scriptura sacra,
præsertim novi Fœderis, facilis & per-
spicua in iis, quæ ad salutem sunt pror-
sus necessaria.

Quâ ratione id demonstrabis ?

Primo, cum Deus eo fine atque consi-
lio Scripturam sacram hominibus tradi
voluerit, ut ex eâ voluntatem ipsius
cognoscerent, incredibile prorsus est,
ejusmodi scripta tradi voluisse, è quibus
voluntas ipsius perspicui & cognosci ab
omnibus non posset. Deinde, quòd ipsis
Religionis Christianæ principiis, Apo-
stoli epistolas suas, in quibus præcipua
Religionis Christianæ mysteria conti-
nentur,

nentur, ad homines simplices scripserint.

At unde tot dissidia in eruendo Sacrae Scripturae sensu emergunt?

Hinc, quòd homines Scripturam vel negligenter legant; aut cor non afferant sincerum, & ab omnibus impedimentis & cupiditatibus solutum; aut auxilium illud divinum, donum nempe Spiritûs sancti, quod Deus promisit dies noctesque eum invocantibus, non, quo par est, studio implorent.

Quis igitur doctorum est usus?

Ut homines ad ea, quæ percipere ipsi possunt, tuenda & servanda stimulent, & in difficilioribus percipiendis eosdem adjuvent.



DE



DE
VIA SALUTIS.

CAP. I.

De Causis patefaciendæ salutis viæ.



Quoad scripturam S. agnosco
mibi à Te satisfactum:
Verum tamen cum initio
dixeris, hanc viam, quæ
ad immortalitatem ducat,
esse divinitus patefaciam,
scire velim cur id abs te dictum sit?

Propterea, quia ut homo naturâ ni-
hil habet commune cum immortali-
tate, ita eam ipse viam quæ nos ad
immor-

immortalitatem duceret, nullâ ratione per se cognoscere potuit.

Cur verò nihil habet commune homo cum immortalitate ?

Idcirco, quòd ab initio de humo formatus, proptereaque mortalis creatus fuerit : deinde verò, quòd mandatum Dei ipsi propositum transgressus sit ; eoque, decreto Dei ipsius in mandato expresso, æternæ morti necessario subiectus fuerit.

Quis vero id conveniet iis scripturæ locis in quibus scriptum exstat, hominem ad imaginem Dei creatum esse ; & creatum ad immortalitatem ; & quòd mors per peccatum in mundum introierit, Gen. 1. 26, 27. Sap. 2. 23. Rom. 5. 12.

Quod ad testimonium attinet, quod hominem creatum ad imaginem Dei pronunciat, sciendum est, imaginem Dei, non significare immortalitatem : (quod hinc patet, quòd scriptura eo Tempore, quo homo æternæ morti subiectus erat, agnoscat in homine istam imaginem. Gen. 9. 6. qui effuderit sanguinem hominis, per hominem effundetur sanguis ipsius. Etenim ad Imaginem suam fecit hominem
Deus.

Deus. Jacob. 3. 9. linguâ benedicimus Deo & patri & eâdem maledicimus hominibus, qui ad imaginem Dei facti sunt.) sed potestatem hominis & dominium in omnes res à Deo conditas, supra Terram designare: ut idem locus, in quo de hac eadem imagine agitur, Gen. 1. 26. apertè indicat. *Faciamus hominem ad imaginem nostram & dominetur piscibus maris, & volucris cæli & jumentis, & universæ terræ, & omni reptili quod reptat supra Terram.*

At verò de secundo Testimonio quid censes?

Primò, ex eo libro allatum esse, qui inter Apocrypha recensetur: quare certum Argumentum ex eo peti non potest. Deinde, quod in eo loco transfertur, *Deus creavit ad immortalitatem hominem, hoc, in incorruptione*, vi sermonis Græci reddi potest. Porro, integritas & incorruptio non solum ad naturam hominis; verum etiam ad conditionem & fortunam ejusque cursum felicem, ad vitæ terminum extremum, referri potest: atque hîc omnino referendum esse, sequentia verba, per Antithesin antecedentibus opposita, demonstrant, quæ

quæ sunt: verùm *Invidiâ* diaboli mors intravit in mundum; & tentant [inferre] eam qui illius partis sunt, v. 24. 25.

Quid porro ad tertium respondebis?

Apostolus eo in loco non agit de immortalitate, verùm de morte ipsâ: Mortalitas verò à morte multùm dissidet; siquidem potest esse quis mortalis, nec tamen unquam mori.

Quæ igitur est horum verborum sententia, quòd mors per peccatum introierit in mundum?

Hæc, quòd Adamus ob peccatum, decreto & sententiâ Dei, æternæ morti subiectus est; proinde omnes homines, eò quòd ex eo nati sunt eidem æternæ morti subiaceant. Rem ità esse collatio Christi cum Adamo, quam Apostolus eodem capite à v. 12. ad finem instituit, indicio est.

Animadverti hominem cum immortalitate nihil commune habere: verùm quomodo hoc doceri potest, eum viam ad immortalitatem per se cognoscere non qui visse?

Ad eum modum doceri potest, quòd ea cognitio rationem humanam longè excedat,

excedat, uti Apostolus disertè ait, 1 Cor. 2. 14. *homo animalis non percipit ea, quæ sunt spiritus Dei; per ea verò intelligit, de quibus paulò superiùs egit, v. 9, 10. quæ oculus non vidit, nec auris audivit, nec in cor hominis ascenderunt, quæ Deus præparavit diligentibus se, & nobis revelavit per spiritum suum: quod & de immortalitate & viâ ad eam tendente accipi, res ipsa apertè monet.*

At hoc idem potèstne alio scripturæ Testimonio planum facere?

Prorsus, & illo quidem, Rom. 1. 19, 20. ubi Apostolus sic scribit. *Nam quod notum est Dei, manifestum est in illis: Deus enim illis manifestavit. Etenim invisibilia Dei ipsius à creatione mundi, factis intellecta conspiciuntur, ipsaque sempiterna ejus virtus & divinitus, ad hoc, ut sint inexcusabiles.*

At quâ ratione ex eo Testimonio id planum fit?

Ad eum modum, quòd ea Apostolus, quæ Deus per Evangelium patefecit hominibus, ejusmodi esse affirmet, quæ ab ipsa mundi creatione invisibilia fuere. Unde ab hominibus nullâ ratione

tionem indagari potuerint. Etenim ipsa materia, quam sibi hoc loco Apostolus tractandam proposuit, indicio est, ea facta, ex quibus invisibilia Dei cognita fuere, de factis quæ sub Evangelio exstiterunt, omnino accipi debere.

Verum eum locum aliter vulgo interpretantur.

Non me id fugit; verum ideo fit ab iis, quod locum aliter legunt, quam ab Apostolo scriptus sit. Etenim quod Apostolus scripsit, à creatione mundi, illi legunt, ex creatione mundi. Deinde hæc eadem verba, quæ cum prioribus, invisibilia ipsius, jungi debent (qualis est conjunctio in loco simili, Matth. 13. 35. *Aperiam in parabolis os meum: pandam abscondita à constitutione mundi*) cum posteriore, conspiciuntur, conjungunt.

CAP. II.

In quibus ea via salutis consistat.

PErcepi eam viam nobis à Deo traditam & patefactam. Quae porro ea sit, demonstratum velim.

Cognitio Dei & Christi, ut ipse Dominus Jesus testatur. Joan. 17. 3. haec est vita aeterna, ut cognoscant te illum solum verum Deum, & quem misisti Jesum Christum.



DE COGNITIONE DEI.

CAPUT I.

De Dei essentia.



*P*ropone igitur mihi quibus in rebus
sita sit Dei notitia.

In eorum, quæ ad *Essentiam*
ipsius pertinent, & *Voluntatis* ipsius cog-
nitione.

*Quenam sunt quæ ad essentiam ipsius
pertinent?*

Ea sunt duplicia; primum genus est e-
orum, quæ prorsus ad salutem sunt ne-
cessaria; alterum verò eorum, quæ ad sa-
lutem vehementer conducunt.

*Quenam sunt, quæ ad essentiam
pertinent.*

pertinent, ad salutem prorsus necessaria?

Sunt ea, quòd *Deus* sit; quòd sit tantum unus; quòd æternus; quòd perfectè-justus, perfectè-sapiens, & perfectè-potens.

Quid verò est nōsse quòd Deus sit?

Agnoscerè, aut certè firmiter persuasum habere, eum ex seipso in nos divinum habere imperium.

Quid autem quòd unus tantum sit?

Agnoscerè & certò credere, quòd ipse tantum sit, qui ex seipso divinum in nos habeat imperium.

Quodnam hoc est divinum in nos imperium?

Est jus atque potestas summa, de nobis quicquid velit statuendi, etiam in iis, ad quæ nulla vis humana, nec alia quæcunque penetrare potest; ut sunt cogitationes nostræ, etiam in intimis recessibus cordis nostri abditæ, quibus ille pro arbitrio leges ponere, & præmia & pœnas statuere potest.

Quid est quòd ex seipso imperium habeat?

Id est, quòd à nemine prorsus illud acceperit.

Quid

Quid est, quod ipse tantum?

Non dixi simpliciter, quod solus tantum habeat, verum quod à seipso solus tantum habeat: nihil enim prohibet, quò minus id Imperium, eamque Potestatem, quam alius nullus præter eum ex se habeat, cum alio communicare possit: licet Scriptura asserat, eum solum esse, qui sit potens aut dominator. Tim. 6. 15.

Cur igitur ita Scriptura loquitur?

Propterea, quod omnis potestas & autoritas, non solum divina, verum etiam humana, ejusdem domo, cuius eam habenti contingat.

Quid est nōsse, quod Deus sit æternus?

Id quod principio & fine careat.

Quid est nōsse quod Deus summè sit

justus?

Hoc, quod ea sit ipsius natura, rectitudinem & æquitatem tueri.

Quid est nōsse, quod Deus sit summè sapiens?

Quòd omnia simul non solum nov-rit, verum etiam singula exactissimè

B

cognita

cognita habeat: nec quicquam sit, quod effugere ipsius notitiam possit.

Quid est nōsse, quod Deus sit summè potens?

Quòd omnia quæ velit facere possit.

Cur hac omnia nōsse, ad salutem est necessarium?

Propterea, quòd sine horum notitia, in hac salutis viâ perflitere ad portum non possemus.

Dacè de his omnibus sigillatim.

Quòd attinet ad primum, quis non videt, ad salutem esse necessarium, Credere Deum esse? cū nisi crederemus Deum esse, nè viam quidem hanc ab eo esse traditam, credere possemus. Hinc etiam Autor ad Hebræos ait, accedentem ad Deum credere oportet, quòd Deus sit. Heb. 11.6.

Quomodo secundum nōsse ad salutem necessarium esse demonstrabit?

Nisi crederemus Deum unum tantum esse, cum animo distrahi nos oporteret, incertos prorsus quisnam eam viam nobis præscripsisset: propterea, sæpius Scriptura nos admonet ejus rei, Deum

unum

unum esse, ut apud Mosen videre est :
Deut 6.4. quod etiam ipse Dominus
repetit apud Marcum 12.29. *Audi Israël,
Dominus Deus tuus, Deus unus est.* &
rursus apud Mosen Deut.32.39. Vide-
te quòd ego solus ipse sum, nec est ullus
Deus præter me. Vide etiam 1 Cor.8.6.
1 Tim.2.5. Eph.4.6. Gal.3.20.

Quis tertium ?

Nisi Deum æternum esse crederemus,
quì speraremus ab eo vitam æternam,
quòd nos hæc via ducit ?

Quis quartum ?

Credere, quòd Deus *summè-justus* sit,
ad salutem necessarium esse, hinc patet;
primò, ut nobis persuasum sit, Deum
nobis etiam, quantumvis indignis,
præstiturum promissa: deinde, ut agno-
scamus, tentationes omnes, quas in
hanc viam ingressos subire oportet, va-
care omni injustitiâ, cum ea à Deo per-
ittantur.

*Quâ ratione quintum, Deum,
nempe esse summè-sapientem
nôsse, est ad salutem necessarium ?*

Hoc est propterea, necessarium nôsse ad
salutem, ut nihil dubitemus, etiam cor
B 2 nostrum,

noſtrum, quo ad perſcrutandum nihil eſt difficilius, illi ſemper & prorsus perſpectum atque cognitum eſſe, è quo etiam obedientia noſtra potiſſimum æſtimatur.

Qui verò ſextum?

Dubitari non poteſt ad ſalutem eſſe neceſſarium, noſſe Deum, eſſe ſummè-potentem; qui enim ſperari poſſet à Deo, tanquam primo autore, vita æterna, niſi perſuaſum nobis eſſet, illius potentiam nullis Terminis finibusque eſſe circumſcriptam? tum quis tot res adverſas, quæ iis omnibus, qui Deum Religione Chriſtianâ colunt, & imminent & uſuvenient, perferret, niſi animo infixum haberet, omnia in manu Dei ſita eſſe, nec talia ſine ipſius voluntate evenire, neque rem ullam eſſe ſeu in Terris, ſeu in Cœlis, quæ divi- nam ipſius poteſtatem, quò minùs implere poſſit, quæ promiſit, & quæ ab eo expectamus, inhibeat.

Expoſuiſti, quæ cognitu ad ſalutem de Eſſentia Dei ſunt prorsus neceſſaria: expone, quæ ad eam rem vehementer utilia cenſeas.

Id

Id quidem est, ut cognoscamus in
Essentia Dei unam tantum personam esse.

Demonstra hoc ipsum.

Hoc sanè vel hinc patere potest, quòd
Essentia Dei sit una numero; quapropter
plures numero personæ in ea esse
nullo pacto possunt, cùm persona nihil
aliud sit, nisi *Essentia individua intelli-*
gens.

Quenam est hæc una persona di-
vina?

Est ille deus unus, Domini nostri
Jesu Christi pater.

Qui istud planum facis?

Testimoniis scripturæ evidentissimis,
quæ sunt: hæc est vita æterna, ait Jesus,
ut cognoscant Te (Pater) illum solùm verum
Deum. Joan. 17. 3. Et ad Corinthios
Apostolus scribit, nobis unus Deus (est)
ille Pater, ex quo omnia. 1 Cor. 8. 6. & ad
Ephesios, unus est Deus & pater omnium,
qui est super omnia, & per omnia, & in om-
nibus, Ephes. 4. 6.

Verùm Christiani non solùm Pa-
trẽ, verùm etiam Filium &
Spiritum Sanctum personas
esse in unâ Deitate vulgò statũ.

Non me clam est, sed graviter in eo errant, argumenta ejus rei afferentes è Scripturis malè intellectis.

Quenam sunt argumenta, quibus eam rem probare nituntur?

Ea sunt præcipua: *primum* cum aiunt in Scripturis non solum patrem, verum etiam *Filium & Spiritum Sanctum Deum* vocari: & quoniam eadem Scripturæ asserant Deum esse unum tantum, hinc colligunt, hos tres Deum illam unum esse.

Quâ ratione hoc argumentum dissolvi debet?

Prius de Filio, postea de Spiritu sancto responsum feret.

Quid autem de Filio respondebis?

Ea vox, *Deus*, duobus potissimum modis in Scripturis usurpatur; prior est, cum designat illum, qui in Cœlis & in Terrâ omnibus ita dominatur & præest, ut neminem superiorem agnoscat: ita omnium autor est & principium, ut à nemine dependeat. Posterior modus est, cum eum denotat, qui potestatem aliquam sublimem ab uno illo Deo habet, aut Deitatis unius illius Dei aliquâ ratione

tionem particeps est. Etenim in Scripturis propterea Deus ille unus Deus Deorum vocatur. Psal. 50. 1. Acque eadem quidem posteriore ratione filius Dei vocatur Deus in quibusdam Scripturæ locis.

Quæ ratione doces filium Dei hac posteriore significatione in Scripturis vocari Deum?

Ex ipsius filii Dei verbis: si (inquit idem) eos vocavit Deos, ad quos Dei sermo factus est, & non potest solvi Scriptura; quem Deus sanctificavit & misit in mundum, vos dicitis, quia blasphemus, quod dixerim, filius Dei sum. Joan. 10. 35, 36. his verbis apertissime indicat Christus, hanc vocem, Deus, etiam iis in Scriptura attribui, qui uno illo Deo multò inferiores sunt; tum etiam, quòd nullam aliam ob causam majorem, se ipsum Dei filium, ac proinde Deum asseruerit, nisi quòd à Patre sanctificatus & in mundum missus fuerit.

De Spiritu autem sancto quid respondes?

Spiritus sanctus nusquam in Scripturis vocatur expressè Deus; quia verò quibusdam locis ea attribuit ipsi Scriptura,

quæ Dei sunt, non eò facit, acsi ipse vel Deus sit, vel persona Divinitatis, sed longè aliam ob causam, quemadmodum suo loco audies.

Quodnam est secundum eorum argumentum, quo tres illas personas in una Deitate approbare nituntur?

Argumentum secundum sumunt ex his locis, in quibus fit mentio Patris, Filii, & Spiritus sancti.

Quinam loci illi sunt?

Primus est, in quo Iesus mandat baptizari in nomen Patris & Filii & Spiritus.

Matth. 28. 19. Secundus est, in quo Apostolus ad eum modum scribit: discrimina donorum sunt, at idem Spiritus: & discrimina ministeriorum sunt, at idem Dominus: & discrimina operationum sunt, at idem est Deus, qui operatur omnia in omnibus. 1. Cor. 12. 4, 5, 6. & inferius, ad eum

modum loquitur v. 11. Omnia autem hæc operatur unus & idem Spiritus, distribuens

unicuique, prout vult. Tertius est apud Joannem, ubi legimus: Tres sunt, qui Testantur in Cælo, Pater & Verbum &

Spiritus

Spiritus sanctus, & hi tres unum sunt.
1 Joan. 5. 7.

Quid verò de his Testimoniis
sentiendum est ?

Generatim ad ea respondeo, ea Testimo-
nia tantum docere, Patrem, Filium, &
Spiritum sanctum esse ; quod nos non
solum agnoscimus, verum etiam con-
stanter asserimus ; ita, ut nè Christia-
num quidem eum esse posse, qui id ig-
noret, aut non credat, pronuntiemus :
verum ea Testimonia, quod controver-
sum est, nempe Patrem, Filium & Spi-
ritum sanctum esse tres personas in una Essen-
tia, non demonstrare planum est.

Attamen ex ejusmodi in locis citatis
conjunctione istorum Trium in opera-
tionibus divinis, Tres esse Perso-
nas in una Essentia divina, videtur
posse colligi.

Nullo pacto ; nam quod ad primum at-
tinet, etiam si Pater, Filius & Spiritus
sanctus sint conjuncti in baptismo : effi-
ci tamen non potest, eos personas esse
in una essentia divina. Nam in Scri-
pturis minimè novum est, in aliis re-
bus, non minus quàm baptisus di-

vinis, Deo conjungi & personas & res, quæ ad essentiam Dei nullo modo pertinent. De Personis exemplum habes in libro Regum; & timuit populus omnis Deum vehementer, & Samuelem. 1 Sam. 12. 18. & apud Moſen, ubi juxta Hebraicam veritatem legitur, & timuit populus Jehovah, & credidit in Jehovah, & in Moſe ſervo ejus. Exod. 14. 31. Deinde de Rebus: Commendo vos Deo & Verbo gratiæ ejus. Act. 20. 32. & alibi: Confortamini in Domino & virtute roboris ejus. Ephes. 6. 10.

Veruntamen ipsi statuunt, eum oportere prorsus esse Deum; in cujus nomen baptizamus.

Errant vehementer; nam legimus in Scripturis, Israëlitas baptizatos fuisse in Moſen. 1 Cor. 10. 2. & quosdam discipulos in baptisma Joannis, Act. 19. 3. licet nec Moſes Deus sit, nec baptisma Joannis persona, nedum Deus.

Verum longè aliud videtur in nomen alicujus baptizari, aliud verò in aliquem baptizari.

Nequaquam; etenim ex vi Idiotismi Hebraici, idem sæpe in nomen alicujus facere,

cere, quod in aliquem facere, significare notum est : Etenim quod in quibusdam locis legitur, fuisse baptizatos in nomine Christi Act. 2. 38. hoc idem legimus in aliis scriptum simpliciter, fuisse in Christum baptizatos. Rom. 6. 3. Gal. 3. 27.

Ad secundum Testimonium verò quid respondes ?

Id, quod etiam illi divinæ operationes attribuantur Deo, & illi Domino & Spiritui sancto, hinc tamen effici non potest, hos tres unius esse essentiae : immo hinc contrarium colligitur non obscure, eos nempe unius esse non posse essentiae, cum apertissime hic à Deo ille Dominus & Spiritus sanctus distinguantur, quem alium non esse, nisi patrem Domini Jesu, evidenter superius docuimus. Quia verò hic cum Deo, Domini & Spiritus sancti fit mentio, ideo fit, quod Dominus sit ille, per quem Deus ista omnia operetur : & Spiritus itidem sancti, quod de ejusmodi rebus hic agatur, quæ ad solos credentes pertinent, quas Deus non aliâ virtute

virtute suâ quam per Spiritum sanctum operetur & efficiat.

Ad tertium quid respondes ?

Primum, cum notum sit in Græcis exemplaribus vetustioribus, ac in Syriaco, denique in Latinis versionibus antiquioribus, ea verba non haberi, quemadmodum præcipui è nostris adversariis id ostendunt, ex iis nihil certi effici potest. Deinde, etiamsi in Scripturis haberentur, ex iis tamen concludi non posset tres personas esse in una divinitate. Nam is locus nullâ aliâ de re agit, quàm de testimonio ejusmodi ; Jesum nempe esse Dei filium : hoc autem perhiberi posse etiam ab iis, qui personæ non sunt, sequentia verba apud Joannem indicant : *Tres sunt qui Testantur supra Terram, Spiritus, Aqua & Sanguis. I Joan. 5. 8.* quia verò ait, *unum esse*, eos *unum Testimonio*, non autem *essentiâ* dici in sequenti versiculo eadem prorsus verba addita, indicio sunt.

E superiore oratione unam esse in Deitate personam perspicio : jam igitur cognoscere velim, quâ hujus rei notitia

notitia ad salutem est admodum utilis ?

id faciliè cognosces, si quàm sit adversæ partis pernitiôsa opinio, deprehenderis. Etenim ista opinio *primùm unius* Dei fidem faciliè convellere & labefactare potest; idque dum unum Deum modò fatetur, modò tres personas, quarum unaquæque Deus sit, prædicat. *Secundò* gloriam unius Dei, qui tantum pater Christi est, obscurat, dum eam ad alium, qui pater non sit, transfert. *Tertiò* viam salutis faciliè potest pariter subvertere, dum inter primam & secundam salutis Causam discrimen tollit; & quis sit primus nostræ salutis Autor, & quemadmodum eandem Deus per Christum & Spiritum sanctum operetur, rectè agnoscere non permittit. *Denique* alienis à Religione Christianâ magno est ad eam amplectendam impedimento, dum ea quæ veritati divinæ & rationi sanæ adversa sunt, tradit: quibus omnibus incommodis vacat ea sententia, quæ *unam tantum personam* in divinis asserit.

C A P U T

CAPUT II.

De Voluntate Dei.

EXposuisti mihi quæ pertinent ad
Essentiam Dei : quæ spectant ad
ejus voluntatem expone.

Ea quæ ad voluntatem Dei pertinent,
quædam sunt ejusmodi, quorum omnes
in universum homines participes exi-
stunt, & existere semper; quædam verò
ad eos propriè spectant, qui vitam æter-
nam consecuturi sunt.

Quæ verò ea sunt, quorum in uni-
versum homines participes semper
existere?

Sunt numero tria; primum, creatio cœli
& terræ, & omnium quæ iis sunt com-
prehensa: deinde, cura & providentia
de singulis hominibus: postremò, re-
muneratio eorum, qui ipsum quærunt,
hoc est, eidem parent. i Tim. 4. 10.
Matth. 10. 30. Heb. 11. 6.

Cur verò necesse est ut de Deo creda-
tur,

tur, quòd cœlum & terram condi-
derit?

Due potissimum causæ ejus rei depre-
hendi possunt: una, quòd Deus velit ut
id credamus: quapropter in Scripturis
& ipse Deus & ejus Ministri, tam sæpe
& perspicuè ejus rei admonent; ut in-
ter alia testimonia habes apud Esaiam
44. 24. Ego Jehova faciens omnia, expan-
dens cœlos & extendens terram virtute meâ.
& apud Moysen Gen. 1. 1. In principio
creavit Deus cœlum & terram. & Davi-
dem Psal. 33. 6, 7, 8, 9. Verbo Domini cœli
facti sunt, & spiritu oris ejus omnis virtus
eorum, colligens, tanquam in situlam, aquas
maris, componens, velut in thesaurum, abys-
sos: metuat igitur Jehovam orbis terræ,
hunc reformident omnes habitatores mundi;
nam ipse dixit, & factum est; ipse jussit, &
existit. & in Act. 4. 24. Domine, tu es,
qui fecisti cœlum & terram, & maria, &
omnia quæ in eis. & ibidem 14. 15. An-
nuntiamus vobis, ut ab istis vanis converta-
mini ad Deum viventem, qui fecit terram,
& cœlum, & maria, & omnia quæ in eis:
& ibidem 17. 24. Deus, qui mundum &
omnia quæ in eo condidit, is Dominus cœli

Et terræ existens, non habitat in templis
manufactis: Altera causa est, cur id cre-
dendum sit de Deo, quod cælum & ter-
ram creârit, quod nili certò id nobis per-
suasum esset, nullam causam haberemus
credendi, Deum singulorum hominum
curam habere: atque eâ ratione ani-
mum ad ei obediendum nunquam in-
duceremus.

Ex hac tuâ responsione perspicio,
nihil esse, cur rogem, quamobrem
Deus singulorum hominum
curam habeat, & obtemperantes
remuneretur: quare, expone mi-
hi, quænam sunt, quæ ad volun-
tatem Dei pertinent, quæ ad eos
propriè spectant, qui vitam æ-
ternam consequuntur.

Sunt ea, quæ Deus per Jesum Chri-
stum nobis patefecit.



D E

Cognitione Christi:

& primùm de

ESSENTIA IPSIUS.

CAPUT I.

De Persona Christi.



Quoniam ea per Jesum
Christum patefacta
esse dixisti, quæ ad
voluntatem Dei spe-
ctant, & ad eos propriè pertinent,
qui vitam illam immortalem asse-
caturi sunt, rogatum te velim, ut
mibi ea de Jesu Christo exponas,
quæ me scire oporteat.

Bene:

Bene: sciendum itaque tibi est, quædam ad *essentiam* Jesu Christi, quædam ad illius *munus* referri, quæ te scire oportet.

Quenam ea sunt, quæ ad personam ipsius referuntur?

Id solum, quod naturâ sit *homo verus*, quemadmodum eâ de re crebrò Scripturæ sacræ testantur: inter alias 1 Tim. 2.5. *Unus mediator Dei & hominum, homo Christus Jesus.* & 1 Cor. 15. 21. *Quoniam per hominem mors, & per hominem resurrectio mortuorum; qualem olim Deus per Prophetas promiserat, & qualem etiam esse testatur fidei symbolum, quod vulgò Apostolicum vocant, quod nobiscum universi Christiani amplectuntur.*

Ergo Dominus Jesus est purus homo?

Nullò pacto: etenim est conceptus è Spiritu sancto, natus ex Maria Virgine, eoque ab ipsa conceptione & ortu filius Dei est, ut ea de re Luc. 1. 35. legimus, ubi Angelus Mariam ità alloquitur: *Spiritus sanctus superveniet in te, & virtus altissimi obumbrabit tibi, ideoque quod ex te nascetur sanctum, vocabitur filius Dei.* Ut

alias

alias causas non afferam, quas postmodum in Jesu Christi persona deprehendes, quæ evidentissimè ostendunt, dominum Jesum pro puro homine reputari nullo modo posse.

Dixeras paulò superius, Dominum Jesum naturâ esse hominem; an idem habet naturam divinam?

Nequaquam: nam id non solum rationi sanæ, verum etiam Divinis literis repugnat.

Cedo, quæ rationi sanæ repugnat?

Primò, ad eum modum, quòd duæ substantiæ proprietatibus adversæ coire in unam personam nequeant, ut sunt mortalem & immortalem esse: principium habere, & principio carere: mutabilem & immutabilem existere: deinde, quòd duæ naturæ personam singulæ constituentes in unam personam convenire itidem nequeant; nam loco unius duas personas esse oporteret, atque ità duos Christos existere, quem unum esse, & unam ipsius personam omnes citra omnem controversiam agnoscunt.

Cum verò illi ostendunt, Christum
sic

sic naturâ divinâ & humanâ constare, quemadmodum homo ex animo & corpore constet, quid illis respondendum?

Permagnum hic esse discrimen: illi enī aiunt, duas naturas in Christo ita unitas esse ut Christus sit Deus & homo; anima verò & corpus ad eum modum in homine conjuncta sunt, ut nec anima nec corpus ipse homo sit, nec enī anima, nec corpus sigillatim personam constituunt. At ut natura divina per se constituit personam, ita humana constituat per se, necesse est.

Doce etiam, quī id repugnet Scripturæ, Christum habere divinam naturam?

Primum, eâ ratione, quòd scriptura nobis unum tantum naturâ Deum proponat, quem superiùs demonstravimus esse Christi patrem. *Secundò*, eadem scriptura testatur Jesum Christum naturâ esse hominem, ut superiùs ostensum est; quo ipso illi naturam adimit divinam. *Tertiò*, quòd quicquid divinum Christus habeat, scriptura eum patris dono habere apertè doceat, Matth. 28. 18. Phil.

2.9. 1 Cor. 15. 27. Joan 5. 19. 10. 25.
Denique, cum eadem scriptura apertissime ostendat, Jesum Christum omnia sua facta divina non sibi, nec alicui naturæ divinæ suæ; sed patri suo vindicare solitum fuisse, planum facit, eam divinam in Christo naturam prorsus otiosum, ac sine omni causâ futuram fuisse.

Atqui illi è scripturis illam divinam in Christo naturam asserere conantur?

Conantur quidem variis modis; idque dum student, aut è scripturis quibusdam evincere, quæ in iis non habentur, aut dum ex iis, quæ in scripturis habentur, perperam ratiocinantur, ac male rem suam conficiunt.

Quæ verò sunt illa, quæ illi de Christo è scripturis evincere laborant quæ illic non habentur?

Est illius, ut loquuntur, præ-æternitas, quam duplici scripturarum genere approbare nituntur. Primum ejusmodi est, in quo prææternitatem hanc expressam putant. Secundum, in quo licet expressa non sit, eam tamen colligi arbitrantur.

Quæ

Quenam sunt Testimonia scripturæ,
quæ videntur ipsis eam præ-æter-
nitatem exprimere?

Sunt ea in quibus scriptura testatur
de Christo, ipsum fuisse in principio, fu-
isse in cælo, fuisse ante Abrahamum, Jo. 1. 1.
Jo. 6. 62. Jo. 8. 58.

Quid verò ad primum respondes?

In loco citato nihil habetur, de ista præ-
æternitate, cùm hic principii mentio fiat,
quod præ-æternitati opponitur. Princi-
pii verò vox in scripturis ferè semper ad
subjectam refertur materiam, ut videre
est. Dan. 8. 1. Jo. 15. 27. 16. 4. Act.
11. 15. cùm igitur hic subjecta sit ma-
teria Evangelium, cujus descriptio-
nem suscepit Joannes, sine dubio per
vocem hanc principii, principium Evan-
gelii Joannes intellexit.

Ad secundum autem quid re-
spondes?

Neque hic ullam præ-æternitatis mentio-
nem factam expressè; nam hoc in loco
filium hominis, id est, hominem in cælis
fuisse testatur scriptura, quem citra
ullam controversiam præ-æternum non
existitisse certum est.

At verò quid ad tertium?

In hoc loco non solum non exprimitur præ-æternitas Christi, cum aliud sit, ante Abrahamum fuisse, aliud præ-æternum; verum ne hoc quidem expressum est, ipsum ante Mariam virginem fuisse. Etenim ea verba aliter legi posse (nimis hac ratione, Amen, Amen dico vobis, prius quam Abraham fiat, ego sum.) apparet ex iis locis apud eundem Evangelistam, ubi similis & eadem locutio græca habetur, cap. 13. 19. à modo dico vobis, priusquam fiat, ut cum factum fuerit, credatis. Et cap. 14. 29. & nunc dixi vobis priusquam fiat, ut, cum factum fuerit, credatis.

Que verò ejus sententia foret lectionis?

Admodum egregia: etenim admonet Christus Judæos, qui eum in sermone capere volebant, ut dum tempus haberent, crederent ipsum esse mundi lucem, antequam divina gratia, quam Christus iis offerebat, ab iis tolleretur, & ad Gentes transferretur. Quod verò ea verba, ego sum, sint ad eum modum sup-
plenda, ac si ipse subjecisset iis, ego sum
luc

lux mundi, superius è principio ejus orationis v. 12. & hinc, quòd Christus bis seipsum iisdem verbis, ego sum, lucem mundi vocaverit, v. 24. 28. ea verò verba, priusquam Abraham fiat, id significare quòd diximus, è notatione nominis Abraham deprehendi potest, constat inter omes Abrahamum notare patrem multarum gentium. Cùm verò Abram non sit factus prius Abraham, quàm dei gratia in Christo manifestata in multas gentes redundaret, quippe quòd Abrahamus unius tantùm gentis antea pater fuerit, apparet sententiam horum verborum, quam attulimus, esse ipsissimam.

Quæ verò sunt Testimonia scripturæ, in quibus putant, non exprimi quidem præ-æternitatem Christi, ex iis tamen effici posse?

Ea quæ videntur Domino Jesu quasdam res attribuere, ab æterno; quasdam verò tempore certo & definito.

Quenam sunt Testamonia, quæ domino Jesu ab æterno res quasdam attribuere videntur?

Sunt ea, ex quibus conantur exstruere Christum

Christum ab æterno ex essentia Patris genitum.

Ex quibus verò locis extruere conantur, Christum ab æterno ex essentia Patris genitum?

Ex his potissimum: Mich. 5. 2. & tu Bethlehem Ephrata, minima es ex millibus Juda: ex te mihi egredietur dux, qui pascet populum meum Israël, & egressiones ejus ab initio & à diebus seculi; & Psal. 2. 7. tu es filius meus, ego hodie genui te. & Psal. 110. 10. ubi secundum vulgatam legitur: ex utero ante Luciferum genui te, & Prov. 8. 23. ubi sapientia ait de se, ab æterno genita sum.

Qui vero ad hæc Testimonia respondendum est?

Antequam ad singula Testimonia respondeam, sciendum est, eam ex essentia Patris generationem esse impossibilem: nam si Christus ex essentia Patris genitus fuisset, aut partem essentiae sumpsisset, aut totam. Essentiae partem sumere non potuit, eo quod sit impartibilis divina essentia; neque totam, cum sit una numero, ac proinde incommunicabilis.

*Quia tamen ad primum scripturæ
Testimonium respondendum est?*

Id Testimoniū de generatione ex essentia
Patris nihil prorsus habet; generatio-
nem verò præ-æternam nullā probat
ratione; hic enim mentio fit *initii &
dierum*, quæ in æternitate locum non
habent, & verba hæc, quæ in vulgata
leguntur, à *diebus æternitatis*, in Hebræo
exstant, à *diebus seculi*: *dies* verò *seculi*
idem quod *dies antiqui* notant, ut Es.
63. 9. & 11. Mal. 3. 4. sententia verò
loci huius est, Christum originem na-
tivitatis suæ ab ipso principio &
annis antiquis ducturum, id est, ab eo
Tempore, quo deus in populo suo re-
gem stabilivit, quod reipsa in Davide
factum est, qui & Bethlehemita fuit &
Autor stirpis & familiæ Christi.

Ad secundum verò quid?

Neque in eo de generatione ex essentia
Patris, nec de generatione præ-æterna
prorsus quicquam haberi; etenim vox
hodie, cum certum tempus designet, præ-
æternitatem denotare non potest: Quod
v. Deus eum genuerit, non evincit eum ex
essentia ejus genitum: id quod patet ex

eo,

eo, quòd hæc eadem verba, *Ego hodie genui te*, primo sensu de Davide dicantur, quem constat neque ab æterno, nec ex essentia Dei genitum. Deinde, quòd Paulus Apostolus eadem verba ad approbandam Christi resurrectionem afferat. Act. 13.33. & Autor ad Hebræos ad glorificationem Domini Jesu citet, Heb. 1.5. & 5.5. Denique, ex ea re, quòd constet Deum aliter quàm ex essentia generare, dum à Deo genitos credentes scriptura pronunciat, ut videre est, Jo. 1.13. & 1 Jo. 3.9. & Jac. 1.18.

Quid verò ad tertium?

Sciendum est in vulgata & græca versione, eum locum malè esse redditum, in Hebræo enim aliter legitur; nempe, *ab utero ante auroram tibi ros natiuitatis tue*: in quibus verbis vaticinatur David de multitudine populi Christiani instar rosis matutini multiplicandi.

Ad quartum verò quid?

Ut rem meliùs accipias, scito eos ex hoc loco, ad eum modum argumentari: Sapiencia Dei ab æterno est genita: Christus est Dei sapiencia: ergò ab æterno est genitus: 1 Cor. 1.24. Id ar-

gumentum firmum non esse hinc patet ;
primum, quod Solomon agit de sapientia simpliciter & absolutè consideratâ, sine additione vocis *Dei* : Paulus v. non simpliciter & absolutè ; sed cum additione, nempe, *Dei*. Deinde, Solomon agit de sapientia, quæ neque est *persona*, nec esse potest, ut è variis effectis, quæ huic sapientiæ attribuit, apparet, & hoc 7, 8 & 9 capp. ex quibus sunt ea, *Per me Reges regnant, & Principes iusta decernunt* : & initio cap. 9. introducit sapientiam omnes ad se invitantem, & mittentem virgines suas. Paulus v. agit de sapientia, quæ *persona* est. *Tertio*, verba hæc, quæ sunt reddita, *ab æterno*, in Hebræo extant, à *seculo* : aliud v. esse ab æterno, aliud à seculo, indicant loci Jf. 64. 4. Jer. 2. 20. Luc. 1. 70. & alii permulti similes.

Quenam sunt ea loca Scripturæ quæ videntur Christo quædam tempore certo & definito attribuire ?

Ea sunt *duplicia* ; quorum alia nomina, alia facta respiciunt, quæ Christo à Scriptura attribui opinantur.

Que-

Quenam sunt quæ Christi nomina
respiciunt?

Ea, ubi illi arbitrantur Jesum à Scriptura, vocari *Jehovam*: *Dominum exercituum*
Deum verum: *solum Verum*: *Deum magnum*: *Dominum Deum omnipotentem*: qui
fuit, qui est, & qui venturus est: *Deum*,
qui acquisivit proprio sanguine *Ecclesiam*:
Deum, qui animam posuit pro nobis. Jer.
23. 6. Zach. 2. 8. 1 Joan. 5. 20. Jud. 4.
Tit. 2. 13. Apoc. 1. 8. 4. 8. Act. 20. 28.
1 Joan. 3. 16.

Quid verò tu ad ea ordine respondes,
ac ante omnia ad primum?

Primum, quòd ex eo confici non possit
necessariò nomen *Jehovæ* Christo attri-
bui. Ea enim verba: Et hoc est nomen
ejus, quo vocabunt eum, *Jehova* justitia
nostra, referri possunt ad *Israëlem*, de
quo paulò superius eodem versu loqui-
tur: In diebus ejus servabitur *Juda*, &
Israël habitabit securè, & hoc est nomen
ejus, &c. ut è loco simili perspicui potest
apud eundem prophetam, cap. 33. 14.
15, 16. ubi ait in diebus illis, & in illo
tempore faciam, ut existat *Davidi* surculus
justitiæ, & faciet judicium & justitiam in

terra. In diebus illis servabitur Juda, & Jerusalem habitabit securè & hoc (supple nomen) quo vocabunt eam, Jehova justitia nostra. Etenim in Hebræo expressè legitur vocabunt eam, quam vocem posteriorem ad Hierusalem referri prorsus est necesse; & hoc quidem loco Israël, qui in priori loco positus est, respondet. Videtur igitur prorsus verisimile, quòd in priori etiam loco, hæc verba, vocabunt eum, ad Israël em referantur. Ac licèt concedamus, nomen Jehovæ ad Christum posse referri, ex altero tamen Testimonio apparet asseri non posse, Jehovah simpliciter Christum vocari: neque ex eo sequi, Christum reipsâ esse Jehovah; sive igitur de Christo, sive de Israël postrema verba in Testimonio Hieremiæ accipiantur, sententia ipsorum est, tum Jehovah unum Deum nostrum nos iustificaturum. Etenim illo tempore, cùm Christus appariturus esset, Deus id in Israël facturum erat.

Ad secundum verò quid respondes? Locum Zachariæ ad eum modum citant:

tant: hoc dicit Dominus Exercituum;
 Post gloriam misit me ad gentes, quæ vos
 spoliârunt: qui enim vos tangit, tangit
 pupillam oculi mei, &c. Quæ ad Christum
 torquent, quod hic, ut arbitrantur, dica-
 tur, Dominum exercituum missum esse à
 Domino exercituum. Verùm ea hic non
 habentur; quòd hinc perspicuum est,
 quòd ea verba, post gloriam misit me, &c.
 sunt ab alio prolata, nempe ab Angelo,
 qui cum Zacharia & alio Angelo collo-
 quebatur, ut idem eodem capite paulò
 antè planum est, à versu quarto initio
 facto, ubi is Angelus loquens intro-
 ducitur. Quod idem ea ex re videre est,
 quòd ea quæ citant verba, hoc dicit domi-
 nus exercituum, in Hebræo legantur, sic
 dicit dominus exercituum; item illa, tangit
 pupillam oculi mei, legantur pupillam oculi
 ejus; quæ non ad Dominum exerci-
 tum, sed ad legatum referri necesse
 est.

Quid respondes ad tertium?
 In hoc testimonio, scimas filium dei ve-
 nisse, & dedisse nobis sensum, ut agnoscamus
 illum verum deum, & sumus in illo vero, in
 filio ejus Iesu Christo. Hic est verus deus &

vita eterna, Hæc verba, *hic est verus deus*, nego referri ad dei filium; non quòd negem Christum esse verum Deum; sed quòd is locus ea de Christo accipi non admittat. Etenim hic agitur non solum de vero Deo; sed de illo uno vero Deo, ut articulus in Græco additus indicat. Christus verò etsi verus Deus sit, non est tamen ille ex se unus Deus, qui per se & perfectissimâ ratione Deus est, cum is Deus tantum sit Pater. Nec verò quicquam iuvat adversarios, qui propterea hæc ad Christum referri volunt, quòd verba, *Hic est verus Deus*, & Christi mentio proximè antecesserit. Etenim pronomina relativa, ut *hic* & similia, non semper ad proximè antecedentia, verum sæpenumero ad id, de quo potissimum sermo est, referuntur, ut patet ex his locis, Act. 7. 19, 20. *Donec exortus esset Rex, qui non noverat Iosephum.* Is circumveniens gentem nostram, &c. Et Act. 10. 6. *Is habet divorcium apud Simonem Coriarium, qui domum habet supra mare: is dicet tibi quid te agere oportet.* Et 2 Joan. 7. *Multi seductores exierunt in mundum, qui non confitentur Jesum*

sum Christum in carne venientem. Is est seductor, & ille Antichristus: è quibus locis apparet pronomen relativum hic non ad proximè præcedentes personas, sed ad remotiores referri.

Ad quartum testimonium quid respondes?

Quartum testimonium sic habet: Solum herum & Domium Jesum Christum negantes; è quo testimonio, cum in Græco articulus unus duntaxat præfixus sit, id evincere conantur, pro more Græci sermonis, ad unam personam, ac proinde ad Christum ea verba debere referri. Verum tenendum est, eam apud Græcos regulam non esse perpetuam; ubi verò locus illi non sit, id è rei circumstantiâ deprehendi. Non esse verò eam regulam perpetuam testimonia ipsius Novi Fœderis demonstrant; ut illud ubi scriptum est: Ejecit omnes vendentes & ementes, Mat. 21. 12. ubi in Græco est unus tantum articulus præfixus iis vocibus, ementes & vendentes; quibus similia habes Marc. 11. 15. Luc. 19. 45. Ac propterea locus Ephes. 5. 5. apertè indicat eam regulam non esse perpetuam.

Ad quintum quid respondes? Quintum testimonium est: Expectantes illam beatam spem, & apparitionem gloriæ Magni Dei & Servatoris nostri Jesu Christi. Quo in loco epitheton Magni Dei ad Christum referri duabus rationibus evincere conantur: Prior est, superius de articulo uno præfixa regula. Posterior, quod adventum non expectemus Patris, sed Filii. Verum ad primum argumentum responsum habes in responsione ad quartum testimonium. Ad alterum respondeo, Paulum non dicere, Expectantes adventum Magni Dei, verum dicere, Expectantes apparitionem gloriæ Magni Dei. Posse verò dici gloriam Dei Patris illustratam iri, cum Christus ad iudicium venerit, verba Christi ostendunt, cum ait quod venturus sit in gloria, id est, cum gloria Dei Patris sui. Matth. 16. 27. Marc. 8. 38. Præterea, quod est inconueniens si dicatur Deus Pater venturus (prout illi è vulgata citant) cum filius ad mundum iudicandum venerit? An Christus Dei Patris personam, in iudicio mundi, tanquam ejus, à quo munus iudicandi

judicandi accepit, non sustinebit?
Quid ad textum respondet?
Sextum testimonium est: Sanctus, sanctus, sanctus, Dominus Deus omnipotens, qui erat, & qui est, & qui venturus est. Eum verò locum propterea ad Christum referant, quod arbitrentur neminem venturum, nisi Christum. Is enim venturus est ad judicandam vivos & mortuos. Verum tenendum est, eam vocem quam illi reddidere, venturus est, reddi a què posse, futurus est, ut Joan. 16. 13. ubi Dominus ait de Spiritu, quem Apostolis promittebat, quod illis esset futura annuntiaturus; & Act. 18. 21. ubi legimus diem festum futurum in quibus locis duobus, vox Græca est ἐρχόμενος. Deinde, quis est qui nesciat, cum prius dictum sit, qui erat, & qui est, & posterius hoc quod additum est, per futurum esse reddi debere, ut ubique de existentia ea oratio accipiatur, & non in prioribus duobus membris de existentia, in postremo de adventu. Nec est quisquam qui non animadvertat, hic de cribi aternitatem Dei, quæ tempus præteritum, præsens & futurum comprehendit.

prehendit. Sed quod crassum errorem hunc detegit, est quod Apoc. l. cap. ver. 4 & 5 legimus: Gratia vobis & pax ab eo, qui est, & qui erat, & qui futurus est, & à septem spiritibus, qui sunt ante faciem throni ejus, & à Jesu Christo, qui est testis fidelis. E quo testimonio apparet, Jesum Christum ab eo, qui est, qui erat, & qui futurus est, vel, ut illi credunt, venturus, esse longè alium.

Quid ad septimum respondes? Septimum est, quod ita legimus: Attendite vobis ipsis, & universo gregi, in quo vos Spiritus sanctus posuit Episcopos, regere Ecclesiam Dei, quam acquisivit per proprium sanguinem. Respondeo, nomen Dei hoc loco non referri ad Christum necessario, sed ad ipsum Deum Patrem referri posse, cujus Apostolus, eum sanguinem, quem Christus fudit, sanguinem vocat, eo genere loquendi, & eam ob causam, quo genere loquendi, & quam ob causam Propheta ait, eum qui tangat populum Dei, tangere pupillam oculi Dei ipsius. Etenim summa, quæ est inter Deum Patrem & Christum conjunctio, et si essentiâ sint prorsus diver-

si,

fi, in causa est, cur Christi sanguis, sanguis ipsius Dei Patris dicatur: præsertim si quis expendat, quatenus is est pro nobis fusus. Etenim Christus est *agnus Dei, qui tollit peccata mundi.* Unde sanguis in eum finem fusus, ipsius Dei sanguis jure vocari potest. Nec verò prætereundum est silentio, quòd in editione Syriaca loco Dei legatur *Christi.*

Ad octavum verò?

Octavum ità habet: *In eo cognovimus charitatem Dei, quòd is animam suam posuit pro nobis.* Primùm igitur sic habet; neque in Græca editione ullâ, (exceptâ Complutensi) nec in editione Syriacâ, vocem *Deus* haberi. Verùm etiamsi hæc vox haberetur in omnibus exemplaribus, num idcirco ea vox ille, ad *Deum* erit referenda? Non certè: non solum ob eam causam, quam paullo superiùs attulimus, in responsione ad testimonium *tertium*; quòd verba ejusmodi non semper ad propinquiores personas referantur: verùm etiam quòd *enân* Græcam Joannes in hac epistola sæpe ad eum refert, qui longè antea nominatus fuerat, ut & *tertio*, *quinto*, & *septimo*

septimo versu ejusdem capituli in Græco
apparet, ubi inquit, Et qui habet hanc
spem in eo, sanctificat seipsum, sicut & ipse
(Christus nempe) sanctus est: Et, Nōstris,
quia ipse (Christus nimirum) apparuit,
ut peccata nostra tolleret: Et, Qui facit ju-
stiniam justus est, quemadmodum ipse (Chri-
stus) justus est.

Satisfecisti mihi quoad nomina Jesu
Christi: exponi mihi velim testi-
monia, quæ facta & operationes
respiciant, quas Adversarii Christo
à Scriptura attribui opinantur.

Ea sunt, in quibus illi existimant à
Scriptura eidem attribui, quòd cælum &
terram creârit: quòd res omnes creatas con-
seruet: quòd eduxerit populum Israël ex
Ægypto: quòd cum eo existens in deserto,
eum deduxerit, eiq; benefecerit: quòd ab E-
saia gloria ipsius visa fuerit: quòd incar-
natus fuerit.

Expone igitur mihi quibus testimo-
niis approbare contendunt, Chri-
stum cælum & terram creâsse.

Iis, ubi scriptum exstat, quòd per eum
omnia facta sint, & sine eo factum sit nihil,
quod factum sit Joan. 1.3. Et iterum,
Mundus

Mundus per ipsum factus est ver. 10. Et
rursus, quod in eo omnia sint condita, &
ea quæ in cælis, & ea quæ in terris, & vi-
sibilia & invisibilia, sive throni, sive domi-
nationes, sive principatus, sive potestates,
omnia per ipsum & in ipsum creata sunt
Col. 1. 16. Et, Quod Deus per eum se-
cula fecerit Heb. 1. 2. Denique & ex eo,
Tu in principio, Domine, terram fundasti,
& opera manuum tuarum sunt cæli: Ipsi
peribunt, ut autem permanes, & omnes ut ve-
stimentum veterascent, & velut amictum mu-
tabis eos & mutabuntur. Tu autem idem ipse
es, & anni tui non deficient. Heb. 1. 10, 11, 12.

Quæ verò ad primum testimonium
respondes?

Primum; non habetur in primo testi-
monio creata sunt, verum facta sunt. De-
inde, ait Joannes, facta esse per eum; qui
modus loquendi, non eum, qui prima
caussa sit alicujus rei, verum causam
secundam: aut mediam exprimit. Denique,
vox omnia non pro omnibus prorsus re-
bus hic sumitur, sed ad subjectam mate-
riam restringitur omnino, quod fre-
quentissimum est in libris Divinis, præ-
lectioni Novi Testamenti, cujus rei ex-
emplum

emplum singulare exstat 2 Cor. 5. 17. in quo habetur sermo de re, huic de qua Joannes tractat, admodum simili, ubi dicitur, *Omnia nova facta esse*; cum certum sit multa exstare, quæ nova facta non sunt. Cum verò subjecta apud Joannem materia sit *Euangelium*, apparet vocem *omnia*, de iis omnibus, quæ quoquo modo ad *Euangelium* pertinent, accipi debere.

Cur verò addidit Joannes, quod sine eo factum est nihil, quod factum est?

Addidit hæc Joannes, ut eò melius illustraret illa superiora, *Omnia per ipsum facta sunt*, quæ eam vim habere videntur, per solum Verbum vel Filium Dei omnia illa facta esse, licet ejus generis quædam, & quidem magni momenti, non per ipsum, verum per Apostolos facta fuerint: ut est vocatio gentium, & legalium cerimoniarum abolitio; licet enim hæc originem ab ipsis sermonibus & operibus Domini Jesu traxerint, ad effectum tamen non sunt perducta per ipsum Christum; sed per ipsius Apostolos; non tamen sine ipso. Apostoli enim

enim omnia nomine & autoritate ipsius administrarunt, ut etiam ipse Dominus ait, *Sine me nihil facere potestis.* Joan. 15.5.

Quid vero respondes ad secundum?

Primum, quod hic non scribat Joannes, mundum esse creatum, sed factum. Deinde, eodem loquendi modo utitur, qui mediam causam designat, ait enim mundum per eum factum. Denique, hæc vox mundus, quemadmodum & aliæ, quæ prorsus idem in Scripturis valent, non solum cælum & terram denotat, verum præter alias significationes, vel genus humanum designat, ut locus præsens ostendit, ubi ait, *In mundo erat, & mundus eum non agnovit* 1 Joan. 1. 10. Et, *mundus eum sequutus est* Joan. 12. 19. aut etiam futuram immortalitatem, ut apparet Heb. 1. 6. ubi ait, *Et cæm iterum introduceii primogenitum in mundum, ait: & adorent eum omnes Angeli Dei*, quod de futuro mundo accipi apparet è cap. 2. ejusdem epistolæ, ubi ait, *Etenim non Angelis subjecit mundum futurum, de quo loquimur.* At nusquam de eo locutus fuerat, nisi

nisi versu 6. cap. 1. Præterea, habes locum cap. 10. ver. 5. ubi de Christo loquens ait: *Propterea ingrediens in mundum ait; hostiam & oblationem noluiſti, verum corpus aptaſti mihi*, ubi cum palam sit eum loqui de mundo, in quem ingressus Jesus, sacerdos noster factus est, (ut circumstantiæ omnes demonstrant) apparet, non de presenti, sed de futuro mundo agi, quandoquidem cap. 3. ver. 4. de Christo dixerat, *Si in terris eſſet, nè Sacerdos quidem eſſet.*

Quid verò per hæc, Mundus per eum factus est, intelligis?

Duplex eorum ſenſus dari poteſt: Prior, quòd genus humanum per Chriſtum reformatum, & quaſi denuò factum ſit, eò quòd ille generi humano quod perierat, & æternæ morti ſubjectum erat, vitam attulit, eamque ſempiternam (quod etiam mundo Joannes exprobrat, qui per Chriſtum ab interitu vindicatus, eum non agnoverit, ſed ſpreverit & rejecerit). Is enim mos Hebraici ſermonis, quòd in ejusmodi loquendi modis, verba facere, creare, idem valeant, quòd denuò facere & denuò creare,

are, idque propterea, quod verbis, quæ composita vocant, ea lingua careat. Posterior verò sensus est, quod illa immortalitas, quam exspectamus, per Christum, quantum ad nos, facta sit: quemadmodum eadem futurum seculum, habitâ ratione nostri, vocatur, licet jam Christo & Angelis sit præsens.

Quid ad tertium? Præter id, quod & hoc testimonium loquatur de Christo, tanquam mediâ & secundâ causâ, verbum creata sunt, non solum de vetere, verum etiam de nova creatione in Scriptura usurpari constat: cuius rei exemplâ habes Ephes. 2. 10. Ipsius factura sumus, creati in Christo Jesu in operibus bonis. Et paullo inferius versu 15. Ut duos condât in semetipso in unum novum hominem. Et Jacob. 1. ver. 18. Voluntariè nos genuit verbo veritatis, ut simus initium aliquod ejus creaturæ. Præterea, ea verba, omnia in cælis & in terra, non usurpari pro omnibus prorsus, apparet non solum ex verbis paullo inferius subjectis v. 20. ubi Apostolus ait, quod per eum reconciliata sint omnia in cælis & in terra, verum etiam ex iis ipsis verbis,
in

in quibus Apostolus non ait, *cælum & terram* creata esse, verùm ea omnia quæ in *cælis & in terrâ* sunt.

Quis verò istud testimonium intelligis?

Ad eum modum, quò per Christum omnia, quæ sunt in *cælis & in terra*, postquam eum Deus à mortuis excitavit, reformata sunt, & in alium statum & conditionem translata; id verò cùm Deus & Angelis & hominibus Christum caput dederit, qui antea tantùm Deum solum pro domino agnoverunt.

Quis respondes ad quartum testimonium?

Eo pacto, quòd hic palàm scriptum sit, non, Christum fecisse, sed, Deum per Christum fecisse secula. Vocem verò *Secula* non solum præsentia & præterita, verùm etiam futura significare posse, in confesso est. Hic verò de futuris agi id demonstrat, quòd idem autor affirmet, per eum, quem heredem universorum constituerit Deus, etiam secula esse condita. Nam Jesus Nazareus non priùs constitutus hæres universorum fuit, quàm eum Deus

Deus à mortuis excitavit. Quod hinc patet, quòd tum demum omnis potestas in cœlo & in terra eidem data à Deo patre fuerit, cujus potestatis donatione, & non aliâ re, ista universorum hæreditas continetur.

Ad quintum quid respondes?

Ad id testimonium id respondeo, quòd non de Christo, verùm de Deo accipiendum sit. Quia verò idem scriptor illud ad filium Dei referat, expendendum est sermonem in testimonio, non de una re sed de duabus potissimùm haberi expressé : una est cœli & terræ creatio ; altera rerum creaturarum abolitio. Quòd verò is autor priorem ad Christum non referat, hinc perspicuum est, quòd in eo capite præstantiam Christi demonstrare sibi proposuerit ; non eam, quam à seipso habeat, verùm eam, quam hæreditavit, & quâ præstantior angelis effectus sit, ut è ver. 4. cuius planum est : cujus generis præstantia cum creatio cœli & terræ non sit, nec esse possit, apparet manifestè, non in eum finem testimonium

ab

ab eo scriptore allatum, ut Christum creasse cœlum & terram probaret. Cum igitur prior ad Christum referri nequeat, apparet posteriorem tantum ad eum referendum esse; id verò propterea, quòd Deus cœlum & terram per eum aboliturus sit, tum cum iudicium extremum per ipsum est executurus. Quo quidem tantopere præstantia Christi præ angelis cōspicua futura est, ut ipsi angeli sint ei eā ipsā in re ministraturi. Quæ posterior oratio, cum sine verbis superioribus, in quibus fit cœli terræque mentio, intelligi non potuerit, cum sit cum iīs per vocem ipsi conjuncta, & eadem illa verba priora idem autor commemorare necesse habuit. Nam si alii scriptores sacri ad eum modum citant testimonia scripturæ, nullā adacti necessitate; multò magis huic, necessitate compulso, id faciendum fuit.

Ubi verò scriptores sacri id fecerunt?

Inter alia multa testimonia, habes Mat. 12. v. 18, 19, 20, 21. ubi nimis apertum est versiculum 19 tantum ad propositum

tum Evangelistæ Matthæi pertinere, cum id voluerit probare, cur *Christus*, nè palàm fieret, interdicere. Deinde Act. 2. v. 17, 18, & 19, 20, 21. ubi etiam tantum ver. 17, & 18. ad propositum Petri Apostoli faciunt, quod quidem est, ut *spiritum sanctum* esse effusum supra discipulos doceat: & ibidem v. 25, 26, 27, 28. ubi palàm est verum tantum 27 ad propositum facere; quandoquidem id approbet Apostolus, *Christum à morte detinere fuisse impossibile*. Denique in hoc ipso capite, v. 9. ubi verba hæc, *dilexisti iustitiam & odio habuisti iniquitatem*, apparet nihil pertinere ad rem quam probat Apostolus, quæ est, *Christum præstantiorem factum angelis*.

Quo verò testimonio docere volunt *Christum* conservare omnes res creatas?

Ex eo, ubi scriptum exstat *Christum* portare omnia verbo virtutis sue, Heb. 1. 3.

Quid verò ad id respondes?

Id, hic verbum, *omnia*, non minus quam in pluribus aliis locis, non *omnia* in universum sine ullâ exceptione designare; verum

rùm ad ea tantùm, quæ ad Christi regnum pertineant, referri: de quibus verè dici potest, *Dominũ Jesũ omnia verbo virtutis sue portare*, id est, conservare. Quòd verò vox, *Omnia*, hoc loco ad ea duntaxat referatur, ex ipsa materiâ subjectâ satis apparet. Præterea, verbum, quo hic utitur scriptor, *portare*, magis gubernandi vel administrandi rationem quàm conservandi significat, quemadmodum illa, quæ annexa sunt, *verbo virtutis sue*, innuere videntur.

Quo verò testimonio, eum eduxisse populum Israëliticum ex Ægypto, docent?

Ex epistola Judæ v. 5. *Jesus populum de terrâ Ægypti salvans, secundo eos, qui non crediderunt, perdidit.*

Tu verò quid respondes?

Hanc vocem, *Jesus*, in nullo Græco exemplari prorsus haberi; verùm loco illius passim legi vocem *Dominus*: Quare illud testimonium nullo modo probat id, quod sibi adversarii proposuerunt.

Id verò, quod cum Israëlitis in deserto

deserto fuerit, eos duxerit, eis
benefecerit, unde probant ?

Ex hoc Pauli testimonio : Et omnes eun-
dem potum spirituales biberunt. I Cor.

10. 4. biberunt autem ex spirituali eos con-
sequente petrâ : petra autem Christus. Et
ex eo, quod inferius paullo Apostolus
ait, v. 9. Neque tentemus Christum, quem-
admodum alii tentaverunt, & à serpentibus
perierunt.

Quid verò ad ea respondendum
est ?

Quod ad primum attinet, nullo modo.
Apostolus ait, Christum in deserto fu-
isse cum populo Israël, & ei benefe-
cisse. Licet enim scribat, illam petram,
è qua bibit populus Israël, fuisse Chri-
stum, nullâ ratione tamen asserit,
Christum illic revera fuisse : id verò
propterea, quòd ea verba Pauli figuratè
possint accipi. Quòd verò eam petram
vocat spirituales, adversam partem nihil
juvat, cum ea petra potuerit appellari
spiritualis, licet fuerit materialis, propter
eandem causam, propter quam & ille
cibus spiritualis appellatus fuit, quòd in
se mysticum quiddam contineret : quem-

D admodum

admodum etiam in Apocalypsi Joannes ait, Urbem illam magnam, in qua dominus noster crucifixus est, vocari spiritualiter Sodomam & Egyptum, Apoc. 11. 8. Quod verò ait, quòd illa petra eos sit secuta, accipi debet de aqua, quæ è petra fluxit, & populum secuta fuit per desertum, quòd antea fluente aqua, aut certè ad bibendam idonea caruit; quâ de re illud exstat apud Esaiam, ubi Dominus ait, Is. 43. 20. glorificabit me agri bestia, dracones, & struthiocameli; etenim dedi eis aquas in deserto, fluxuos in locis inuis, ad potandum electum populum meum. Quod verò ad secundum testimonium spectat, ne tentemus Christum sicut quidam tentaverunt, ex iis etiam verbis doceri non potest, Apostolum affirmare, Christum in deserto revera tentatum fuisse: ut è simili oratione, siquis ita diceret, deprehendi potest: nè sitis refractarii magistratui, quemadmodum quidam majorum nostrorum fuerunt, non illico concluderes eandem numero magistratum utrobique designari. Quod si reperiuntur in scripturis ejusmodi loquendi modi, in quibus similis oratio ad eum, cujus

nomen

nomen paullo ante expressum est, sine
 ullâ illius ejusdem repetitione refera-
 tur, tum hoc ibi fit, ubi nullus alius
 præter eum, cujus expressum est nomen,
 subintelligi possit: ut exemplum ejus
 rei habes in illo testimonio, Deut. 6. 16.
Non tentabis dominum deum tuum, quemad-
modum tentasti in loco tentationis. Verum
 in ea oratione Apostoli, de quâ agimus,
 potest subintelligi alius præter Chri-
 stum, ut Moyses, Aaron, &c. de quo vide,
 Num. 21. 5.

Et quo verò testimonio docere vo-
lunt gloriam Christi Esaiæ vi-
sam?

Ex eo Joannis 12. v. 41. Hoc dixit Esai-
 as, quando vidit gloriam ejus locutus est
 de eo.

Quod verò responsum ad eam rem
 affertur.

Primum, ea verba ad Christum non ne-
 cessariò referri hinc apparet, quòd de
 Deo patre accipi possint: etenim verba
 paullo superiora de eodem dicuntur.
Excæcavit, induravit, sanavit. Deinde,
 gloriam, quam Esaias vidit, poterat
 esse, imò erat, non præsens, sed futura.

Etenim proprium est vatis futura videre, unde etiam *Videntes* appellati fuerunt, 1 Sam 9.9. Denique, etiam si de gloria eâ, quæ tum præsens erat, Esaiæ visâ, hæc verba accipias, longè tamen aliud est, gloriam alicujus videre, & aliud ipsummet videre. Et in gloria illius unius Dei vidit etiam Esaias gloriam Christi Domini. Ait enim ibidem vates, plena est terra gloriâ Dei, Es. 6. 3. Tum autem hoc reipsa factum est, cum Jesus Christus illi populo primùm apparuit, & post toti mundo annuntiatus est.

E quibus verò testimoniis scripturæ demonstrare conantur, Christum (ut loquuntur) incarnatum esse?

Ex iis, ubi secundùm eorum versionem legitur, verbum caro factum est, Jo. 1. 14. Et, Qui (Christus) cùm esset in forma Dei, non arbitratus est rapinam esse se æqualem Deo; Verùm seipsum exinanivit, formam servi accipiens, in similitudinem hominum factus, & in habitu inventus ut homo, Phil. 2. 6, 7. Et, Deus manifestatus est in carne, 1 Tim. 3. 16. Et, Nec enim angelos apprehendit,

bendit, sed semen Abrahæ apprehendit, Heb. 2. 16. Et, Omnis spiritus, qui confitetur Jesum Christum in carne venisse, ex deo est, 1 Jo. 4. 2, 3. Et, ingrediens in mundum (Christus) dicit, hostiam & oblationem noluisti, corpus autem aptâsti mihi, Heb. 10. 11.

Quomodo ad primum respondes?

Eâ ratione, quòd in eo testimonio non habeatur Deum (ut loquuntur) incarnatum esse, aut quòd natura divina assumpserit humanam. Aliud enim est, Verbum caro factum est, aliud, Deus incarnatus est, (ut loquuntur) vel natura divina assumpsit humanam. Præterea, hæc verba, verbum caro factum est, vel potius, Sermo caro factus est, possunt & debent ita reddi, Sermo caro fuit. Posse ita reddi, è testimoniis, in quibus vox ἐγώ (quæ hic per factum est translata est) verbo fuit reddita invenitur, apparet: ut in eodem cap. v. 6. & Lucæ 24. 19. Fuit homo missus à Deo, &c. Et, Qui fuit vir propheta, &c. Debere verò reddi per verbum fuit, ordo verborum Joannis docet, qui valdè inconvenienter loquutus fuisset, sermonem carnem factum esse, id est, ut ad-

versarii interpretantur, naturam divi-
nam assumptisse humanam, postquam
ea jam de illo *Sermone* exposuisset, quæ
nativitatem hominis Jesu Christi sub-
secuta sunt; ut sunt hæc: *Joannem*
Baptistam de illo testatum esse; illum in
mundo fuisse; à suis non fuisse receptum;
quod iis, à quibus receptus fuisset, potesta-
tem dederit, ut filii Dei fierent.

Quâ ratione illud intelligendum
est, *Sermonem* carnem fuisse?
Quod is, per quem Deus voluntatem
suam omnem perfecte exposuisset, &
propterea à Joanne *Sermo* appellatus
fuisset, homo fuerit, omnibus miseriis, &
afflictionibus, ac morti denique sub-
jectus. Etenim vocem *Caro* eo sensu
scriptura usurpat, ut ex iis locis perspi-
cuum est, ubi Deus loquitur. Non con-
tendet spiritus meus cum homine in æternam,
quia caro est, Gen 6. 3. Et Petrus, Omnis
caro ut fœnum, 1 Pet. 1. 24.

Ad secundum quid respon-
des?

Neque hic exstare quod adversa pars
confectum velit: Aliud enim est, quod
hic Apostolus ait cum in formâ Dei esset,
formam

formam servi assumpsit; aliud verò, natura divina assumpsit humanam. Etenim hic forma Dei designare non potest Dei naturam, cum Apostolus scribat eam formam Christum exinanivisse. Deus verò naturam suam nullo modo exinanire potest. Nec verò forma Servi denotat naturam humanam, cum servum esse ad fortunā & conditionem hominis referatur. At nè id quoque dissimulandum est, scripta Novi Testamenti hanc vocem, forme, semel fortassis tantum alibi usurpare Mar. 16. 12. idque eo sensu, quo non naturam, sed exteriorem speciem significat, cum ait, Jesum duobus discipulis suis apparuisse in alia formā.

Ex iis verò verbis, quæ Apostolus paullo post subjecit, habitum inventus est ut homo; nonne apparet eam (ut loquuntur) incarnatū esse? Nullo modo; Etenim ea oratio nihil in se habet ejusmodi. De Samsonē enim in literis sacris legimus, quod idem futurus erat, ut homo: Judic. 16. 7, 11. Et Psalm. 82. Asaph iis hominibus, quos Deos & filios altissimi vocaverat, denunciavit, quod essent morituri ut homines, de quibus

bus certum est non posse dici, eos (ut adversarii dicunt) incarnatos fuisse.

Quâ ratione locum hunc totum intelligis?
Ad eum modum, quòd Christus, qui in mundo, instar Dei, opera Dei efficiebat, & cui, sicut Deo, omnia parebant, & cui divina adoratio exhibebatur, ita volente Deo, & hominum salute exigente, factus est tanquam servus, & mancipium, & tanquam unus ex aliis vulgaribus hominibus, cum ultro se capi, vinciri, cædi, & occidi permiserit.

Ad tertium verò quid respondes?
Primum quidem, quòd in multis exemplaribus vetustis & in ipsa vulgatâ non legatur vox *Deus*. Quare ex eo loco certum nihil concludi potest. *Deinde*, etiam si ea vox legeretur, nullam esse causam, cur ad Patrē referri non possit, cum hæc de Patre affirmari possint, eū apparuisse in Christo, & Apostolis, qui caro fuerunt. Quòd autem inferiùs legitur, secundum usitam versionem, *receptus est in gloriam*, id in Græco habetur, *receptus est in gloria*, id est, cum gloria, aut gloriosè.

Quæ verò futura est hujus testimonii sententia?

Ut

Ut eò meliùs sententiam testimonii huius assequi valeas, integrum illud recitabo, siquidem Apostolus ait; *Deus manifestatus est in carne, justificatus est in spiritu, apparuit Angelis, prædicatus est gentibus, fides habita est illi in mundo, receptus est in gloria.* Cujus testimonii sententia est hæc: Religionem Christi plenam esse mysteriis: Nam *Deus*, id est, voluntas ipsius de servandis hominibus, per homines infirmos & mortales perfectè patefacta est: & nihilominus tamen propter miracula, & virtutes varias, quæ per homines illos infirmos & mortales edita fuerant, pro vera est agnita: eadem ab ipsis angelis fuit demum perspecta; non solum Judæis, verùm etiam gentibus fuit prædicata: omnes ei crediderunt, & insignem in modum, & summam cum gloriâ recepta fuit.

Ad quartum ut respondes?

In eo, nè similitudinem quidem incarnationis (ut vocant) apparere, cum is scriptor non dicat, *Christum assumpsisse* (ut quidam reddunt, & vulgò eo sensu accipiunt) sed *assumere*: nec dicit *naturam humanam*, sed *semen Abrahæ*: quod

in literis sacris notat eos, qui in Christum crediderunt, ut Gal. 3. 29. videre est.

Qui verò sensus hujus erit loci?

Id sibi vult is scriptor, Christum non esse Servatorem Angelorum, sed hominum credentium, qui quoniam & afflictionibus & morti subjecti sunt (quam rem superius expressit per participationem carnis & sanguinis) propterea Christus ultro illis se submisit, ut fideles suos à mortis metu liberaret, & in omni afflictione iisdem opem afferret.

Quomodo verò respondes ad quintum testimonium?

Etiā in eo nihil prorsus de incarnatione (quam vocant) haberi. Etenim quod apud quosdam legitur, venit in carnem, in Græco habetur, in carne venit. Propterea non scribit Joannes, quòd Spiritus, qui confitetur Jesum Christum, qui in carne venerit, ex Deo est; verum quòd is spiritus, qui confitetur Jesum Christum, qui in carne venit, ex Deo est. Quorum verborum sensus est, eum spiritum ex Deo esse, qui confitetur Jesum illum, qui munus suum in terris sine ulla pompa & ostentatione mundana,

nâ, summâ cum humilitate, quoad exteriorem speciem, summôque cum contemptu obiverit, mortem denique ignominiosam oppetierit, esse Christum, & populi Dei regem.

Quid ad sextum respondes ?

Nè hic quidem de incarnatione (ut vocant) ullam mentionem factam, cum is mundus, in quem ingressum Jesum is autor ait, sit ille mundus futurus, ut superius demonstratum est. Unde etiam ingredi in illum mundum, non nasci in mundum, sed in cælum ingredi significat. Deinde, illis verbis, *Corpus aptâsti mihi*, corporis vox (ut ex eo apparuit, ubi de ingressu hoc in mundum actum est) pro corpore immortalis accipi potest.

Quæ sententia ejus loci est ?

Deum Jesu tale corpus aptâsse, postquam in cælum est ingressus, quod ad obeundum munus Pontificis summi aptum & accommodatum foret.

Exposuisti hætenus scripturas, è quibus id docere de Christo volunt, quod in iis non habetur; cedo etiam eas scripturas, è quibus illi perperam conclusionem suas astruere instituunt.

Ex Scripturæ, è quibus illi conclusiones suas perperam conficiunt, aut Christum directè respiciunt, aut per quandam accommodationem ad eum referuntur.

Quenam sunt, quæ directè Christum respiciunt?

Sunt ex, in quibus Christus aut Deus, aut unum esse cum Deo, aut æqualis Deo, aut Filius Dei viventis, aut Filius Dei proprius, aut unigenitus, aut primogenitus totius creaturæ, aut omnia habens, quæ Pater habeat, aut Pater æternitatis, aut verbum Dei, aut imago Dei invisibilis, aut character substantiæ ejus, aut is, quo viso videtur Pater, dicitur: aut in quo habitat omnis plenitudo deitatis corporaliter, aut is qui gloriam habuit antequam mundus esset, aut quod spiritus ipsius in prophetis fuerat, aut is, qui de cælo descendit, à Patre exiit, & in mundum venit, à Patre missus fuerat in mundum, aut quod unicus esset Dominus, Dominus gloriæ, Rex Regum, Dominus Dominorum, & ad quem fides & honor divinus pertinet.

In quibus verò scripturis Christus vocatur Deus?

Joan. I. v. I. & verbum fuit Deus, & cap.

20.v.28. Thomas ad Christum ait, Dominus meus, & Deus meus, & Rom. 9.v.5. Apostolus scribit, Christum Deum (esse) supra omnes benedictum in secula.

Quid his testimoniis effici potest?

Naturam divinam in Christo ex iis demonstrari non posse, præter ea quæ superius allata sunt, hinc manifestum est, quòd in primo testimonio agatur de Verbo, quod Joannes testatur apud illum Deum fuisse. In secundo, Thomas eum appellet Deum, in cujus pedibus & manibus clavorum, in latere lanceæ vestigia deprehendit; & Paulus eum, qui secundum carnem ex patribus erat, Deum supra omnia benedictum vocat. Quæ omnia dici de eo, qui naturâ Deus sit nullo modo posse, planum est. Etenim ex illo sequeretur duos esse Deos, quorum alter apud alterum fuerit. Hæc verò, vestigia vulnerum habere, ex patribus esse, hominis sunt prorsus; quæ ei, qui naturâ Deus sit, ascribi nimis absolum esset. Quòd si illud distinctionis naturarum velum quis prætendat, jam superius illud amovimus & docuimus, hanc

hanc distinctionem nullo modo posse
sustineri.

(315) Ubi verò Scriptura testatur Chri-
stum cum Patre esse unum?

Joan. 10. v. 29, 30. ubi Dominus ait;
Pater, qui mihi (oves) dedit, major omni-
bus est, & nemo eas rapere potest e manibus
Patris mei: Ego & pater unum sumus.

Quâ ratione respondes ad id testimo-
nium?

Ex eo, quòd dicatur Christus esse cum
Patre unum, effici non posse, esse unum
cum eo naturâ, verba Christi, quæ ad
Patrem de discipulis habuit, demon-
strant. Joan. 17. 11. Pater sancte, serva
illos in nomine tuo, ut sint unum, quemad-
modum & nos unum sumus. Et paullo
inferius; ver. 22. Ego gloriam, quam de-
disti mihi, dedi illis, ut sint unum, quemad-
modum nos unum sumus. Quòd verò Chri-
stus sit unum cum Patre, hoc aut de vo-
luntate, aut de potentia in salutis nostræ
ratione accipi debet: unde naturam
divinam non probari ex eodem loco
constat, ubi Christus ait, Patrem om-
nibus esse majorem, ac proinde etiam ip-
so

so Domino, quemadmodum idem Dominus expressè fatetur, & quòd eas oves ei dederit. Joan. 14. 28.

At Deo æqualem ubi eum Scriptura vocat?

Joan. 5. ver. 18. Propterea ergò magis quærebant Judæi eum tollere, quòd non solum Sabbatum solveret, verum etiam Patrem suum Deum diceret, æqualem seipsum faciens Deo. Et Philip. 2. ver. 6. Qui [Christus] cùm in forma Dei esset, non rapinam arbitratus est esse se æqualem Deo.

Quì porò ad ea loca respondes? Quòd Christus sit æqualis Deo, id divinam in eo naturam nullo modo probat, imò hinc res adversa colligitur. Nam si Christus Deo, qui naturà Deus est, æqualis est, efficitur, quòd is idem Deus esse non possit. Æqualitas verò Christi cum Deo in eo est, quòd eà virtute, quam in eum contulit Deus, ea omnia effecerit, & efficiat, quæ ipsius Dei sunt, tanquam Deus ipse.

Filium autem Dei viventis, filium Dei proprium & unigenitum esse Christum, ubi habetur?

De hoc Matth. 16. ver. 16. legimus, ubi Petrus

Petrus ait : *Tu es Christus filius Dei viventis.* Et Roman. 8. ver. 32. ubi Apostolus ait : *Qui [Deus] proprio filio non pepercit, verum eum propter nos tradidit :* Et Joan. 3. ver. 16. *Sic Deus dilexit mundum, ut filium suum unigenitum daret.* Et paullo inferius ver. 18. *Et qui non credit, iam judicatus est, quod non crediderit in nomen unigeniti filii Dei.*

Quomodo verò ad hæc loca respondetur ? Ex iis omnibus attributis Christi nullo modo probari posse naturam ejus divinam. Nam quod ad primum attinet, notissimum est Petrum fateri, quod *filius hominis* sit Christus, & *filius Dei viventis*, quem constat divinam naturam, qualem illi comminiscuntur, non habuisse. Præterea, testatur Scriptura de aliis hominibus, quod *sint filii Dei viventis*, ut ex Osea, Rom. 9. ver. 26. Et erit loco ejus, ubi eis dictum est ; *non populus meus [estis] vos ; illic vocabuntur filii Dei viventis.* Quod verò secundum & tertium locum attinet, in his legimus proprium & unigenitum Dei filium in mortem traditum, quod de eo, qui naturâ Deus sit, dici non potest. Imò verò ex

eo, quòd Christus Dei filius sit, apparet Deum illum non esse, alioquin sibi-ipsi filius esset. Causa verò cur Christo ista attributa competant, hæc est, quòd inter omnes Dei filios, & præcipuus sit, & Deo charissimus, quemadmodum Isaac, quia Abrahamo charissimus, & hæres exstitit, unigenitus vocatus est, Heb. 11. 17. licèt fratrem Ismaëlem habuerit; & Solomon unigenitus coram matre sua, licèt plures ex eadem matre fratres fuerint. 1 Paral. 3. 1, 2, 3, 4, 5, 6, & c. Prov. 4. 3.

Quæ Scriptura eum vocat, Primogenitum omnis creaturæ?

Colos. 1. ver. 15.

Quid ad eam respondes?

Neque hinc naturam divinam Christum habere exsculpi posse. Etenim cùm Christus Primogenitus omnis creaturæ sit, eum unum è numero creaturarum esse oportere, necesse est. Ea enim in Scripturis vis est primogeniti, ut primogenitum unum ex eorum genere, quorum primogenitus est, esse, necesse sit. Col. 1. 18. Rom. 8. 29. Apoc. 1. 5. Ut verò unus è rebus conditis creationis veteris existat

existat Dominus Jesus, nec Adversarii quidem concedent, nisi Arriani esse velint. Unum igitur esse è novæ creationis genere Dominum Jesum concedant oportet. Unde non solum divina Christi natura effici non potest; verum etiam quod nullam divinam naturam Christus habeat, firmiter conficitur. Quod verò eo nomine vocatur ab Apostolo Jesus, eò fit, quod tempore & præstantiâ res omnes novæ creationis longè antecedit.

Ubi verò Scriptura, eum omnia, quæ Pater habeat, habere asserit? Joan. 16. ver. 15. Christus ait, Omnia quæ Pater habet, mea sunt, & infra capite 17. 10. Mea omnia tua sunt, & tua mea.

Quid tu ad hæc? Vox omnia, ad subjectam materiam, ut superius aliquoties demonstravimus, ferè semper refertur. Quare ex ejusmodi locis non potest ullo modo, quod volunt effici. Materia verò subjecta capite 16. est, id nimirum, quod Spiritus sanctus Apostolis ad Christi regnum spectans revelaturus erat. Et 17. capite constat apertissimè agi de discipulis ipsius

ipsius Jesu, quos ipsi Deus dederat, unde eos etiam suos vocat. Præterea, cum quicquid Christus habeat, habeat Patris dono, non autem à seipso, hinc apparet, ipsum divinam naturam habere nullo modo posse, cum naturâ Deus omnia à seipso habeat.

At quæ Scriptura Christum Patrem æternitatis vocat ?

Esaia 9. ver. 6.

Tu verò quid ad hæc ?

Ex eo naturam divinam probari non posse, cum certam ob causam Pater æternitatis Christus sit vocatus, ex ipsis verbis ibidem paullò superiùs expressis, videre est. Mirum verò est, Adversarios hunc locum, ubi agitur de Patre æterno, ad filium referre, quem constat secundùm eos ipsos Patrem non esse. Pater verò æternitatis aut futuri seculi propterea dictus est Christus, quòd sit Princeps & Autor vitæ æternæ, quæ futura est.

At his encomiis, quòd Verbum Dei, imago Dei inconspicui, & character hypostaseos ejus sit, & qui videat Jesum, eum videre Patrem,

&

& in Jesu habitare omnem plenitudinem Divinitatis corporaliter, quæ scripturæ Jesum insigniunt?

Joan. 1. v. 1. *In principio erat verbum*, conjuncto eo, quod Apoc. 19. 13. scribitur à Joanne, *Verbum Dei*; Col. 1. 15. Heb. 1. 3. Joan. 14. 9. Col. 2. 9.

Quod tu ad hæc?

Ex eo, quòd *verbum Dei* sit Christus, doceri divina in Christo natura non potest, imò adversum potiùs colligitur. Cùm enim ipsius unius Dei verbum sit, apparet eum non esse ipsum unum Deum. Quod etiam ad singula hæc testimonia simul responderi potest. *Verbum* verò, vel *sermo Dei* Jesus ideo nuncupatur, quòd omnem Dei voluntatem nobis exposuerit, ut ibidem Joannes inferiùs exposuit, Joan. 1. 18. *Deum nemo vidit unquam: unigenitus filius*, qui in sinu Patris est, ipse nobis enarravit: quemadmodum etiam eodem sensu & *vita* & *veritas* dicitur. Atque hoc idem dici potest de eo, quòd *imago Dei* inconspiciatur. Quòd vero *character hypostaseos* ejus

ejus dictus sit, hoc intelligi debet; Deum quicquid nobis promisit, jam reipsâ in eo exhibuisse. Quod verò attinet ad dictum Domini Jesu: *Qui me videt, videt Patrem*, neque hinc naturam divinam probari certum cuique esse potest, cum ea ratio *videndi* non possit de *essentia Dei* accipi, quæ invisibilis sit prorsus, verum de *cognitione* eorum, quæ dixit & fecit Christus, ut ibidem 10 versu Christus declarat. Nec illis denique verbis, quod *plenitudo divinitatis in eo habitat corporaliter*, probatur natura divina. Primum enim, vox hæc *divinitas*, designare potest *voluntatem Dei*, eamque orationem cum Apostolus opponat non *personis*, sed *Philosophiæ & Legi*, hinc perspicuum est, eam de *doctrina* Domini Jesu, non de *persona* accipi. De hac verò voce, *corporaliter*, quid ea notet, inferius suo loco audies.

At ubi Scriptura ait de Christo, eum habuisse gloriam apud Patrem, antequam mundus fieret? Joan. 17. v. 5. Ipse Dominus in sua ad Deum precatone ait: *Et nunc glorifica me, Pater, apud te ipsum, eâ gloriâ, quam*

quam apud te habui, antequam mundus fieret.

Quid ad hoc respondes?

Neque hinc naturam divinam probari. Posse enim aliquem gloriam habere antequam mundus fieret, apud Patrem, nec tamen hinc effici eum esse Deum, apparet 2 Tim. I. ver. 9. ubi ait Apostolus de credentibus, illis datam fuisse gratiam, ante tempora secularia. Præterea, hinc scriptum est Jesum rogare hanc gloriam, quod naturæ Divinæ prorsus repugnat. Loci verò sententia est: Christum rogare Deum, ut ei gloriam reipsâ det, quam habuerit apud Deum in ipsius Decreto antequam mundus fieret.

Quo autem loco Scriptura ait, Spiritum Christi fuisse in Prophetis?

1 Pet. I. v. 10, 11. De qua salute exquisiverunt & perscrutati sunt Prophetae, qui de illa in eos gratiâ prophetaverunt, scrutantes in qua vel quale tempus, significaret in eis Spiritus Christi, &c.

Quid ad hoc respondes?

Neque hinc naturam in Christo divinam effici. Nam hic Spiritus, qui in Pro-

Prophetis erat, Christi dici potest, non quòd à Christo datus fuerit, sed quòd ea, quæ Christi fuerunt, prænunciârit, ut ibidem Petrus ait; prænunciâns illas in Christum passiones, & post hæc glorias. Quem loquendi modum etiam, 1 Joan. 4. 6. habes: Hinc cognoscimus Spiritum veritatis, & Spiritum erroris: ubi non propterea Spiritus veritatis & erroris Spiritus dicitur, quòd veritas & error, tanquam personæ, eum Spiritum conferant: verum eò, quòd Spiritus veritatis loquatur quæ veritatis sunt, & Spiritus erroris quæ sunt erroris.

Ubi verò Scriptura de Christo ait, quòd de cælo descendit, à Patre exiit, & in mundum venit?

Joan. 3. 13. Nemo ascendit in cælum, nisi qui descendit de cælo, filius hominis, qui est vel erat in cælo. Et inferiùs, cap. 10. 36. Me, quem Pater sanctificavit, & in mundum misit. Et inferiùs cap. 16. 28. Exiui à Patre, & veni in mundum: rursus relinquo mundum, & eo ad Patrem. Et inferiùs cap. 17. v. 18. Sicut me misisti in mundum, &c.

Quid

Quid ad hæc respondes?

Ex iis non probari divinam naturam hinc apparere, quòd primi testimonii verba, *Descendit de cælo*, possint figuratè accipi, quemadmodum, *Jac. 1. ver. 17. Omne datum bonum & donum perfectum desursum est, descendens à Patre luminum. Et Apoc. 21. v. 2. 10. Vidi civitatem sanctam, Hierusalem novam, descendantem de cælo à Deo, &c.* Quòd si propriè accipi debeant, quod nos perlibenter admittimus, apparet non de alio illa dicta, quàm de filio hominis, qui cùm personam humanam necessariò habeat, Deus naturâ esse non potest. Porro, quod Scriptura testatur de Christo, quòd *Pater eum miserit in mundum*, idem de Apostolis Christi legimus in iisdem verbis citatis superiùs: *Quemadmodum me misisti in mundum, & ego misi eos in mundum, Jo. 17. 18.* Ea verò verba, quòd *Christus à Patre exierit*, idem valent, quod *de cælo descendit*. Venire verò in mundum, id ejusmodi est, quod Scriptura post nativitatem Christi existisse ostendit; *Joan. 18. v. 37. ubi ipse Dominus ait: Ego in hoc natus sum, & in mundum*

mundum veni, ut testimonium perhibeam veritati. Et 1 Joan. 4. 1. Scriptum est, multos falsos prophetas exiisse in mundum. Quare ex ejusmodi loquendi modis natura divina in Christo probari non potest. In omnibus verò his loquutionibus, quàm Divinum muneris Christi principium fuerit duntaxat describitur.

At quæ Scriptura Christum, Dominum unum, Dominum gloriæ, Regem Regum, & Dominum Dominorum perhibet?

1 Cor. 8. v. 6. Nobis unus Dominus Jesus Christus, per quem omnia, & nos per eum.

1 Cor. 2. v. 8. Nam si cognovissent, nunquam Dominum gloriæ crucifixissent. Et

Apoc, 17. 14. Cum agno pugnabunt, & agnus vincet eos, quod Dominus Dominorum sit, & Rex Regum. Et inferius, cap.

19. ver. 16. Et habet in veste & femore suo nomen scriptum, Rex Regum & Dominus Dominorum.

At quid affers ad hæc testimonia?

Quod ad primum attinet, ex eo, quod Christum Apostolus Dominum unum vo-

E

cet,

cet, natura divina effici nequit. Nam eum *primò* manifestè ab illo Patre, quem ibidem Deum unum fatetur, secernit, quem solum naturâ Deum esse superius docuimus. Deinde, hoc ipsum quod de eo dicit, *omnia per ipsum*, eum naturâ Deum esse non ostendit: cùm, ut superius demonstratum est, hac particulâ, *per*, non *primam*, verùm *secundam* causam designari constet: quod de eo, qui naturâ Deus est, dici nullo modo potest. Et licèt de Patre Scriptura interdum loquatur, *per eum omnia*, aliter tamen hæc de Patre, quàm de Christo accipiuntur. De Patre enim hæc ideo dici constat, quòd omnes causæ *mediæ*, per quas fit aliquid, non aliunde sint, nisi ab ipso, nec sint ejusmodi, ut sine iis ille agere non possit: de Christo verò dicuntur, quòd per eum alius quis, nempe Deus omnia operetur, ut Ephes. 3. 9. expressè habetur: ne commemorandum mihi sit, verbum *omnia* (utì superius ostensum est) ad subiectam materiam referri. Quod ita habere indè apparet, quòd Apostolus agit de iis omnibus rebus, quæ ad populum Christianum pertinent, ut *duo* hæc verba

ba demonstrant, *Nobis & Pater*. Unde efficitur Christum non simpliciter & absolutè, verùm certâ de causâ vocatum *Dominum unum per quem omnia*. Quare hinc natura divina non probatur. Quod verò attinet ad *secundum* testimonium, cùm in eo agatur de eo qui *crucifixus* sit, apparet ex eo naturam divinam non probari, cùm de hac illud dici nequeat, verùm de homine, qui ideo *Dominus gloriæ* dicitur, hoc est, dominus gloriosus, quòd à Deo gloriâ & honore coronatus sit. In *tertio* verò testimonio, cùm agatur de eo qui *agnus* est, & qui *vestimenta* habet, quem & *occisum*, & *sanguine suo nos redemisse* aper- tissimè idem Joannes fatetur, quæ re- ferri ad divinam naturam nullâ ratio- ne possunt, apparet eò naturam divi- nam Christi astrui non posse. Omnia verò, quæ hìc Christo in his testimoniis tribuuntur, singularem ipsius potesta- tem, quam Deus Christo in iis, quæ ad novum Fœdus pertinent, dedit, argu- unt.

At quæ testimonia Scripturæ proferri possunt pro fide in Chri-

sum, & honore divino asserendo?

Joan. 14. 1. ait ipse Dominus: Creditis in Deum, & in me credite. Et Joan. 5. ver. 22, 23. Pater non judicat quēquam, sed omne judicium dedit filio, ut omnes honorent filium, sicut honorant Patrem. Et Phil. 2. ver. 9, 10, 11. Propterea eum Deus superexaltavit, & donavit ei nomen super omne nomen; ut in nomine Jesu omne genua curvetur, cælestium, terrestrium & inferorum, & omnis lingua confiteatur, quod Jesus Christus est Dominus in gloriam Dei Patris; & aliis multis in locis.

Quid ad hæc respondes?

Quod ad primum locum attinet, tantum abest, ut ex eo probetur Christum naturā esse Deum, ut potius longè diversum effici perspicuum sit. Etenim aperte hic Christus inter se & Deum unum discrimen ponit, de quo hic agi, articulus in Græco additus indicio est. Quod verò ipsi aiunt, fidem non attribui nisi Deo ipse, hoc Christus in alio loco solvit ipse, dum ait. Joan. 12. 44. Qui credit in me, non credit in me, sed in eum qui misit me. Unde perspicuum est, Christum

stum eam fidem sibi non arrogare, quam Deo ipsi debemus. Etenim ea fides ipsi Deo tribuitur, quæ in ipso terminatur, quæq; eum ut rerum omnium primū autorem respicit: eam verò fidem Christo non attribui constat. Etenim eò in Christum fidem collocamus, quòd nos felices efficiendi potestatem à Deo acceperit, & ei muneri sit præpositus, atque ad eum modum fides nostra in Christum, per eum ad ipsum Deum tanquam ultimum finem, dirigitur, quod etiam testatur Petrus, cum ait: *Per eum creditis in Deum, qui eum à mortuis excitavit, & gloriam ei dedit, ut fides & spes vestra in Deo sit,* 1 Pet. 1. 21.

Verum illi ex Jeremia afferunt, quòd maledictus sit, qui confidit in homine.

Respondeo; non dictum est absolutè, maledictum esse qui confidit in homine; verum qui ita confidit, quòd carnem ponat brachium suum, hoc est, in ipsis tantum viribus humanis suam spem defigat, sine Spiritûs & virtutis divinæ auxilio: id enim per vocem *Caro* prorsus intelligitur, cui etiam addita sunt verba,

Et à domino recedit cor ejus. Verùm qui in Christo spem collocamus, non statuimus carnem brachium nostrum, neque recedimus corde à Deo, imò Christo confidendo, Deo confidimus, & sic cor nostrum accedit ad Deum, non à Deo recedit.

Ad alia verò testimonia, quid respondes, quæ de honore Christi divino agunt?

Cùm omnia testimonia, quæ de divino Christi honore testantur, testentur etiam apertè satis, honorem Christo divinum certo tempore, certamque ob causam datum & concessum esse, naturam in Christo divinam iis non probari plannum est. Quòd verò opponunt illud *Esaïæ 42. 8. Gloriam meam alteri non dabo; Respondeo, satis apparere quid sibi velit hæc particula, Alteri: Etenim illico ea consequuntur, neque honorem meum sculptilibus: De his itaque eo loco loquitur Deus, qui cum eo communionem nullam habent, & quibus si gloria & honor aliquis tribueretur, in eum non redundaret.* Verùm nequaquam dicit, se cum eo non communicurum gloriam suam, qui ex eo pendeat, & qui sit

fit ei subordinatus. Hac ratione enim nihil decedit ipsius gloriæ, cum in eum universa referatur. Etenim cum Dominus Iesus à Deo pendeat, & ei subordinatus sit, quicquid honoris ei exhibetur, id totum in ipsum Deum redundat.

De iis Scripturis quæ directè Dei filium videntur respicere audiri; velim de iis cognoscere, quæ per quamdam applicationem Christo accommodantur, & naturam in Christo divinam videntur probare.

Ea testimonia sunt apud Esaiam. Primum cap. 8. ver. 14. quod futurus erat lapidis offensionis, & petra scandali: Quod Lucas cap. 2. ver. 34. & Paulus Rom. 9. 32. & Petrus Epist. 1. cap. 2. v. 7. repetunt. Secundum Esai. 45. ver. 23. ubi Deus ait, Juravi per memetipsum, quod mihi curvabitur omne genu: Quod de Christo legitur Rom. 14. ver. 11. Tertium legimus Esai. 41. v. 4. & cap. 44. v. 6. & cap. 48. ver. 12. Ego sum primus, ego sum novissimus. De Christo verò idem legimus Apoc. 1. 17. Quartum Esai. 35. ver. 4, 5, 6. Deus ipse veniet, & servabit nos, tum oculi

cæcorum, & aures surdorum aperientur, tum claudus instar cervi saliet, & mutorum lingua solvetur. De Christo verò hæc sunt repetita Matth. 11. 5. Quintum Zach. 12. 10. scriptum est, Et aspicient me quem transfixerunt. Quod Joan. 19. 37. scripsit de Christo. Sextum Psal. 69. 19. Ascendisti in altum, captivam duxisti captivitatem, accepisti dona in hominibus. Quod idem de Christo repetitum est apud Paulum Ephes. 4. 8. E quibus testimoniis ad eum modum argumentantur: Quandoquidem quæ dicta sunt de Deo, sub lege, eadem dicuntur de Christo sub Evangelio, apparet Christum esse illum Israëlitis Deum, ac proinde naturâ Deum.

Ad hæc quid respondes?

Ad omnia ità responderi potest, ut appareat nullo modo ex iis effici divinam in Christo esse naturam? Etenim aliam ob causam ea quæ de Deo dicta sunt sub Lege, dici potuerunt de Christo sub Evangelio, quemadmodum & dicta sunt: Nimirum propter illam summam, quæ inter Deum & Christum est, ratione imperii, potestatis atque muneris, conjunctionem

ctionem, quæ omnia illum Dei dono consecutum esse Scripturæ novi Testamenti passim testantur. Quod si Scriptura ea tradit de Mose, *Eum Israël ex Ægypto eduxisse*, Ex. 32. 7. & quod redemptor illius populi fuerit. Act. 7. 35. & de aliis idem, quod de ipso Deo apertissime scriptum erat: Cum nec Moses neque alii, tantam cum Deo conjunctionem haberent, quanta inter Deum & Christum intercessit, multò iustius hæc quæ de Deo primo respectu dicta sunt, Christo accommodari possunt, propter summam illam & arctissimam inter Deum & Christum conjunctionem.

Perspexi Christum naturam divinam non habere, sed verum hominem esse, nunc icedo quæ cognitionis ejus rei ad salutem utilis esset?

Hot perspicere hinc potes, quod & cognitione ejus rei, quod Christus homo verus sit, spei nostræ certa eaque incorrupta subsequatur confirmatio, quæ adversa sententiâ prorsus convellitur, & tantum non tollitur.

Quis verò istud? ^{no sup}
 Hac ratione, quòd ex adversa sententiâ
 sequitur, Christum Jesum non esse ve-
 rum hominem: Etenim cùm in Christo
 negent personam hominis, quis non videt
 eos unâ eadêmque operâ Christum ve-
 rum hominem negare? Nec enim verus
 homo esse potest, qui hominis personâ ca-
 reat. At si Christus verus homo non fu-
 isset, nec mori, ac proinde nec à mor-
 tuis quidem exsuscitari potuisset: unde
 spes nostrâ, quæ resurrectioni Domi-
 ni Jesu, ceu basi cuidam ac funda-
 mento innititur, facilè convelli, ac
 ferè ruere potest. Ea verò sententia,
 quæ Christum pro vero homine agno-
 scit, qui in mundo existens, obedi-
 ens fuit Patri usque ad mortem, eun-
 dêmque mortuum, & à Deo à mor-
 tuis reductum, & immortalitate do-
 natum asserit, & certò statuit, spem no-
 stram de salutē æternâ mirum in mo-
 dum fulcit; & ante oculos nostros
 ipsissimam ejus rei imaginem proponit
 & constituit. Nos etiam, licet mor-
 tales simus & moriamur, nihilominus
 tamen

tamen à mortuis tempore suo resur-
recturos, & in immortalitatis ejus-
dem, cujus ipse particeps jam
exstiterit, societatem esse
venturos, si vestigiis
ipsius instite-
rimus.



De Persona Christi
 Hic tractatus est de Persona Christi
 qui est Filius Dei, et homo
 factus, et passus, et sepultus,
 et resurrexisset, et ascendisset
 in celum, et sedisset ad
 dexteram Patris, et venturus
 esset iterum, et regnaret
 cum angelis, et sanctis
 in gloria, et maiestate
 sempiterna, amen.



De Prophetico
IESU CHRISTI
M U N E R E.



*Ua spectant ad Personam
Christi intellexi: ad ea
quæ Muneris ipsius sunt
progredere.*

*Optimè! Tenendum itaq; tibi est Chri-
sti Munus in eo consistere, quod is sit
Propheta, Rex, & Sacerdos noster.*

*Ubi verò Propheta in Scripturis
nominatur?*

*De hoc singulare exstat Testimonium
quod Petrus è Mose repetit, qui ad patres
locutus est; Prophetam excitabit vobis Do-
minus Deus vester è fratribus vestris,
quemadmodum me, eum audietis, secun-
dum*

dicit omnia quæ ad vos locutus fuerit. Act. 3.
22. Deut. 18. 18.

In quo verò consistit ipsius Munus
Propheticum?

In eo, quod nobis voluntatem Dei perfecte
manifestavit, & confirmavit.

Unde apparet, Christum nobis

Dei voluntatem perfecte mani-
festavisse?

Hinc, quod ipse Jesus perfectissimâ rati-
one eam à Deo in cœlis sit edoctus, &
ad eam hominibus publicandam, è cœ-
lo magnifice sit missus, & eam perfecte
iisdem enarrarit. Quod ex iis nomini-
bus, quæ ei in Scriptura attribuuntur,
apertissimum est; cum eum Sermonem
Dei, Deum, & Dei filium, Imaginem Dei
inconspicui, splendorem gloriæ Dei, Scri-
ptura vocat: Et cum asserit, omnem
plenitudinem Deitatis in eo habitare corpo-
raliter, id est, quod in doctrina ipsius,
tota Dei voluntas integrè & reipsa est
patefacta.

Ubi verò scriptum est, Christum fuisse
in cœlo, & è cœlo missum?

Joan. 6. 38. Descendi è cœlo, non ut vo-
luntatem meam faciam, verum ejus, qui me
misit:

misi: Et inferius ver. 62. Cum ergo videritis filium hominis ascendentem ubi erat prius: Et cap. 3. 13. Nemo ascendit in cælum, nisi qui descendit de cælo, filius hominis, qui fuit in cælo: Et inferius v. 31. Qui è supernis venit, supra omnes est; qui de terra est, de terra est, & terrena loquitur; qui de cælo venit, supra omnes est: Et cap. 8. v. 28. Sicut me docuit Pater meus, hæc loquor. Et cap. 16. 28. Exivi à Patre, & in mundum veni; rursus relinquo mundum, & abeo ad Patrem.

Quæ verò est illa voluntas Dei per Jesum Christum patefacta?

Est illud fœdus novum, quod cum humano genere Christus nomine Dei pepigit, unde etiam Mediator N. fœderis vocatur.

Quid verò hoc Novum fœdus comprehendit?

Duplex rerum genus; quorum unum Deum, alterum nos respicit.

Quod verò Deum respicit?

Sunt perfecta Mandata & perfecta Dei Promissa.

CAPUT

CAPUT I.

De Præceptis Christi, quæ
Legi addidit.

Quænam sunt perfectiora mandata
Dei per Christum patefacta ?
Pars eorum continetur in Præceptis à
Mose traditis, unà cum iis, quæ sunt
eis in N. Fœdere addita. Pars verò con-
tinetur in iis, quæ peculiariter ipse Chri-
stus præscripsit.

Quænam sunt priora ?
Sunt ea, quæ continentur in Deca-
logo.

*Ergò sunt alia præcepta à Deo per
Mosen tradita ?*

Sunt ; quorum alia ad ritus exteriores,
vulgò ceremonias vocatos ; alia ad judi-
cia pertinent : verùm ea Christus par-
tim expressè, partim tacitè sustulit. A-
pertè per Apostolos, potissimùm verò
per Paulum Apostolum, magnam par-
tem præceptorum, ad ritus exteriores
seu

seu ceremonias spectantium, sustulit & abolevit: alii verò ritus exteriores seu ceremoniæ, quæ apertè sublata non sunt, proprietate N. Fœderis abolitæ censerì debent, propter eandem causam, propter quam aliæ sublata sunt, quas apertè sublatas deprehendimus.

Quæ verò proprietas est N. Fœderis?

Ea, quòd planè spirituale sit, neque in ullis rebus externis, verùm in interioribus sit positum. Porro, ritus exteriores, vulgò ceremoniæ vocatæ, spirituales non sunt; quippe cùm exteriorem faciem respiciant. Quare nisi de ejusmodi re quapiam expressè in N. Fœdere extet mandatum, nullo modo eam in N. Fœdere servandam esse credendum est. Itaque statuendum est, quicquid in prisco Fœdere præceptum est, quod ad ceremonias vulgò vocatas, refertur, ad N. Fœdus nullo modo pertinere.

Quæ verò causa est, ob quam ceremoniæ quædam Veteris Fœderis apertè sunt abolitæ?

Ea est, quòd eæ ceremoniæ umbræ fuerunt rerum futurarum, quæ jam præsentes

sentes sunt, & in Fœdere Novo apparuerunt. Quare umbris jam nihil loci relictum est.

Exstâtne ejus rei aliquod in Scriptura expressum testimonium?

Exstat apud Paulum; Col. 2. 16, 17. Nemo vos judicet in cibo, aut potu, aut parte diei festi, aut Neomeniarum, aut Sabbatorum, quæ umbræ sunt futurorum, corpus verò Christi. Atque hinc fit, ut omnes aliæ ceremoniæ licet apertè abolitæ non sint, tacitè tamen eas abolitas esse sit statuendum, cum omnes umbras exstitisse consent eorum quæ in N. Testamento apparuerunt. Etsi quædam prisca fœderis ceremoniæ ejusmodi exstiterint, quæ propterea abolitæ sunt, quòd tantum ad Fœdus Vetus nullo modo verò ad Novum pertinebant.

Cedò quænam ejusmodi ceremoniæ fuere?

Exemplum ejus rei habes in agno Paschali, & die festo Tabernaculorum: Hæc, & alia nonnulla similia, non nisi ad Israhælem tantum pertinebant, qui sub prisco Fœdere Dei populus exstitit: Ad Gentes, ad Deum conversas, quæ hodie sunt

sunt maxima populi Dei pars, nullo modo.

Quod verò attinet ad judicialia præcepta, quâ ratione, tacitène an manifestè sunt abolita?

Non manifestè, verùm tacitè potiùs; etsi causas, propter quas abolitas esse statuendum est, manifestas esse appareat.

Quenam eæ sunt causæ?

Tres potissimùm. Prima, quòd sub primo Fœdere severitas & rigor locum habuit; in Novo verò Fœdere gratia & misericordia. Secunda, quòd sub Novo Fœdere facta sit promissio perfectæ vitæ æternæ, quam antiquum Fœdus non habuit, nihil expressè aliud promittens, quàm hujus vitæ bona temporaria, ut infrà patebit. Tertia, quòd sub Veteri Fœdere populus Dei, & rempublicam terrenam, & illius formam ab ipso Deo præscriptam & constitutam habuerit; quâ republicâ deficiente, & ipsæ Leges ac judicia ad eam constituendam introducta, evanuerunt.

Ergò Magistratûs & Reipub. terrestris regimen & ordinatio evanuit?

Nequaquam;

Nequaquam; cùm omnis potestas à Deo sit. Rom. 13. 1. Et potest ipse Christianus Magistratum gerere, modò in ipso capescendo & ministrando ità se gerat, nè quid contra leges & Christi mandata delinquat.

Expone tandem quænam sunt præcepta Decalogi, & quæ cuique eorum Dominus Iesus addiderit.

Primum ordine præceptum est; Non habebis Deos alienos coram me.

Quid verò hoc mandatum in se continet?

Hæc duo. Primum, quòd Deus pro nostro Deo habendus sit, & is divino cultu & honore à nobis sit afficiendus. Deinde, quòd nullus alius præter eum sit pro nostro Deo habendus, nec divino cultu & honore afficiendus.

Cùm superius intellexerim qui Deus pro Deo habendus sit, nunc scire velim, quâ ratione divino cultu & honore afficiendus sit.

Ad eum modum, ut is cultus & honor, omnem cultum & honorem humanum, qui ordinariè exhiberi cuicunque consuevit,

suevit, multis partibus excedat: Et nos ita in eo nos geramus, ac si Deum oculis nostris, qui tamen inaspectabilis est, coram cerneremus.

Quâ verò in re cultus & honor Dei consistit?

Breviter loquendo, in adoratione.

Quo pacto adoratio Deo exhibenda est?

Adoratio, quam Deo debemus, duplex est; interior & exterior.

Qualis verò est interior?

Ejusmodi, quæ in se comprehendit summam animi nostri in Deum reverentiam, adeo ut ex ipso cordis & animi sensu, Deum non solum in corpus nostrum, verum etiam in animas nostras absolutissimam potestatem habere, iisque leges ponendi, ac eas judicandi auctoritatem illi esse summam, agnoscamus & profiteamur.

Quæ verò est exterior adoratio?

Quæ corporis nostri submissionem longè omnium infimam comprehendit, eamque, quæ interioris adorationis testis sit & index, & quæ omnem honorem externum, qui rebus conditis exhibetur,

betur, infinitis partibus longè superet.

Nōne ad eandem adorationem, ut coram Deo in genua & facies nostras procidamus, pertinet?

Prorsus; ac præterea eadem exterior adoratio in se celebrationem nominis divini, ac pro beneficiis acceptis gratiarum actionem publicam, & in necessitatibus implorationem divini auxilii continet.

Quid verò ad hæc addidit Dominus Jesus?

Primum hoc, quòd nobis certam orationem præscripserit.

Quæ verò isthæc est? Ea, quæ Matth. 6. 9, & seq. & Luc. 11. 2, & seq. habetur; Pater noster qui es in cælis, &c.

Quid verò hæc oratio continet?

Duplicis generis petitiones; quarum priores gloriam Dei respiciunt, posteriores ad nostros usus referuntur.

Quæ verò sunt quæ Dei gloriam respiciunt?

Tres priores ordine positæ.

Quæ est prima?

Sanctificetur nomen tuum.

Explica

Explica mihi eam petitionem.
 In hac petitione, à Deo, ut nos omni ratione juvet, quò nomen illius verbis, hymnis, scriptis, aliisque, quibuscunq; id fieri possit, modis, à nobis celebretur, contendimus.

Quæ est secunda?
Adveniat regnum tuum.

Explica illius vim.
 In hac petitione rogamus Deum, ut is eo modo, quo consuevit, novit & potest, five uno, five pluribus, nos, ut animum illi nostrum consecremus, inducat: quòd potissimum sit, veritatis ipsius, & singularissimarum promissionum ejus in animis nostris patefactione & obsignatione: Tum enim verè Deus regnat, cùm in animis & cordibus nostris regnum exercet.

Quæ est tertia petitio?
Fiat voluntas tua, sicut in cælis, ita & in terra.

Explica vim petitionis istius.
 In hac oratione precamur Deum, ut nobis in obedientia præstandâ, quæ ei debetur, & quæ vitâ & factis exprimenda est, opem adferat: Multæ enim opis homo indiget,

indiget, ut ea, quæ Deus ei, potissimum sub Evangelio, mandavit, præstare possit : Sunt enim ea ejusmodi, quæ vires ipsius multis partibus superent. Est autem in ea petitione, & tacita confessio infirmitatis nostræ, & fiduciæ, quam erga Deum habemus, ac spei, quam de divina benignitate concipimus, cum audemus id ab eo contendere, ut nos non minus quàm angelos, qui in cœlis sunt, & faciem ejus intuentur, ad obedientiam aptos reddat.

Quæ verò petitiones sunt ad usus nostros spectantes ?

Reliquæ tres, quæ easdem ordine sequuntur.

Quæ est prima ?

Panem nostrum quotidianum da nobis hodie.

Explica hanc petitionem.

In hac petitione petimus à Deo ; primùm, ut donum gratiæ, spirituali vitæ nostræ sustinendæ atque fovendæ necessarium : Deinde, res omnes, quæ ad vitam præsentem tuendam quoquo modo pertineant, nobis conferat.

Quæ est secunda ?

Remitte

Remitte nobis debita nostra, sicut & nos remittimus debitoribus nostris.

Expone hanc quoque.

In hac petitione illud à Deo contendimus; non solum ut ea peccata, quæ postquam nos legibus Evangelii subiecimus, designavimus; verum etiam multò magis illa, quæ ante cognitam veritatem patravimus, nobis condonet. Quandoquidem hæc sunt & longè graviora, & faciliùs eadem à vitæ æternæ possessione nos excludere, & in damnationem æternam conjicere possunt. Quod verò additum est, Quemadmodum & nos remittimus debitoribus nostris, statuendum est, nullo modo peccatorum veniam nobis sperandum esse, nisi nos offensas aliis condonemus, idque ex animo & corde, ità ut ab omni vindictæ cupiditate animum nostrum prorsus avocemus.

Quæ est tertia petitio?

Et nè nos inducas in tentationem, sed libera nos à malo.

Eam declara.

In hac petitione à Deo perimus, ut nobis succurrat, nè in afflictionibus, quoties
in

in eas, vel voluntate Dei, vel permissione incidimus, quæ quidem credentibus explorandi causâ immitti solent sæpius, succumbamus: utque nos à Satana liberet, id est, nos iis afflictionibus, quibus ille ad nos opprimendos, tanquam machinationibus quibusdam utitur, opprimi nullo modo patiatur.

Nonne aliter orare licet?

Prorsus; nec enim Dominus nobis id vel hic, vel alibi interdixit; modò illud nè sit ejusmodi, quod voluntati divinæ nobis apertè præscriptæ, adversetur. Quod si verò ejusmodi, quid sit, de quo non sit nobis Dei patefacta voluntas, tum verò id votum Dei voluntati est planè subjiciendum.

Quo fine ergò Dominus Jesus præcepit ut ad eum modum, quo dixisti, Oremus?

Ut nobis certò constet, quæ semper & necessario à Deo sint petenda.

Quid præterea huic præcepto primo Dominus Jesus addidit?

Id, quod etiam Dominum Jesum pro Deo agnoscere tenemur, id est, pro eo, qui in nos potestatem habet divinam,

& cui nos divinum exhibere honorem obstricti sumus.

In quo is honor divinus Christi debitus consistit?

In eo, quod quemadmodum adoratione divinâ eum persequi tenemur; ita in omnibus necessitatibus nostris ejus opem implorare possumus; Adoramus verò eum propter sublimem ejus majestatem; imploramus opem ipsius propter sublimem & divinam ejus potestatem.

Quid præterea ad honorem Christi divinum pertinet?

Administratio Cane ipsius, de qua inferius audies.

Unde verò probas divinam Christo deberi adorationem?

In multis Scripturæ locis ejus rei exstant documenta: Nominatim verò, Joan. 5. 22, 23. Christus ait, Pater omne Judicium (i. regimen & gubernationem) dedit filio, ut omnes honorificent filium, sicut honorificant Patrem. Et Phil. 2. 9, 10, 11. Propterea etiam Deus super exaltavit, & donavit illi nomen supra omne nomen, ut in nomine Jesu omne genu flectatur, cælestium, terrestrium, & inferorum; & ut omnis lin-

gua

qua confiteatur, quod Dominus est Iesus
Christus, ad gloriam Dei Patris.

At qui ostendes nos ad Dominum
Iesum in omni necessitate confu-
gere posse?

Primum hâc ratione, quod nobis opem
afferre & possit & velit: deinde, quod ad
eam rem habeamus incitamenta, tum ab
ipso Domino, tum ab Apostolis ipsius:
denique, quod exempla ejus rei in homi-
nibus sanctis cernere liceat.

Christum Dominum opem nobis af-
ferre posse & velle, unde doceri po-
test?

Eâ de re inferius audies, ubi de ipsius
Regio, & Sacerdotali munere acturi
sumus.

At ubi Dominus, ubi ipsius Apo-
stoli isthæc incitamenta nobis pro-
posuere?

Primum, Joan. 14. 13, 14. & 15. 16. & 16.
23, 24, 26. ubi Dominus ipse ait, Quic-
quid petieritis in nomine meo (i. confisi
nomini & virtuti meæ) ego faciam. Et
Apoc. 3. 18. Consulo tibi, ut apud me emas
aurum &c. Et Heb. 4. 14, 15, 19. ubi autor
ille ad eum modum scribit. Habentes

igitur Pontificem magnum, qui penetravit
 cælos, Jesum filium Dei, teneamus confessi-
 onem: Etenim non habemus Pontificem,
 qui non possit compati infirmitatibus nostris,
 verè tentatum per omnia in similitudi-
 nem, absque peccato: Accedamus igitur
 cum fiduciâ ad thronum gratiæ, ut consequamur
 misericordiam, & gratiam invenia-
 mus in opportunum auxilium. Et Rom.
 10.13. Omnis qui invocabit nomen Domi-
 ni servabitur.

Exempla ubi ejus rei exstant?

Luc. 17.5. Apostoli inquirunt, Domine, ad-
 auge nobis fidem. Similiter Matth. 8.25.
 Domine, serva nos, perimus. Item Act. 7.
 59. ubi Stephanus invocans, in hæc e-
 rumpit verba, Domine Jesu, suscipe spiri-
 tum meum. Ac iterum ver. 60. Domine,
 nè id imputes ipsis pro peccato. Item,
 2 Cor. 12.7,8. Et nè præstantiâ revelatio-
 num efferar, datus est mihi stimulus carnis,
 Angelus Satan, ut me colaphizet, nè efferar:
 propterea ter rogavi Dominum, ut à me re-
 cedat. Item, 1 Theff. 3.11. Ipse verò De-
 us, & Pater noster, & Dominus noster Je-
 sus Christus, dirigat viam nostram ad vos.
 Atque hoc idem videre est in omnibus
 salutationibus

salutationibus Apostolicis, in quibus gratiam, misericordiam, & pacem, ut à Deo Patre, ità à Filio ipsius, Jesu Christo, Domino nostro, credentibus præcantur.

Eâ verò additione, quod Christum pro Deo agnoscere, & eum cultu prosequi divino teneamur, nonne hoc præceptum prorsus immutatur?

Nequaquam ipsum præceptum immutatur: Omnis enim qui Christo exhibetur cultus, in Dei Patris gloriam redundat: verum ipsius ratio & modus nonnihil immutatus est. Etenim ante Christum *immediate* tantum, at sub Christo etiam *mediate* Deus colitur. Præterea, cum ea lex velit, nè deos alienos habeamus coram Deo; Christus verò Deus alienus non fit, sed in eo ipso cultu, qui ipsi exhibetur, Deo fit subordinatus, apparet legem nullo modo mutari, cum subordinata non pugnare notissimum sit.

Ergo is honor & cultus Christo ad eum modum tribuitur, ut nullum

an sit inter Christum & Deum hoc in genere discrimen?

Imò permagnum est. Nam adoramus & colimus Deum tanquam causam primam salutis nostræ; Christum tanquam secundam. Aut, ut cum Paulo loquamur, Deum tanquam eum, ex quo omnia; Christum ut eum, per quem omnia.

Quid verò sentis de iis hominibus qui Christum non invocant, nec adorandum censent?

Prorsus non esse Christianos sentio, cum reipsâ Christum non habeant, & licet verbis id negare non audeant, reipsâ negent tamen.

Dixisti nos secundum Deum Christum colere debere; an quisquam præterea colendus sit, doce.

Nullo prorsus modo; nec enim ullum exstat divinum testimonium, ex quo, cuiquam, Christo excepto, datam in nos esse divinam potestatem appareat. Quod verò hodie in Romana Ecclesiâ Virgini Mariæ & Sanctis potestas aliqua divina tribuitur, id totum in ipsorum opinione fundatum est.

Nonne

Nonne jure excusari possunt, cùm eo animo id faciant, ut Deo cultum exhibeant?

Nequaquam: nam in cultu divino non satis est opinione, quantumvis speciosa, niti, ut omnium est sententia: verum etiam veritate ipsâ ad eam rem opus est: aliter is cultus pro Idololatriâ jure censeri debet.

Perpectum mihi est neminem præter Deum & Christum colendum esse: verum num non licet invocare Virginem Mariam & Sanctos; non ut nobis ipsi aliquid dent; verum ut precibus suis apud Deum & Christum impetrent?

Nullò modo licet, ob causam paullò ante expositam: ac etiam quòd in iis rebus, quæ ad cultum Dei pertinent, certissimè oporteat esse persuasum, hæc quæ fiunt, secundum Dei voluntatem fieri posse: verum è Scripturis sacris nullum testimonium proferri potest, ex quo constet, Virginem Mariam, & alios Sanctos, vel aliquam curam habere eorum, quæ à nobis fiant; aut eos vel scire, vel intelligere ullo modo, aut preces

nostras audire : De quibus tamen certò persuasum esse oporteret eum , qui preces ad illos directas vellet.

Arbitror me , quam hoc præceptum primum in Christianâ religione vim habeat percepisse : accede igitur ad secundum.

Præceptum secundum est ; Non facies tibi imaginem. &c.

Quæ est sententia præcepti huius? Ea, nullam imaginem eo fine fingendam, ut adoretur, aut colatur : neque ejusmodi imago ullo modo fingenda est, quæ occasionem adorationi, & cultui ejusmodi dare possit.

Quæ verò sunt imagines ejusmodi quas homines eo fine faciunt, ut adorentur & colantur?

Sunt ex omnes , quas homines Religionis opinione & studio faciunt.

Quâ ratione adoratio, & ejusmodi, perficitur?

Cùm non solum imagines ipsæ adorantur ; verùm etiam ante ipsas imagines adoratio instituitur ; & cùm religiose vestiuntur ; multò verò magis cùm cerei coram iis accendantur ; thura incendantur ;

duntur ; vota iis nuncupantur ; & ad eas peregrinationes instituuntur.

Verum aiunt hæc non imaginibus exhiberi , neque imagines ipsas , sed eos , quos referunt , adorari.

Hoc effugium nihil eos iuvat. In isto enim interdicto , nulla fit mentio ejusmodi differentiae , ut hoc imaginum causâ fiat, vel non ; sed, ut prorsus hoc non fiat, præcipitur. Hoc verò effugium admitti non debere , ostendunt exempla vituli illius , quem in deserto Israëlitarum conflaverant ; & illorum , quos Jeroboamus Israëlitis in eâ terrâ , quam à Deo in hæreditatem acceperant , adorandos proposuerat : Etenim certum est , cultum illum , qui exhibebatur illis vitulis , non ipsis vitulis , sed *Jehovæ*, Deo Israëlitarum , exhibitum fuisse ; quippe cum Israëlita illis referri *Jehovam*, Deum Israël , opinarentur. Eum tamen cultum adversatum fuisse præcepto *Jehovæ*, ex ipsâ historiâ satis notum est.

Quâ ratione verò probabis , Israëlitas , in illo vitulo in deserto conflato , Jehovam coluisse ?

Id quidem è facto ipsius Aaron, & populi doceri potest: Ac ex Aaronis facto quidem, quòd Aaron precibus populi compulsus, ut iis faceret Deum, qui iis præiret, vitulum illum conflavit; certum porrò est, Aaronem alium Deum, præter *Jehovam*, non habuisse; Quod etiam hinc elucet, quòd Aaron de illo vitulo, cùm eum dedicaturus esset, ad eum modum locutus est; *Cras erit solennitas Jehovæ*. *Exod. 32. 5.* Ex Israëlitarum porrò facto; quòd ii de vitulo dicerent; *eum fuisse Deum, qui eos è terra Ægypti eduxisset.* Notissimum vero iisdem fuit, neminem nisi *Jehovam* eos ex Ægypto eduxisse. Etenim tota hæc actio educationis ex Ægypto, operâ *Mosis*, sub expresso nomine ipsius *Jehovæ*, peracta fuit.

Qui de illis vitulis, quos Jeroboam fabrefecerit, idem ostendes?

Primum, ex eo, quòd isti vituli populo ab ipso Jeroboamo propositi fuerunt in eum finem ut adorarentur, idque iis verbis; *Ecce Deus tuus Israël, qui eduxit te è terrâ Ægypti.* Deinde, ex ipsâ historiâ satis perspicuum est, imò in ea expressum,

pressum, propterea à Jeroboamo eos vitulos fabrefactos fuisse, nè populus Hierosolymam, *Jehovæ* colendi causâ, iret. Etenim illi nunquam Hierosolymam frequentare destitissent, neque cultui vitulorum acquievisset, nisi illis persuasum fuisset, in illis vitulis à se *Jehovam* coli.

Quid verò additum est in N. Fœdere huic præcepto?

Ut non solum imagines non adoremus, verum etiam easdem prorsus fugiamus, ut habemus, 1 Joan. 5. 21. *Filioli, Fugite Idola &c.* 1 Cor. 8. & cap. 10. 14. Propterea, fratres dilecti, fugite ab Idololatriâ.

Quâ ratione verò vitanda sunt Idola? Nè vel illic, ubi adoratur aut coluntur imagines, simus, neque iis consecratorum participes existamus: ut ex iisdem locis, quos superius paullo citavimus, perspicuè satis apparet.

Dic quod Tertium sit præceptum? Non assumes nomen Domini Dei tui in vanum, &c.

Quid verò est nomen Domini in vanum assumere?

Est Deum testem vocare in rebus falsis.

Quid huic præcepto additum sub
N. fœdere?

Primò, quòd non solum Deum, verum
etiam Dominum Jesum Christum, in
testimonium vocare possimus; cum
Dominus Jesus corda, & renes scrutetur.
Apoc. 2. 23. Deinde, quòd nobis non
solum pejerare non liceat, verum etiam
nè in veris quidem jurare, nisi longè
gravissimis causis adacti, iisque, quibus
Dei gloria nitatur, ad idque non te-
merè, verum cum magno Deimetu, &
cautione summâ accedendum.

Ubi eâ de re scriptum est?

Matth. 5. 33. 34. 35. 36. 37. Audistis
dictum fuisse antiquis, non pejerabis, sed
reddes altissimo vota tua, &c. vide lo-
cum. Quâ de re etiam Jac. 5. 12.
habetur.

Ergò quum Dominus jurare vetet
omnino, unde probabis, in gravissi-
mis causis licere jurare?

Ea vox, omnino, non eum sensum ha-
bet, ac si nullo modo jurare liceret: Est
enim opposita juramenti spontaneis, &
à levitate proficiscentibus, qualia, modo

vera

vera essent, Lex Mosaica non prohibebat; cui hâc in parte Dominus Jesus doctrinam suam opponit. Præterea, legimus Apostolos jurasse, ut videre est Rom. I. 9. 2 Cor. I cap. 23. & cap. II. 3. I. Phil. I. 3. I Thess. 2. 5. 10.

*Cur etiam Dominus Jesus etiam in
veris ultrò, ac leviter jurare
vetat?*

Ut nomen Dei altissimi & ipsius Domini Jesu apud nos sit in summâ veneratione; Deinde, nè levitate jurandi, pejerare consueamus.

*Licetne jurare per alios, excepto
Deo & Christo?*

Non licet ullo pacto; nec enim cuiquam Deus id, ut scrutator cordium esset, Christo excepto, dedit.

Quod est Quartum Præceptum?

Memento, ut diem Sabathi sanctifices. &c.

Quid verò de hoc præcepto censes?
Esse sublatum sub N. fœdere, quemadmodum alias ceremonias, ut vocantur, censeo.

Cur verò Decalogo insertum est?

Ideo, ut absolutissimam legis Mosaicæ partem non fuisse perfectam appareret,

& quoddam indicium exstaret ejus rei, legem successuram Mosaicæ legi, longè perfectiorem, legem nempe Domini nostri Jesu Christi.

Nōne Christus constituit, ut, Diem, quam vocant Dominicum, Sabbati loco obiremus?

Nullò modo. Cùm Religio Christi, quemadmodum alias ceremonias, uti vocantur, ità delectum dierum prorsus tollat, ut Colos. 2. 16. apertè scribit Apostolus. Verùm cùm Diem Dominicum antiquitus celebrari à Christianis videamus, nos eandem libertatem omnibus Christianis permittimus.

Expone Quintum præceptum?

Honora patrem tuum & matrem, &c.

Quid porro est honorare parentes?
In omnibus, iis dicto audientem esse, quæ modò non pugnent cum Dei præceptis, & omnem gratum animum iis pro beneficiis acceptis præstare. Eph. 6. 1, 2. 1 Tim. 5. 4.

Quod verò est, Officium parentum?
Nè liberos irritent; verùm eos enutrient in disciplinâ & admonitione Domini. Eph. 6. 4. Col. 3. 21.

Quid

Quid verò est irritare liberos?

Est, vel sine causâ eos castigare, vel modum in castigando excedere, vel semper jus suum persequi, & nihil eis ignoscere. His enim rationibus animum despondent liberi. Apostolus verò mandat, nè patres irritent liberos, quò animum non despondeant.

Quid est eos enutrire in disciplinâ & admonitione Domini?

Est eos in vias Domini introducere, & conservanda Dei præcepta; tum piis colloctionibus, tum adhortatione, tum exemplo, & conversatione, ut Deut. 11. 19. singulare eâ de re præceptum Dei exstat, ubi Deus mandat, ut manè, vesperi, non domi tantum, verum etiam in itinere, de lege ipsius parentes cum liberis colloquantur.

Quid Dominus Jesus huic præcepto addidit?

Nihil huic additum apparet: Nihilominus ea omnia, quæ de subditis & magistratu, de uxoribus & maritis, de servis & dominis, in literis divinis tradita sunt, huc referenda videntur, propter mutua, quem-

quemadmodum inter *liberos & parentes* cernere est, officia.

Quod verò Officium est subditorum erga Magistratum?

Ut *Magistratui* pareant, non solum propter metum, verum etiam propter conscientiam, tributa, census, vectigalia pendant, honore prosequantur, eum metuant.

Quod Officium Magistratûs ergâ subditos?

Ut potestatem sibi in alios, collatam, divinitus agnoscat, in defensionem bonorum, & metum facinorosorum; Quemadmodum *Rom. 13. à 1. ad 5.* fusè docetur.

Quod verò Officium uxorum erga maritos?

Ut, in omnibus, maritis pareant, ut ecclesia Christo, & eisdem metuant. *Ephes. 5. 24, 33. 1 Pet. 3. 5. Col. 3. 18.*

Quod Officium est maritorum erga uxores?

Ut eas ament, quemadmodum Christus dilexit ecclesiam, & quemadmodum suum ipsius corpus, & tanquam vasi infirmiori bono-

honorem exhibeant : & nè adversus eas
sevant. Eph. 5. 25, 28. 1. Pet. 3. 7.
Col. 3. 19.

Quod est Officium servorum erga
dominos ?

Vt Dominis obsecundent cum metu, & tre-
more, & sinceritate cordis, tanquam Chri-
sto. Non ad oculum servientes, velut homi-
nibus placentes ; verùm, ut servi Christi,
voluntatem Dei facientes ex animo, cum be-
nivolentiâ servientes, tanquam Domino &
non hominibus : Scientes quod quisque
quicquid boni fecerit, id reportaturus sit à
Domino, sive liber, sive servus. Eph. 6. 5,
6, 7. & 1 Pet. 2. 18. Vt subiecti sint
Dominis cum omni metu, non solum bonis &
æquis, verumetiam iniquis. Et Tit. 2. 9, 10.
Vt dominis placeant, non contradicentes, non
fraudantes, verùm omnem fidem ostendentes.
Et 1 Tim. 6. 12. Vt quicumque servi sint
sub jugo, dominos ipsorum omni honore di-
gnos judicent, nè nomen Dei, & doctrina
blasphemetur : Et qui dominos habent fide-
les, nè eos despiciant, quod fratres sint ;
verùm impensissè serviant, quod fideles sint,
& dilecti, ejusdem beneficii participes.

Quod verò Officium dominorum
est erga servos?

Vt

Ut servis quod æquum & justum est tribuant, minas remittant, scientes quod & suus & eorum dominus est in cælis, nec apud eum est acceptio personarum. Col. 4.1. Ephes. 6.9.

Expone Sextum Mandatum.
Non occides.

Quid huic addidit Dominus Jesus?
Nè fratri irascamur, neq; verbis asperis, ex ulciscendi libidine prodeuntib; eum offendamus, quæ Dominus Jesus vocibus Racha, & Fatue, expressit: Quod illa verba pertinent. Eph. 4.31. Omnis amaritudo, & excandescencia, & ira, & clamor, & maledicencia tollatur à vobis, cum omni malitia.

Quid verò est dicere alicui Racha vel Fatue?

Est hoc, ac si quem nomines hominem nihili, aut flocci, aut ratione carentem.

Quod si contingat ut fratrem offendamus, quid faciendum est?

Summo studio reconciliandus est, nisi enim reconciliemur fratri, religio nostra inanis est, & periculum nè in iudicium Dei incidamus.

Ergo

Ergò nullâ ratione irasci licet?

Hâc ratione, quemadmodum Dominus vetat, *irasci non licet*, i.e. *ultionem* expetere: veruntamen si quis irascatur rerum turpitudine motus, nec tamen *ultionem* ullam meditetur, neque in ira persistat, ad eum modum *irasci* nequaquam vetitum est.

Quid præterea huic præcepto addidit Dominus Jesus?

Inhibuit omne *ultionis* genus, non solum *privatum*, verum etiam quod fit per *Magistratum*: eâ tamen ratione, quòd si quis vel corpus, vel fortunas, vel nomen nostrum læserit, ut paratiores simus aliam injuriam potius accipere, quàm nos ulcisci. Quod Dominus Jesus illis verbis docuit Matth. 5.39,40,41. Ego vobis dico, nè resistatis malo: verùm si quis percusserit dextram maxillam tuam, exhibe ei alteram; & qui voluerit tecum jure contendere, ac tuam tunicam tollere, permitte ei & pallium; & qui sollicitaverit ad milliare unum, abi cum eo duo.

Ergò ea verba Domini non simpliciter accipienda sunt, ut sonant?

Non; legimus enim de Servatore Joan.

18.23. eum, cum alapa ei impacta fuisset, non solum non exhibuisse malam alteram, verum etiam se percutienti ea verba opposuisse: *Si malè loquor, ede testimonium de malo: sin bene, quid me cedis?* Idem legimus de Apostolo Paulo. Act. 23. 3.

Non licet ergò per Magistratum jure agere & injurias persequi?

Licet; modò absit ultio: hanc quippe solam vetat Servator. Ultio verò est, ubi quis ei, qui in ipsum injurius existit, par pari referre studet: ut in lege concessum fuit, oculum pro oculo, dentem pro dente, manum pro manu, pro pede pedem, pro unctione unctionem, pro livore livorem petere.

Quod verò est Septimum Mandatum?

Non mœchaberis?

Quid huic addidit Dominus Jesus?

Primum, nè mœchemur, non solum re ipsâ; verum etiam nè mulierem, ita ut eam concupiscamus, aspiciamus. Matth. 5. 28. Id innuens, eum, qui eam concupiscat, in corde suo adulterium patravisse.

viſſe. Præterea, idem addidit verſ. 32. eum, qui uxorem, exceptâ cauſſâ adulterii, dimittat, & aliam ducat, mæchari: & qui etiam dimiſſam duxerit, eum pariter mæchari. Poſtremò, omnem ſcortationem, & impuritatem, ac etiam omnem ſermonem turpem & obſcœnum, & ſcurrelilitatem, & jocos nobis interdixit. 1 Cor. 9. 10, 13, 18. Heb. 13. 4. 1 Theſ. 4. 3, 4. Eph. 5. 3, 4, 5.

Quid ad idem Mandatum pertinet?
Id, nè fidelis infidelem uxorem ducat, nec fidelis uxor infideli marito nubat; nè per ejusmodi connubium fidelium corda ſeducantur: ob quam cauſſam in lege videmus à Deo ipſo expreſſè vetita hujusmodi connubia. 1 Cor. 7. 39. Ex. 34. 16. Deut. 7. 3, 4.

Quod ſi ex infidelibus alteri contingat fieri fidelem, num infidelis fidei deferendus eſt?

Nullò pacto; ſi infidelis cum fidei habitare conſentiat: quòd ſi nolit infidelis cum fidei habitare, non eſt in hujusmodi ſubjectus ſervituti fidelis, ut Paulus docet. 1 Corinth. 7. ver. 10, 11, 12, 13.

Quod

Quod est Octavum Mandatum?

Non furtum facies.

Quid prohibetur hoc Mandato?

In his rebus, quæ ad commodum proximi spectant, omnis ratio intervertendi: quod fit ubi vel ea, quæ habet, tollimus; aut, cum possumus, non ei egeno opem afferimus.

Quâ ratione proximo, quod ejus est, tollitur.

Aut per vim, aut per interversionem dolo-
sam: quâ ratione per vim, cuivis pla-
num est: interversionis verò callidæ
multæ sunt rationes; aut enim in em-
ptione vel venditione, aut in permutatio-
nibus, aut conducto & locato, aut in com-
modato, & in aliis actionibus eas inve-
nire facile est. Ut habemus quoad ven-
ditionem, vetus interdictum divinum.
Lev. 19. 35. 36. Deut. 25. 14, 15. Non ha-
bebis in domo tuâ duplex Ephæ, verum justum
pondus habeto, & justum Ephæ, &c.

Nonne Usura huc etiam referenda
est?

Prorsus.

Quid verò est Usura?

Est à pecuniâ commodatâ extortio
commodi,

commodi, cum oppressione alterius;
 quod apparet ex Hebrææ vocis vi, quâ
Usura in Testamento Veteri appellatur,
 quæ sonat *Morsum*. Exod. 22:25. Levit.
 25:36, 37. Deut. 23:19, 20. Unde ap-
 paret commodum à pecuniâ commoda-
 tâ percipere *sine morsu*, vel detrimento
 alterius, nec peccatum esse, nec usuram:
 Quo factum est, ut in Evangelio nus-
 quam verita sit ejusmodi commodi per-
 ceptio, nisi tum, ubi avaritia, aut rapi-
 na prohibetur: licet ea omnia, quæ
 contra spiritum sunt & doctrinam Je-
 su Christi, non uno in loco speciatim
 commemorata, & expressa sint.

*Quid ad id præceptum adjecit
 Dominus Jesus?*

Nè simus *avarî*. Luc. 12:15;

Quid verò est avarum esse?

Est plus habere velle, quàm ad tuendam
 vitam, tum tuam, tum tuorum omni-
 um pertineat. Heb. 13:5. 1 Tim. 6:8,
 9, 10, 11.

Quâ verò id fit ratione?

Eâ nimirum, dum homines præter pri-
 vatam & justam necessitatem, aut quæ-
 runt,

runt, aut recondunt, ut Luc. 12. 15. & seq. à Christo docetur.

Quæ verò iusta necessitas ad tuendam vitam pertinet?

Victus, cultusque corporis, ac ea sine quibus vita præsens conservari nequit.

In quos igitur usus vertere debent

Christiani, quæ iustæ necessitati supersint?

Ea omnia vel in usus gloriæ divinæ, vel ad sublevandos pauperes, imprimis domesticos fidei, vertere debent: Eâ tamen cautione adhibitâ, ut nè quid studio privatæ gloriæ faciant; quod docet verbis illis Christus, *Nesciat sinistra tua, quod faciat dextera tua.* Matth. 6. 3.

Qui verò victui cultuique corporis ponendus modus?

Eo pacto, nè quis *Luxus* aut corporis voluptas in nobis inveniatur.

Quæ verò luxus & corporis voluptas vitari potest?

Cùm cibi & potus usum ad valetudinem tuendam accommodabimus, cultum verò eum adhibebimus corpori, in quo nec *luxus*, nec *levitas* appareat.

Quid

*Quid verò in ciborum & potus usu
luxum vocas?*

Gulam & ebrietatem, quò pertinent
commestationes, quas prohibet palam
Servator, uti scripta Novi Test. apertissi-
mè planum faciunt. Luc. 21. 34. Rom.
13. 13. Gal. 5. 21.

Quod est nonum præceptum?

*Non falsum testimonium dices in proximum
tuum.*

Quid ad præceptum hoc pertinet.

Mendacium quodvis, quod non solum
ab animo fallendi cupido proficiscitur,
verum etiam ex levitate; præterea, omne
obtreccionis, & detrectationis, & dam-
nationis genus. Apoc. 21. 8. Eph. 4-
25. Rom. 1. 29. 30. 1 Pet. 2. 1. Math.
7. 1. Luc. 6. 37.

Quod est Decimum Mandatum?

*Non concupisces domum proximi tui, nec
concupisces &c.*

*Quid est concupiscere domum
proximi sui?*

Est in corde constituere, ut rem proximi
tui, quam appetis, consequare, etiam
iniquissimâ ratione.

*Quid verò huic præcepto additum
est in Novo Fædere?*

Non solum ad eum modum concupiscere non licere, verum etiam rei cupitæ nullo modo animum adjiciendum esse, etiamsi, ut eam assequatur, nullo modo cogitet; verum eâ ipsâ tantum concupiscentiâ voluptatem aliquam in Corde suo quærat. Quod enim facere vel possidere turpe est Christiano, id nè concupiscendum ei quidem est.



CAPUT II.

De Præceptis Christi sigillatim
ab eo traditis.

EXposuisti mihi præcepta Christi,
quæ Mandatis Dei per Moſen
expoſitis, & iis quæ Chriſtus Moſai-
cis adjecit, continentur; ſuperest, ut
ea quoque exponas, quæ Chriſtus no-
minatim propoſuit.

Ea ſunt duplicia; quædam enim mores,
quædam externos actus religioſos, qui vul-
gò ceremoniæ vocantur, reſpiciunt.

Quæ verò reſpiciunt mores?

Hæc; Abnegatio ſui-ipſius: Crucis tole-
rantia & perpeſſio, Imitatio Chriſti.

Quæ verò eſt Abnegatio ſui-
ipſius?

Eſt privatæ voluntatis & cupiditatum
malarum, mundanarum & carnalium,
renunciatio.

Quæ verò ſunt iſtæ cupiditates?

Sunt eæ, quæ vel ad voluptatem carnis,

vel ad opes & divitias, vel ad vitæ fastum referuntur. Quod Joan. in his verbis comprehendit: *Nè ametis mundum, neq; ea quæ in mundo &c.* Nam quicquid est in mundo, concupiscentia carnis, concupiscentia oculorum, & fastus vitæ, non est ex patre, sed ex mundo. 1 Joan. 2. 15, 16. Quæ quidem Joan. non solum cum incommodo valetudinis, aut aliorum injuriâ, vel contumeliâ quæri prohibet, verum etiam si citra hæc fidelibus contingant, despici, atque contemni vult ab iis omnino.

Quid verò est isthæc crucis portandæ ratio?

Est animi non solum ad afflictiones quasvis, verum etiam ad mortem vel acerbissimam, & ignominiosissimam, Christi causâ subeundam, præparatio, & acceptio istorum voluntaria, atque cum quadam etiam voluptate tolerantia & perpassio.

Quæ porro est Christi Imitatio?
Est vitæ nostræ ad Christi vitæ regulam compositio?

In quo ea consistit?
In conservatione earum virtutum, quas Dominus

Dominus Jesus nobis in seipso, tanquam in vivo exemplari, repræsentavit.

Quæ verò sunt hæ virtutes?

Præcipuæ sunt : *Fiducia in Deum, Charitas perfecta, Humilitas, In precibus assiduitas perpetua.*

Quæ est in Deum Fiducia?

Inferius de eâ re audies.

Quæ Charitas?

Ea vel Deum, vel proximum spectat.

Quæ in Deum Charitas perfecta?

Ut Deum ex toto corde, ex totâ animâ, & totis viribus supra omnia ames.

Quæ Charitas in proximum?

Ea vel in Fratrem, vel Inimicum dirigitur.

In quo perfecta Charitas consistit erga Fratrem?

Eâ in re, ut vitam etiam pro eo profundamus : quod etiam Dominus Jesus Mandatum suum vocat novum. 1 Joan 3. 16. Joan. 13. 34. & 15. 12. Unde apparet, fratrem esse amandum, non solum ut nos ipsos, verum etiam supra nos ipsos.

Quid verò est animam seu vitam pro fratre profundere ?

Ut fratrem serves, non solum nullis aliis rebus parcere, verum etiam discrimen vitæ non recusare : Quemadmodum à Paulo in Priscillâ, & Aquilâ, & Epaphrodito ejus rei exemplum propositum videmus. Rom. 16. 3, 4. Phil. 2. 30.

In quo verò consistit erga inimicum charitas ?

Ut *Inimicus* multiplex est, ita *Charitas* in eum diversa ; nam nos execrantibus tenemur bona precari, Matth. 5. 44. iis qui nos oderunt benefacere, Luc. 6. 27, 28. pro iis verò, qui nos affligunt & persequuntur, orare ; cum rogant, iis dandum est ; cum esuriunt, sunt cibandi ; cum sitiunt, potandi, Rom. 12. 20. & cum mutuò sumere velint, in necessitate verâ atque propriâ, à nobis nequam sunt rejiciendi.

Quid est Humilitas ?

Est animi tui summissio, etiamsi summus sis, & ministeriorum etiam vilissimorum, aliis, quantumvis vilibus, præstandi

CAP. II. *sigillatim ab eo traditis.* 151

standi promptitudo : quam in seipso expressit Christus, cum servorum suorum, Apostolorum nempe, pedes lavit. Phil. 2.3,4. Joan. 13.4,5.

Quid est denique assiduitas in precibus perpetua ?

Est animi nostri quàm sapissimè ad Deum, quovis in loco, sublatio ; eidem commendatio omnium necessitatum, tum credentium, tum omnium hominum, potissimum Regum, & eorum qui præsumunt cum imperio. 1 Tim. 2.1,2.

Quibus rebus instructi esse debent Orantes ?

Ut Deo confidant ; eum nempe possidere quod petunt, nequaquam dubitent. Jac. 1.6. Mar. 11.24. ut secundùm Dei voluntatem precentur, 1 Joan. 5.14. i.e. ea quæ Deus promisit ; Denique, voluntatem Dei compleant ; potissimum, ut siquid adversus aliquem habeant offensæ, remittant, atque ità manus puras tollant sine irâ & disceptatione. 1 Joan 3.22. Joan. 9.31. 1 Tim. 2.8. Quam quidem ad rem multùm juvat jejunium, quod credentes ultrò ob-

eam causam sibi-ipsis imponunt, in quo maximè vitanda hypocrisis.

Quid est Jejunium?

Jejunium, de quo hic agitur, nihil aliud est, quàm à cibo & potu, ad certum tempus abstinencia, ut è multis exemplis, in sacris literis propositis, observare licet.

Non est Jejunium ubi homines à certis cibis abstinent?

Ex *Jejunii* descriptione deprehendere poteris, à certo ciborum genere abstinere, nequaquam esse jejunium: sed potius ciborum delectum, quem Apostolus redarguit, & inter Dogmata Sathanæ recenset. 1 Tim. 4. 3.

Jejunantes an certis diebus adstringi debeant?

Nullo pacto; id enim est contra proprietatem & libertatem religionis Christianæ, quæ spiritualis est, nec ullo modo ullis temporibus adstringitur. Nec verò jejunium est Deo acceptum, nisi id Dei gloria, aut nostra salus & aliorum, aut aliæ necessitates expriment; quare totum illud

illud tempus, quod jejunio tribui-
tur, impendendum est in studia
Christiana, ut sunt exercita-
tio in Lege Domini,

ardentes preces, &

pia colloquia,

&c.

CAPUT III.

De Cæna Domini.

QUæ verò sunt præcepta Domini Jesu, ut vulgò vocant, ceremonialia?

Est unum duntaxat, Cæna nempe Domini.

Quid verò est Cæna Domini?

Est Christi Domini institutum, ut fideles ipsius panem frangant, & comedant, & ex calice bibant, mortis ipsius annunciandi causâ, quod permanere in adventum ipsius oportet.

Quid verò est annunciare mortem Domini?

Est publicè & sacrosanctè Christo gratias agere, quòd is pro ineffabili suâ erga nos charitate, corpus suum torqueri, & quodam modo frangi, & sanguinem fundi passus sit, & hoc ipsius beneficium laudibus tollere & celebrare.

Cur verò hujus potissimàm rei memoriam

moriam Dominus in cætu suo celebrari voluit?

Eò, quòd ex omnibus Christi actionibus ea sit summa, & ei maximè propria: licèt enim à mortuis resurrectio & exaltatio Christi sint longè majores, eas tamen Deus ipse pater, non autem Christus ipse peregit.

Nónne alia causa, ob quam Cænam instituit Dominus, superest?

Nulla prorsus; etsi homines multas excogitârunt, cùm alii dicunt esse sacrificium pro vivis & mortuis: alii usu ipsius se consequi peccatorum remissionem, & firmare fidem sperant: & quòd eis mortem Domini in mentem revocet, affirmant.

Quid verò de his opinionibus statuendum est?

Nullam ex illis subsistere posse: Etenim cùm is finis Cæna Domini usurpandæ sit, ut pro beneficiis acceptis Christo gratias agamus, apparet non eò institutam esse, ut aliquid illic sumamus: imò qui vult dignè Cæna Domini participare, eum de remissione peccatorum ex parte Dei certum, ac fi-

de

de confirmatum esse oportet, & prorsus ita animatum, ut ex illius animo, nunquam mortis Domini excidat memoria.

De eâ re verò, Cænam Domini esse sacrificium pro vivis & mortuis, quidnam censendum est? Hanc opinionem summam prorsus esse errorem: Etenim Scriptura testatur, oblationem Christi nunc in cælis peragi, nec in terris peragi posse. Hebr. 8. 1, 2, 3, 4. Hebr. 9. 24. Præterea, cum Christus ipse sit, & Sacerdos & oblatio, efficitur, ut Christum offerre nemo possit, nisi Christus ipse. Denique, cum oblatio Christi sit usquequaque perfecta, cum sit una, quâ in æternum confirmavit sanctificatos, certè repetitione nullâ opus habet: alioquin non esset perfecta & absoluta. Heb. 7. 27. Heb. 10. 14.

Quæ verò sententia illorum verborum, Hoc est corpus meum? Non uno eodémque modo ab omnibus accipiuntur: Etenim alii censent panem in Corpus, vinum in sanguinem reipsâ mutari, quod illi *Transsubstantiationem* vocant: Alii corpus Domini in pane,

pane, sub pane, cum pane esse sentiunt. Sunt denique, qui in Cœna Domini, verè corporis & sanguinis Domini participes existere se autumant, spiritaliter tamen: quæ opiniones omnes sunt fallaces & erroneæ.

Qui verò istud monstrabis?

Eâ ratione, quòd in his verbis, *Hoc est corpus meum*, particula, *Hoc*, ad universam frangendi & sumendi panis, & fundendi vini actionem referri potest: quare nequaquam ad panem & vinum ab Adversariis refertur necessario, neque hinc captiosæ illorum opiniones neciti & confici possunt. Præterea, quod attinet ad ipsam Transubstantiationem, ut vocant, cum Scriptura panem quem sumimus, in ipso usu panem vocet, ut è verbis Pauli perspicuum est, 1 Cor. 10. 16. & cap. 11. 26, 27, 28. apparet panem illic remanere sine ulla prorsus in corpus Domini transmutatione. Adhæc, eadem Scriptura testatur, Corpus Christi in cœlis esse, & illic ad restitutionem omnium esse oportere. Quare in terris existere nequit amplius. Denique, si panis in Corpus Christi converteretur,

tur, efficeretur modo corporeo sumi corpus immortale, quali Christum præditum nunc esse inter omnes constat: At hoc fieri nequit, ut corpus immortale modo corporeo sumatur: quare nec illud, ut panis vertatur in Christi corpus. Quod verò ad 2^{dam} opinionem attinet, ea, ut ob rationes superiores consistere nequit, potissimum verò hanc, quòd Christi corpus in cælis versetur; ità propter hoc inconueniens, quòd ea opinio proprietates corpori Christi prorsus detrahat. Denique, tertia opinio locum habere nequit, cùm ea pugnent inter se, reipsâ Christi corporis esse participem, & spiritualiter illius participem esse. Et opinionem istam nullo modo certam esse ipsi produnt, cùm fatentur modum hunc sumendi corporis Christi esse prorsus inexplicabilem, aut, quid id fiat, se planè ignorare.

Quid verò statuendum est de Corporis & Sanguinis Christi esu.
Joan. 6. 51.

Non agit eo loco Christus de Cæna Quâ: Etenim illic ei, qui carnem ipsius manducârit & biberit sanguinem, ascribit,

scribit, citra ullam conditionem, vitam æternam; ei verò qui non manduca-
verit carnem ipsius, nec biberit sangui-
nem, adimit vitam æternam. Quod de
Cœna Domini non dici, hinc perspi-
cuum est, quod possit quis Cœnæ Do-
mini esse particeps, perire tamen: Ac
vice versâ, etiam si illius non existeret
particeps, servari. Verùm agit illic
Christus, de causâ fidei in se, quæ est
jugis mortis Christi meditatio, è quâ
vires sumimus ad vitam piam & im-
mortalem capeffendam.

Qui verò illa Pauli verba accipien-
da sunt? Calix benedictionis
quem benedicimus, nōne est
communio sanguinis Christi?
& panis, quem frangimus,
nōne est communio corporis
Christi? I Cor. 10, 16.

Ad eum modum; quòd ii omnes,
qui calicem hunc benedicunt, i. e.
eo usi, sanctè nomen Domini cele-
brant; similiter, qui panem commu-
niter frangunt apertè testatum faciunt,
quòd participes sint corporis & sangui-
nis Domini. i. e. omnium bonorum,
quæ

quæ Christus nobis per mortem suam peperit, ut inferius paullo de Israelitis etiam ait. Israelitas, qui victimas manducabant, Altaris participes fuisse. i. e. ad eos omnia, quæ in religione illâ promissa fuere, pertinuisse.

Expone igitur mihi verum & genuinum illorum verborum Domini, Hoc est Corpus meum, sensum.

Nativus & genuinus horum Christi verborum sensus est ac si Christus dixisset; Hæc actio frangendi, & manducandi panis hujus, est commemoratio, & adumbratio quædam ejus quod corpore meo futurum est; & hæc actio fundendi & bibendi vini hujus commemoratio & repræsentatio quædam est, quid sanguine meo fiet, vel (ut verba Pauli Apostoli explicemus) 1 Cor. 11. 25. bibitio ex eo calice est commemoratio illius ingentis charitatis divinæ, quæ nobis in Novo Fœdere exhibita, ac morte Christi est confirmata. Atque ad eum modum Scriptum exstat de illo in-
tueto agni paschalis edendi more (etenim lumbos erant succincti, pedes calceati, ac baculum manibus gerentes, & comedebant

debant eum festinantes) eum fuisse
transitam Domini Exod. 12. 11. 27. Ezech.
5. 2. 3. 4. 5. tum etiam de illorum
crinium parte sectâ, parte exustâ, parte
dissipatâ, parte servatâ, & ex iis quadam
igne consumptâ : *Hoc esse Hierusalem.*



CAPUT



CAPUT IV.

De Baptismo Aquæ.

Q*uid verò sentis de Aquæ baptismo?*

Id: quòd sit ritus exterior, quo homines vel à Judaïsimo, vel à Gentilismo, ad religionem Christianam accedentes, manifestè profitebantur se Christum pro suo Domino agnoscere.

Num ergò ad eum ritum Infantes pertinent?

Nullò pacto: nam nec in Scripturis ullum mandatum, aut exemplum ea de re habemus; neque ipsi, ut res ipsa indicat, Christum pro suo Servatore agnoscere per ætatem possunt.

Quid verò de iis sentiendum est, qui Infantes baptizant?

Quantumvis hâc in re errent, non licet tamen ideo eos condemnare, modò alioquin Idololatræ non sint, sed piè secundùm Christi præcepta vivant, & alios, sententiam, ipsorum repudiantes, non persequantur. Non consistit enim regnum Dei in hujusmodi externis, sed in

in iustitia, pace, & gaudio in Spiritu S.

*Quid verò eâ de re statuis, quòd sint
qui putent se hoc ritu regenerari?*

Falluntur vehementer ejusmodi; Etenim *regeneratio* nihil aliud est, quàm rationis & voluntatis nostræ transformatio, & ad Christi, Conservatoris nostri, doctrinam compolitio, ut ipsa vox *regenerationis* indicat: verùm ejusmodi transformatio in *infantibus* locum habere nequit, qui ignorent, quæ dextra, & sinistra sit; tantùm abest, ut res tanti momenti in eos cadat: *Adultos* verò, in quibus mentis & voluntatis transformatio locum habet, aquâ regenerari posse, tantùm à veritate abest, ut etiam videatur quidpiam hoc Idololatriæ simile: cùm rei materiatae hoc ascribitur, quod ipsi Deo, & sacro ejus verbo tantùm ascribendum est; cùm is sit, qui nos volens genuit verbo veritatis suæ; & *semen illud* non corruptibile, sed incorruptibile, quo nos regenerari oportet, Jac. i. 18. sit illud *verbum Dei* vivum, & in æternum perseverans. 1 Pet. i. 24.

At Apostolus ait, Deum nos servasse

vâsse per lavacrum regenerationis. Tit. 3. 5.

Verum est Apostolum ita loqui, at non affirmare, lavacrum illud regenerationis esse Aquæ Baptisma. Nec verò in Scripturis inusitatum est, purgationem animorum nostrorum, quæ verbo fit, figuratè lavacrum dici: Paulus enim ad Ephes. cap. 5. ver. 26. scribit, Christum sanctificasse Ecclesiam suam, eâ purgatâ lavacro aquæ in verbo. i. e. per verbum: Et Autor ad Hebr. hortatur eos, qui Christo nomen jam pridem dederant, nec ampliùs Aquæ Baptismo egebant, ut corda aspersa haberent à conscientia malâ, & corpus ablutum aquâ mundâ. Hebr. 10. 22. Denique, ipse Apostolus eodem loco ipso, quem præ manibus habemus, scriptum explicat, quid per lavacrum regenerationis intelligat, ea verba subjiciens, quæ superioribus lucem afferunt, & renovationem Spiritûs sancti. Hanc autem particulam [et] tantum valere posse, quemadmodum [hoc est] superiùs demonstravimus.

At de illis verbis Ananiæ Paulum compellantis; Act. 22. 16. Surge, Baptizare,

Baptizare, ablue peccata tua, quid
statuendum est?

Tenendum id prorsus est, quod etiam
multis aliis locis Scripturæ lucem af-
ferre poterit: Cùm in Scripturis N.
Fœderis actui, vel cerimoniae exteriori
id ascribitur, quod ad salutem prorsus
pertinet, nullâ ratione eò id fieri, ac si
cerimonia illa exterior eam vim habe-
ret: sed eò, quod actu illo duntaxat ad-
umbratio quædam rei illius, quæ ad
salutem prorsus pertinet, fiat. Ità cùm
dicitur, Calix benedictionis, quem benedi-
cimus, nōne est communio sanguinis Chri-
sti? Et panis, quem frangimus, nōne est
communio corporis Christi? 1. Cor. 10. 16.
Et alibi: Quotquot in Christum baptizati
estis, Christum induistis. Gal. 3. 27. At-
que hæc ratione Ananiæ verba & intel-
ligi possunt, & debent. Etsi ad eum
quoque modum accipi possunt, Ananiam
non id egisse, ut Paulus per Baptismum
Aquæ peccata ablueret; verum ut ba-
ptizaretur, & peccata ablueret invocan-
do nomen Domini: cùm tempus jam
illud venisset, quo omnis invocans Do-
minum

minum servandus esset. Act. 2. ver. 21.
Rom. 10. 13.

Nonne ipse Servator Christus cum
Nicodemo agit de Aquæ Baptismo?

Joan. 3. 5.

Nulla modo: Etenim illic agit Dom.
de generatione supernâ, i. e. cœlesti: Præ-
terea, de ejusmodi generatione, sine quâ
nemo in cœlum intrare potest; quod dici
non posse de Aquæ Baptismo ipsa ratio
indicat. Quod verò illic ait de aqua &
Spiritu; ea non esse diversa, verum per
aquam ipsum spiritum, vel aquam spiritu-
alem intelligi, ex eo videtur planum
esse, quòd ea particula [&] hoc loco si-
gnificare possit [id est] ut in simili ora-
tione significare videmus, ubi dicitur;
quòd Christus baptizaturus esset Spiritu
& igne. Atque ideò etiam Christus in
eodem colloqui progressu, nullam am-
plius aquæ, sed tantum spiritus mentio-
nem facit.



CAP. V.

De Promisso Vitæ æternæ.

EXposuisti mihi perfectâ Christi
mandata : illius quoque pro-
missa exponi velim.

Maximum omnium, & quod omnia in
se comprehendit, est *vita æterna* : verùm
etiam aliud superest, ad prius obtinen-
dum vehementer pertinens.

Quod verò istud est ?

Donum Spiritûs Sancti.

At nōne eadem promissâ compre-
hensa fuere in *Lege Moysi* ?

Imò nullum illorum comprehensum
fuit : Etenim nusquam in *Lege Moysi*
reperies, vel *vitam æternam*, vel donum
Spiritûs Sancti, obedientibus præceptis
Legis promissum, quemadmodum in
Lege per Christum datâ promissâ esse
constat.

Attamen

Attamen prorsus aliquam spem
æternæ vitæ in Dei populo ante
Christum fuisse apparet.

Nihil obstat sperare quidpiam, etiamsi
promisso Dei careas, modò res ea sit
summopere expetenda, & ejusmodi,
quam credibile erat Deum cultoribus
suis daturum. Vitâ verò æternâ nec ma-
gis est quicquam expetendum, nec est
quicquam credibilius, quàm Deum
cultoribus suis eam daturum, tanquam
mercedem, quæ ipsius personæ vehe-
menter conveniat, line quâ, cætera bo-
na, etiamsi à Deo proficiantur, vix
sint digna divinæ mercedis nomine.

Id verò quamobrem?

Duabus de causis; primam, quòd non
tam ipsum bonum, quàm illius perpe-
tuitas, divinum quiddam habere vide-
atur: Deinde, quòd constet aliorum
bonorum, exceptâ vitâ æternâ, esse par-
ticipes etiam eos, qui Deo non servi-
unt, imò eum blasphemant.

Habituæ sunt vitam æternam
ii, qui eam sperant, licet is pro-
missa non fuerit?

Prorsus;

Prorsus ; at non omnes, verùm ii qui ex animo Deum coluerunt, & dicto audientes ei fuere. Nec enim obstat quicquam quò minùs plus præstet, quàm promiserit Deus. Et Christus id apertè docet, Luc. 20. 37. 38. cùm è verbis ipsius Dei & verè & subtiliter ratiocinatur, Abrahamum, Isaacum & Jacobum resurrecturos à mortuis, & victuros : quem imitatus autor ad Hebr. ait, Heb. ii 16 Deum non erubescere vocari ipsorum Deum, eò quòd paraverit iis urbem, & eos æternùm victuros statuerit.

Si Deus daturus erat vitam æternam illis hominibus, cur eam non promisit ?

Tam excellens promissum distulerat Deus in tempus, quod noverat opportunum, ut tantò evidentius appareret omnibus, tam excellens bonum esse proprium ipsius munus, è merâ benignitate ipsius profluens.

Nõnne in novo Fœdere præter vitam æternam, sunt etiam vitæ hujus promissa facta ?

Scriptura sanè testatur, pietatem etiam sub novo Fœdere promissionem habere non

H

futura

futura solum; verum etiam *presentis vite*,
 1 Tim. 4. 8. Ac etiam si quis Christi
 causa & Evangelii ejus omnia relin-
 quat, cum centuplicia in hac vita rece-
 pturum cum persecutione, & in seculo
 futuro vitam æternam. Mar. 10. 29. 30.

Ergo quoad promissa vite presentis
 exæquatum est Novum Fœdus ve-
 teri?

Cum in aliis Scripturis constet, homi-
 nem Christianum acquiescere debere iis
 tantum, quæ ad vitam tuendam sunt
 necessaria, 1 Tim. 6. 8. apparet promissa
 vite hujus sub N. Fœdere facta, etiam
 plenissima & uberrima, sic accipi debere,
 nè Christiano homini desit quicquam,
 quod ad hanc vitam tuendam necessa-
 riò requiratur: Verum sub Veteri Fœ-
 dere, non solum quærere licuit, & pos-
 sidere plura, quàm vite hujus usus re-
 quireret; sed etiam è superfluo, volupta-
 tes & alia, sine quibus esse in hac vita
 possumus, parare; modò id sine alterius
 fieret injuriâ. Propterea promissa vite
 hujus sub Veteri Fœdere, non contra-
 henda sunt, sed ut verba sonant acci-
 pienda. Unde etiam cernere est, vitam
 æternam

eternam in Veteri Fædere non fuisse promissam; alioquin N. Fædus non haberet præstantiora promissa, quàm habebat Vetus, contra quàm superiùs docuimus.

CAPUT VI.

De Promisso Spiritûs Sancti.

EXpone mihi alterum promissum,
& explica quid sit donum Spiritûs Sancti.

Donum Spiritûs Sancti in N. Fædere promissum, duplex est; unum perpetuò manens, alterum ad tempus, quod visibile fuit, ut illud invisibile.

Quod verò est ad tempus concessum, idque aspectabile donum? Est donum edendorum aut possidendorum miraculorum, quod ab initio in Christum credentibus manifestè dabatur.

Cur verò donum id non semper duravit?

Propterea quòd ad confirmandum N.

Fœdus concessum fuit, quod ubi satis Deo confirmatum visum est, ejus arbitrio & consilio desit.

Quid verò per hæc verba tibi vis, satis fuisse N. Fœdus confirmatum?

Id volo, eos qui ad credendum Evangelio apti fuere, ex eo quod ad confirmationem Fœderis factum erat, satis in posterum ut crederent, habuisse.

Quinam verò sunt ii apti?

Qui vel animi probitate præditi sunt, vel ab eâ non alieni : Etenim noluit Deus, ut ii, qui ex eorum genere non essent, causam rejiciendæ Christi Doctrinæ nullam haberent ; non habituri, si ea confirmatio perpetua fuisset : nec enim quisquam tam improbus fuisset, qui doctrinam Christi pro verâ non agnovisset, atque eam non tam virtutis & pietatis amore, quàm illius expectendi boni, vitæ nempe æternæ, quam Christus suis promittit, desiderio inflammatus atque incitatus, amplexus fuisset. Quo factum fuisset, ut in religione Christianâ, quæ Dei consilio improbos à probis erat secretura, discrimen inter bonos & malos nullum appareret.

Dic

Dic igitur mihi, quod est Spiritus Sancti donum perpetuò manens?

Antequam id exponam, demonstrandum est, sub N. Fœdere esse quoddam *Spiritus Sancti donum*, quod perpetuò, hoc est, omni tempore, in Christi Ecclesiâ duret.

Imò id à te peto.

Sic igitur habeto; præter alia testimonia, ex illis verbis id perspicuum haberi, Luc. 11. 13. Deum filiis suis, id ab eo contendentibus, spiritum suum dare, & semper dare velle.

Quid verò is Spiritus Sanctus est?

Ut faciliùs intelligas, quid is sit *Spiritus S.* sic habeto. *Primum*, in Scripturis N. Fœderis *Spiritus S.* voce designari ipsum Jesu Christi Evangelium, ut locus 1 Cor. 2. 10. apertè indicat, si cum loco 2 Tim. 1. 10. conferatur. Quod enim in primo loco ait Apostolus, *Deum nobis revelâsse per Spiritum suum*, idem Apostolus in altero loco inquit, *Christum illuminâsse per Evangelium*: id verò est vita æterna, & eam consequendi via

atque ratio. Vocatur autem Evangelium *Spiritus*, partim, quod in eo contenta ab ipso Deo sunt patefacta, nec ullo modo ingenio humano indagari, nec investigari potuere : partim, quod hominis Spiritum respiciant, & nos spirituales reddant, quod Lex non habuit. Præterea, etiam Apostolus seipsum 2 Cor. 3. 6. *Ministrum non literæ, i. e. legis; sed spiritûs*, aut N. Fœderis vocat. Quo sensu cum accipitur vox *Spiritûs sancti*, tum omnibus datur quibuscunque annuntiatur Evangelium. Deinde, ea vox *Spiritûs S.* designat Dei donum, quod certis hominibus datur, quod cum à Scripturâ vocetur *Arrha*, aut etiam *Arrha hæreditatis nostræ*, 2 Cor. 1. 22. & 5. 5. Ephes. 1. 14. & simul de eo dicitur, quod *in corda nostra infundatur*, hinc necessario efficitur, nihil aliud esse, quàm firmam & certam vitæ æternæ nobis promissæ spem, cujus in cordibus nostris gustum sensumque percipiamus.

Nonne eam spem vitæ æternæ concipimus per ipsam Evangelii prædicationem?

Sanè concipimus aliquo modo: Etenim

ex ipsa prædicatione Evangelii, ipsa spes vitæ æternæ acquiri potest, quæ in ea est promissa; (aliòquin cur promitteretur?) veruntamen ad inferendam animis nostris firmam & certam spem, cujus virtute in omnibus tentationibus invicti in fide subsistamus, videtur necessario requiri, ut ea promissio, *exteriùs* per Evangelium proposita, *interiùs* à Deo in cordibus nostris obfignetur.

Omnibùsne illa interior obsignatio contingit, quibus exterior, hoc est, quibus Evangelium annunciatum? Nequaquam; verùm iis tantùm, qui Evangelio sibi annunciato crediderint, & exteriorem illam rationem, quam Deus in confirmandâ promissione vitæ æternæ adhibet, amplexi, eoque usi, quemadmodum oportet, fuerint: Etenim si illud donum Spiritûs S. quod *ad tempus* duravit, non dabatur nisi credentibus Evangelio; multò magis id Spiritûs S. donum, quod *perpetuum* est, aliis non dari statuendum est, nisi qui & Evangelio planè crediderint, & illud ex animo amplexi fuerint.

Nõne ad credendum Evangelio,
H 4 Spiritûs

Spiritûs S. interiore dono opus est ?
Nullo modo ; nec enim in Scripturis
legimus, cuiquam id conferri donum,
nisi credenti Evangelio.

*Postquam exposuisti mihi quodnam
sit donum Spiritûs S. velimetiam
doceri, an Spiritus S. sit persona
deitatis ?*

*Spiritum S. non esse in deitate personam,
hinc discere potes ; primò, quòd ea
quæ Spiritui S. in Scripturis attribu-
untur, nullâ prorsus ratione personæ
convenient ; ut sunt, quòd detur, quòd
ex eo detur, idque aut secundum mensuram,
aut absque omni mensurâ, quòd effundatur
ipse, & ex ipso effundatur, & quòd eo poten-
tur homines, quòd augeatur, in duplo detur,
in partes distribuatur, tollatur ipse, & ex
ipso tollatur, quòd interdum sit, interdum
non sit, denique, quòd exstinguatur ; &
similia multa in Scripturis exstant.
Act. 5. 32. 1 Joan. 4. 13. Ephes. 4. ver. 7.
Joan. 3. 34. Act. 2. 17, & 33. 1 Cor.
12. 13. Ephes. 5. 18. 2 Reg. 2. 9. Joan.
7. 39. 1 Thess. 5. 19. Deinde, idem ex
eo patet, quòd non sit extra Deum na-
turâ, sed in ipso Deo. Nisi enim natu-
râ*

râ Deo inesset, non potuisset Paulus Spiritum Dei cum spiritu hominis, qui homini inest naturâ conferre ; idque eo in loco, 1 Cor. 2. 11. ubi ait, *Quis hominum novit quæ sunt hominis, nisi Spiritus hominis, qui est in homine ; ita quæ sunt Dei nemo novit, nisi Spiritus Dei :* Quoniam verò Spiritus S. in Deo est, nec tamen in Spiritu S. reciprocè dici potest esse Deum, hinc apparet Spiritum Sanctum non esse personam. Præterea, cùm superius demonstratum sit, unam tantum esse in Deitate personam, & Spiritus S. Dei virtus sit, ut verba Christi ad Apostolos indicant, *Vos verò manete in urbe Hierusalem, donec induamini virtute ex alto,* Luc. 24. 49. efficitur Spiritum S. non esse personam divinam. Denique, si Spiritus S. esset persona, essentiam quoque divinam eum habere oporteret ; nam ea attribuantur illi, quæ propria sunt essentiæ divinæ ; at superius docuimus substantiam divinam unam esse numero, nec tribus personis esse posse communem. Quamobrem Spiritum S. non esse Deitatis personam planum est.

Qui verò in Scriptura loci accipiendi sunt, in quibus Spiritui S. actiones personarum propriae, & ad Deum ipsum spectantes, attribuuntur?

Ad eum modum, quod in Scripturis rebus id attribuatur sæpenumerò, quod personarum est, neque tamen res illæ propterea personæ censentur: ut peccato, quod deceperit, quod occiderit, Rom. 7. 11. Et Legi, quod loquatur, Rom. 3. 19. Et Scripturæ, quod prospiciat & præ-nunciet, Gal. 3. 8. Et Charitati, quod sit longanimis & benigna, non inuideat, non sit morosa, non infletur, non agat indecorè, non querat quæ ipsius sunt, non irritetur, non cogitet malum, non gaudeat super injustitiâ, congaudeat veritati, omnia ferat, omnia credat, omnia speret, omnia sustineat, 1 Cor. 13. 4, 5, 6, 7. Denique, Spiritui, i.e. vento, quod spiret ubi velit, & vocem ejus audias, verum unde veniat, & quò vadat ignores? Quoniam verò Spiritus S. virtus Dei est, hinc fit, ut ea quæ Dei sunt, Spiritui S. attribuuntur; & sub nomine Spiritus S. sæpe Deus ipse intelligatur, quatenus suam virtutem Deus per Spiritum suum exerit.

Qui

*Qui verò aī s Spiritum S. esse Dei
virtutem, cūm distindē nominen-
tur Spiritus S. & virtus altissimi,
in illis Angeli ad Mariam vir-
ginem verbis, Luc. 1. 35.*

Sæpius in Scripturis una eadēque res
duabus diversis vocibus exprimi solet,
ut tantò sit certior & evidentior; cu-
jus rei exemplum habes Matth. 3. v. 11.
Luc. 3. 16. ubi de Christo scribitur, e-
um baptizaturum Spiritu S. & igne.
Quod tamen apud Marcum scriptum
simpliciter exstat, baptizaturum Spiritu
S. Mar. 1. ver. 8.

CAPUT VII.

De Confirmatione divinæ
Voluntatis.

Quemadmodum Jesus divinam
Voluntatem nobis patefe-
cerit, declaratum est: ut confirma-
vit declarari amplius velim.

Quòd ad ea attinet, quæ Christus ipse
ad

ad confirmandum divinam voluntatem, quam patefecerat, fecit, ea tria occurrunt, Absoluta vitæ innocentia, miracula admodum magna & innumera, & mors; quemadmodum ex illo testimonio Joannis, ut alia prætereamus, cernere est, in quo Joannes ait: *Tres sunt qui testantur super terram, spiritus, aqua & sanguis*, 1 Joan. 5. 8. Etenim sine dubio voce spiritus, Dei Spiritus designatur, ejus virtute illa mirabilia facta constant: *Aquâ* verò illius vitæ puritas, quemadmodum *sanguine* ipsius mors notatur.

Quæ verò fuit innocentia vitæ Jesu Christi, & quæ per eam voluntas Dei confirmata fuit?

Innocentia vitæ ipsius tanta erat, ut non solum peccatum nullum designaverit, nec dolus inventus sit in ore ipsius, nec peccati ullius convinci potuerit; verum adeò sanctè vixit, ut nec ante eum, nec post eum, quisquam eum sanctitate æquârit: adeò ut ad ipsum Deum sanctimoniâ proximè accederet, Deoque hâc magnopere similis esset: unde efficitur, doctrinam ab eo allatam fuisse verissimam.

Qualia

Qualia verò miracula fuere, & quomodo ea divinam voluntatem confirmant?

Tanta miracula fuere, qualia nemo ante ipsum patravit; & tot, ut Joannes scribere non dubitaret, si sigillatim descripta fuissent, nè mundum quidem libros ipsos capturum fuisse, Joan. 15. 24. Joan. 21. 25. Ad eum verò modum confirmatur iis Dei voluntas, quòd tantam virtutem patrandi miracula, quæ prorsus divina esse oportuit, Deus nunquam alii, nisi qui ab eo esset, collaturus fuisset.

CAPUT

CAPUT VIII.

De Morte Christi.

Qualis verò fuit Mors ipsius,
& quâ ratione voluntas Dei per
eam confirmata est?

Ejusmodi, quam variæ afflictiones præ-
cesserant, & quæ per se fuit atrocissima,
& ignominiosissima; adeò ut Scriptura
testetur, eum propterea fuisse fratribus
in omnibus similem, Heb. 2. 17.

*Quare Scriptura testatur de Chri-
sto, eum fuisse sepultum, neq; in
sepulcro Deum ipsius oblitum fuisse?*

Propterea, ut appareat eum verè mortu-
um fuisse, nec tamen in morte relictum :
atque ad eum modum credentes spem
haberent, etiamsi ab ipsa morte absor-
beantur, non tamen se perituros.

*At cur necesse erat Christum tot pati,
& tam atrocem mortem subire?*

Eò quòd ab ipso servandi iisdem affli-
ctionibus, & morti ejusmodi plerumque
sunt obnoxii.

At

-dit. 31. At quæ causa erat easdem afflictiones, & mortem Servatori Christo perferendi, quibus credentes sunt obnoxii?

Dux ejus rei exstiteret causa, quemadmodum duplici ratione Christus etiam suos servat; primum enim exemplo suo, ut in salutis viâ, quam sunt ingressi, persistant, suos movet: Deinde, iisdem in omni tentationum, laborum & periculorum certamine adest, opitulatur, & tandem ab ipsâ æternâ morte liberat. Verùm quâ ratione Christus, suo ipsius exemplo credentes, ad persistendum in illa singulari pietate & innocentia, sine quâ servari nequeant, movere potuisset, nisi atrocem mortem, quæ pietatem facilè comitari solet, gustasset? aut quâ curam suorum in tentationibus & periculis, iisque ab omnibus malis liberandis, tantam gerere potuisset, nisi quantopere graves, & naturæ humanæ per se intolerabiles essent, ipse expertus esset? Atque hæc approbare videntur illa Petri Apostoli; 1 Pet. 2. 21. Christus passus est pro nobis, relinquens nobis exemplum, ut sequamur vestigia

stigia ejus. Et illa quæ Hebr. 2. 18. habentur; Christus in eo, in quo passus est ipse & tentatus, potens est & eis qui tentantur auxiliari. Et inferius in eadem Epist. cap. 4. 15. Potest nobiscum ferre infirmitates, tentatus per omnia in similitudinem.

Nōne Deus facere poterat, nē credentes afflictionibus & atroci morti forent obnoxii?

Poterat quidem, si rerum naturam mutare voluisset: verū hęc Deus non facit, nisi interdum, idque rarò admodum, atque in rebus quibusdam singularibus, & ad tempus: verū non semper, neque communiter, quemadmodum hīc prorsus opus fuisset, si credentes in Christum afflictionibus & morti exemptos voluisset.

Cur autem id prorsus necesse fuisset? Idcirco, quòd credentes in Christum præditi sint singulari pietate & vitæ innocentia, & quòd non liceat eis de quoquam vindictam expetere: quorum alterum naturā suā efficit, ut omnium malorum odio sint expositi, & ita graviter ab iis affligantur, ac etiam morti, sicubi

ficubi occasio vel opportunitas invitaverit, subjiciantur: *Alterum* verò magis est etiam malis incitamento, & facultatem suppeditat ista omnia ad finem perducendi.

Qui verò sanguis aut mors Christi nobis voluntatem Dei confirmavit?

Duplici ratione; *Primum*, quòd nos manifestè de ingenti in nos Dei charitate certos reddiderit, Joan. 3. 16. Rom. 5. 8. idque adeò, quòd Deus velit nobis id donare, quod in N. Fædere promittit: unde etiam sanguis N. Fæderis est dictus, qui præstantiora loquatur, quàm sanguis Abel, Heb. 13. 20. & 12. 24. Et ipse Christus testis verax & fidelis dictus est, Apoc. 1. 5. & 3. 14. Deinde, quòd resurrectione Christi, quæ non nisi morte ipsius interveniente fieri potuit, de resurrectione nostrâ, & porrò vitâ æternâ consequendâ, certiores facti simus, si præceptis Domini Jesu pareamus.

Expone eam rem fusiùs; quâ ratione resurrectione Christi, atque ad eum modum ipsius morte, de resurrectione nostrâ ac vitâ æternâ confirmati simus.

Primum,

Primum, morte Christi & resurrectione certi sumus facti de nostra resurrectione ad eum modum, quòd in exemplo Christi propositum id nobis spectemus, eos, qui Deo obtemperant, è quovis mortis, quantumvis atrocis, genere liberari. *Deinde*, quòd jam prorsus nobis constet, Christum eam consecutum esse potestatem, quâ possit suis, i. e. iis qui ipsi parent, vitam æternam donare. Etenim resurrectio Christi, mortem ejus subsecuta, ejusmodi erat, ut ex mortuis resuscitatus, potestatem omnem in cœlo & in terrâ consequutus sit.

Quâ ratione ea Christi potestas, quam morte interveniente Christus consecutus est, nos magis de promissione Dei certos reddit, quàm si eâ Christus careret?

Duplici ratione: *Primum*, quòd jam videamus quoddam principium impletionis ipsius Dei promissionis; præsertim quòd Deus nominatim promisit, ipsum Christum nos à morte liberaturum, & daturum nobis vitam æternam: *Deinde*, quòd similiter videamus implendæ promissionis divinæ nobis factæ potestatem esse

esse in manu hujus, quem non pudet nos fratres appellare, & qui afflictiones omnes, quibus nos expositos esse oportet, si ei parere velimus, gustavit; eoque potest nostrum misereri, & infirmitatum nostrarum sensu affici, uti eâ de re superius disseruimus.

Hinc igitur perspicio longè plus in resurrectione, quàm in Christi morte filium esse, in nostræ salutis negotio.

Ita prorsus res habet; ad eum enim modum eâ de re testantur Sacræ Literæ, Rom. 5. 10. *Si enim inimici Dei cum essemus, reconciliati sumus per mortem filii ejus, multo magis reconciliati servabimur per vitam ipsius.* Et rursus, Rom. 8. 34. *Quis est qui condemnet? Christus est qui mortuus est, magis verò & excitatus, qui etiam est in dextera Dei, qui etiam interpellat pro nobis.*

Cur verò ita crebrò omnia hæc morti Christi ascribit Scriptura?

Propterea, quòd mors via ad resurrectionem & exaltationem Christi fuerit, adeò, ut sine ea, secundum Dei decretum, pervenire ad illa non potuerit. Deinde, quòd

quòd ex omnibus, quæ Deus & Christus nostræ salutis causâ fecerunt, mors Christi potissimum nobis Dei & Christi charitatem ostendat, & ante oculos ponat.

Nonne est etiam aliqua alia mortis Christi causa?

Nulla prorsus; Etsi nunc vulgò Christiani sentiunt, Christum morte suâ nobis salutem meruisse, & pro peccatis nostris plenariè satisfecisse; quæ sententia fallax est & erronea, & admodum perniciosa.

Quâ ratione?

Quòd ad id, quòd fallax sit & erronea attinet, id hinc perspicuum est, quòd non solum de ea nihil exstet in Scripturis; verùm etiam Scripturis & sanæ rationi repugnet.

Demonstra id ordine.

Id non haberi in Scripturis argumento est, quòd istius opinionis assertores nunquam perspicuas Scripturas afferunt ad approbandam istam opinionem: verùm quasdā consecutiones nectunt, quibus quod asserunt, efficere conantur; quas ut admittere æquum est, cum ex Scripturis necessario

necessariò adstruuntur, ità ubi Scripturis repugnant, eas nullam vim habere certum est.

Quà verò Scripturæ repugnant?

Ad eum modum, quòd Scripturæ passim, Deum peccata hominibus gratuito remittere, testentur, 2 Cor. 5. 19. Rom. 3. 24, 25. potissimum verò sub N. Fœdere, Eph. 2. 8. Matth. 18. 23. & seq. At remissioni gratuite nihil adversatur magis, quàm satisfactio. Cui enim Creditori satisfit, vel ab ipso debitore, vel ab alio, debitoris nomine, de eo dici non potest verè, eum debitum gratuito ex ipsa gratiâ remisisse.

Cedò, quàm istud rationi repugnet?
Id quidem hinc perspicuum est, quòd sequeretur Christum æternā mortem subiisse, si Deo pro peccatis nostris satisfecisset; cùm constet, pœnam, quam homines peccatis meruerant, æternam mortem esse. Deinde, consequeretur, nos Christo, quàm Deo ipsi devinctiores esse, quippe qui satisfactione multum gratiæ nobis ostendisset. Deus verò exactā satisfactione nullā prorsus gratiâ nos prosecutus fuisset.

Cedò

Cedò etiam, quâ hâc opinio est pernicioſa?

Ad eum modum, quòd hominibus fenestram ad peccandi licentiam aperiatur; aut certè ad ſocordiam in pietate colendâ eos invitet. Scriptura verò teſtatur, eum inter alios etiam Chriſti mortis finem eſſe, ut redimeremur ab omni iniquitate, ex hoc ſeculo nequam eriperemur, & redimeremur ex vana conſervatione à patribus traditâ, & mundaremur conſcientiâ à mortuis operibus ad ſerviendum Deo viventi, Tit. 2. 14. Gal. 1. 4. 1 Pet. 1. 18. Heb. 9. 14.

Quânam verò ratione hanc ſuam opinionem tuentur?

Conantur primò, ratione quâdam id efficere; deinde, Scripturæ autoritate.

Quæ verò hæc Ratio eſt?

Aiunt in Deo juſtitiam & miſericordiam eſſe naturalem: ut verò eſt miſericordiæ peccata remittere; ita aiunt juſtitia eſſe proprium, quodvis peccatum punire. Cùm verò Deus vellet, ut miſericordiæ ipſius & juſtitia ſimul ſatisficeret, eam rationem invenit, ut Chriſtus loco noſtri mortem perferret; atq;

eo

eo modo justitiæ Dei *satisfaceret*, atque sic à naturâ humanâ *satisficeret* Deo, à quâ *offensus* fuerat.

Quid verò ad eam Rationem respondes ?

Ea Ratio specie plausibilis est, reipsâ tamen nec veri, neque solidi quidquam habet. Etsi enim nos fateamur, & hinc summâ voluptate afficiamur, Deum nostrum esse misericordem mirum in modum, & justum; tamen eam misericordiam & justitiam, qualem hic adversarii nostri volunt, negamus Deo *inesse naturaliter*. Nam quòd attinet ad *misericordiam*, eam Deo non ita naturâ *inesse*, ut isti sentiunt, hinc patet; quòd si naturâ Deo *inisset*, non posset Deus ullum peccatum prorsus punire: atque vicissim, si ea justitia naturâ Deo *inisset*, ut illi opinantur, nullum peccatum Deus remitteret, sed semper illud puniret. Adversùs enim ea, quæ Deo *insunt* naturâ, nunquam potest quidquam facere Deus. Exempli causâ; cùm sapientia Deo *insit* naturâ, nunquam contrà eam quidquam Deus facit, verùm quæcunque facit, omnia facit *sapienter*

enter. Verùm cùm Deum constet remittere peccata & punire quando velit, apparet Deo ejusmodi misericordiam & justitiam, qualem illi opinantur, non inesse naturâ, sed esse effectus ipsius voluntatis. Præterea, eam *justitiam*, quam adversarii misericordiæ opponunt, quâ Deus peccata punit, nusquam literæ sacræ hoc nomine *justitiæ* insigniunt, verùm *iram* & *furorem Dei* appellant: imò *justitiæ Dei* in Scripturis hoc attribuitur, cùm Deus peccata condonat, 1 Joan. 1. 9. Rom. 3. 25, 26.

Quæ verò tua est eâ de re sententia?

Ea nimirum, cùm eam misericordiam & justitiam, quas adversarii inesse Deo naturâ opinentur, Deo non inesse naturâ docuerimus, nullo modo opus fuisse eâ ratione, quâ misericordiæ isti & justitiæ satisfaceret, & quâ, veluti temperamento quodam, in Deo inter se conciliarentur. Equidem non diffitemur, justitiam esse Deo naturalem, verùm eam, quæ *rectitudo* nominatur, & pravitati opponitur. Atq; ea quidem in omnibus Dei operibus elucet, unde eadem omnia, *iusta & recta & perfecta* apparent, idque
non

non minùs cùm Deus peccata remittit,
quàm cùm eadem punit.

*Quæ verò sunt Scripturæ, è quibus
illi opinionem suam adstruere conan-
tur ?*

*Ex, quæ testantur Christum vel pro no-
bis, vel pro peccatis nostris mortuum. De-
inde, quòd nos redemit, aut dedit semet-
ipsum & animam suam redemptionem pro
multis: Tum, quòd noster Mediator est. Por-
rò, quòd nos reconciliârit Deo, &
sit propitiatio pro peccatis nostris. Denique,
ex illis sacrificiis, quæ mortem Christi,
seu figuræ adumbraverunt.*

Qui ad hæc loca respondes ?

*Quod attinet ad illa testimonia, in qui-
bus habetur Christum pro nobis mortuum,
ex iis satisfactionem adstrui necessario
non posse, hinc manifestum est, quòd
Scriptura testetur, etiam nos pro fratri-
bus animas ponere debere; 1 Jo. 3. 16. Et
Paulus de se scribat, Col. 1. 24. Nunc
gaudeo in afflictionibus meis pro vobis, &
suppleo reliquias afflictionum Christi pro cor-
pore ejus, quæ est Ecclesia. Certum au-
tem est, nec fideles pro fratribus cui-
quam satisfacere, neque Paulum cui-
quam*

quam pro Ecclesia satisfecisse.

At horum verborum, Christum pro nobis esse mortuum, qui sensus est?

Is, quod hæc verba [pro nobis] non significant loco vel vice nostri; verum propter nos, uti etiam Apostolus 1 Cor. 8. 11. expressè loquitur. Quod etiam similia verba indicant, cum Scriptura loquitur, pro peccatis nostris mortuum esse Christum: quæ verba eum sensum habere nequeunt, loco seu vice nostrorum peccatorum mortuum esse, verum propter peccata nostra esse mortuum; uti Rom. 4. 25. manifestè scriptum legimus. Ea porro verba [Christum pro nobis mortuum esse] hanc habent vim, eum idcirco mortuum, ut nos salutem æternam, quam is nobis cœlitus attulit, amplecteremur & consequemur, quod quâ ratione fiat, paullo superius accepisti.

Quid verò ad ea testimonia, quæ nos à Christo testantur redemptos, respondes?

E verbo redimendi non posse effici satisfactionem hanc, hinc est planum, quod de ipso Deo & in novo & in prisco fœdere scribatur, eum redemisse populum suum

suum ex *Ægypto*, eum fecisse redemptionem populo suo. Deinde, quòd scriptum sit, quòd Deus redemerit Abrahamum, Isa. 29, 22. & Davidem, Psal. 31. 6. & quòd Moses fuerit Redemptor, Act. 7. 35. & quòd simus redempti è nostris iniquitatibus, Tit. 2. 14. aut è vanâ conversatione nostrâ, 2 Pet. 1. 18. aut è maledictione legis, Gal. 3. 13. Certum autem est Deum nemini satisfecisse, nec verò iniquitatibus, aut conversationi vanæ, aut legi satisfactum dici posse.

Quam autem vim ea verba putas habere, quòd Jesus nos redemerit, & seipsum pretium Redemptionis dederit?

Vox Redemptionis simpliciter liberationem notat. Porro, de Christi morte dicitur, quòd nos per eam liberaverit; quòd eâ interveniente liberationem consequuti simus, & ab ipsis peccatis, nè eis amplius serviamus, & ab eorum pœnâ, ut è faucibus æternæ mortis erepti in perpetuum vivamus.

Cur verò ea nostra liberatio voce Redemptionis exprimitur?

Propterea, quòd maxima interveniat similitudo

militudo inter *liberationem* & *redemptionem* propriè acceptam : ut enim in propriè acceptâ redemptione , oportet esse captivum, & eum qui captivum detineat ; tum redemptionem ; denique redemptionis pretium : ità in nostra liberatione est homo captivus ; qui hominem captivum detinent, sunt peccatum, mundus, diabolus, mors : Est præterea Deus & Christus captivi redemptor ; denique redemptionis pretium ipse Christus, vel anima ipsius à Deo. & ipso Christo impensa : tantum eò differt, quòd in nostrâ hâc liberatione, nemo est qui accipiat aliquid liberationis nomine, quod in verâ redemptione semper inveniri necesse est.

Cur verò Spiritus sanctus voce metaphorica potius, quam propriâ utitur ?

Propterea , quòd hac voce *metaphoricâ*, charitas & labor Dei & Christi in liberatione nostrâ ostensus, exprimitur differtius : liberatio enim contingere potest sine charitate ; at tam insignis redemptio sine charitate confici nullo modo potuit.

Quid

Quid ad hæc dicis, quòd Christus sit mediator inter Deum & homines, aut N. Fæderis ?

Cùm legatur Moses fuisse *Mediator*, Gal. 3. 19. (putà inter Deum & populum Israël, aut prisci fæderis) neque eum satisfecisse Deo ullo modo constet, nè hinc quidem, quòd Mediator Dei & hominum Christus sit, colligi certò poterit, eum *satisfactionem* aliquam, quâ Deo pro peccatis nostris satisfaceret, peregisse.

Cur Christo nomen Mediatoris Scriptura tribuit ?

Propterea, quòd Fædus Novum idque sempiternum nomine Dei cum hominibus sanxerit, & omnem Dei voluntatem, per quam aditus nobis ad Deum patefactus est, exposuerit.

Ad hæc verò, quòd nos Deo reconciliârit, quid affers ?

Primum, nusquam Scripturam asserere, Deum nobis à Christo *reconciliatum*; verùm id tantùm, quòd nos per Christum, aut mortem ejus, simus reconciliati, vel Deo reconciliati, ut ex omnibus locis quæ de hac reconciliatione agunt, vi-

dere est. Quare nullo modo ex iis omnibus locis ea satisfactio exstrui potest. Deinde verò, quòd apertè in Scripturis exstat, Deum nos sibi reconciliâsse, id opinionem Adversariorum prorsus falsum esse evincit, 2 Cor. 5. 18. Col. 1. 20, 22.

Quid verò de hac reconciliatione sentis?

Christum Jesum nobis, qui propter peccata nostra Dei inimici eramus, & ab eo abalienati, viam ostendisse, quemadmodum nos ad Deum converti, atque ad eum modum ei reconciliari oporteat.

Ad ea verò quid respondes, Christum peccata nostra tulisse?

Nè hinc quidem istam adstrui satisfactionem, id argumento esse, quòd de Deo in Hebraïco textu scriptum sit, ipsum esse qui misericordiam millibus servet, & portet iniquitatem & peccata, Exod. 34. 7. Num. 14. 18. Et Matthæus cap. 8. 17. disertissimè ait, tum, cùm Christus multos morbos curâisset in populo, impletum fuisse illud per Isaïam scriptũ; Ille infirmitates nostras sustulit, & morbos portavit, Isa. 53. 4. Nihilominus Deus
nec

nec pro peccatis cuiquam satisfecit,
neque Christus pro morbis hominum.

Quid verò sibi volunt hæc verba?
Id nimirum, quòd Christus omnia pec-
cata & peccatorum pœnas à nobis ab-
stulit, atq; si ea in regionem longè dis-
sitam deportasset, uti etiam Scriptura
ait, eam esse agnum Dei, qui tollat peccata
mundi; Joan. 1.29. & oblatum esse semel,
ut multorum peccata tolleretur, Heb. 9.28.

*Ad hæc verò, quòd Dominus Je-
sus propitiatio vocetur, quid re-
spondes?*

Hinc non extrui necessariò satisfactio-
nem vel id argumento est, quòd Scri-
ptura tradat ipsum Deum proposuisse
propitiationem Christum, uti Apostolus
apertè loquitur, Rom. 3.25. Deinde, ex
eo, quòd etiam illud operculum Arcæ
Dei propitiatio, seu propitiatorium sit vo-
catum, Heb. 9.5. Exod. 25.22. cùm ni-
mis apertum sit, ipsum Deo nequaquam
satisfecisse. Denique, aliud est satisfac-
cere alicui, aliud eum reddere propitium;
cùm is, qui propitius redditur, seu pla-
catur, possit multum de jure suo remit-
tere;

tere; cui verò satisfit, nullo pacto de jure suo remittit.

At eâ de re quæ tua est sententia?
Ea, quòd Deus in Christo mirum in modum se nobis propitium exhibuerit, & omnia, quæ nos scire voluit, per eum revelârit; maximè verò cùm filium suum in mortem dedit, unde Apostolus in loco superiùs citato adjecit; *in sanguine ipsius*, Heb. 9. 12.

Quid verò ad ea testimonia respondes, in quibus traditur, illis sacrificiis prisce Fœderis mortem Christi figuratam & adumbratam fuisse?

Primum tenendum est, non ipsa sacrificia prisce Fœderis mortem Christi figurâsse; verùm mactatio illius pecudis tantùm, quæ quotannis mactabatur, & ejus cum sanguine summus Pótifex in Sancta Sanctorum ingrediebatur, Christi mortem adumbrat; quæ ut non erat ipsum sacrificium, verùm quædam ad sacrificium præparatio, & illius inchoatio, quædam; sacrificium verò ipsum tum peragi certum erat, cùm summus Pontifex

Pontifex ingrediebatur cum illo sanguine in sancta sanctorum: ita etiam mors Christi non erat ipsum sacrificium, verum quædam ad sacrificium præparatio, & sacrificii inchoatio. Sacrificium verò ipsum tum peractum fuit, cum Christus in ipsum cælum ingressus est, quâ de re inferius audies. Præterea, quamvis illa sacrificia mortem Christi figurâssent, hinc tamen non efficitur, Christi morte Deo fuisse satisfactum pro peccatis nostris, cum nusquam testetur Scriptura, illa sacrificia eam vim habuisse, ut Deo pro peccatis satisfacerent. Et tamen necesse est inter figuram & figuratum aliquam similitudinem intervenire.

Quid verò de illis sacrificiis sentis?

Id imprimis, quòd per ea peccata populi Dei expiata fuere, i.e. gratiâ & Decreto Dei, accedentibus illis sacrificiis, peccata fuere remissa.

CAP. IX.

De Fide.

Intellexi ea quæ ex parte Dei
ad Fœdus novum pertinent, ex-
pone etiam ea quæ ex parte nostrî
ad idem videntur spectare.

Id, quod ex parte nostrî ad Fœdus novum
spectat, est Fides in Dominum Jesum
Christum.

Quid verò est Fides in Dominum
Jesum Christum?

Hæc duplici ratione in Scriptura con-
sideratur : interdum notat eam fidem,
quam salus non consequitur necessariò.
Interdum eam, quam salus necessariò
consequitur.

Quæ verò est, quam salus non con-
sequitur necessariò?

Est assensus tantùm, quo Jesu Chri-
sti doctrinam esse veram attestamur :
quem non consequi prorsus salutem,
apparet è Principibus illis, de quibus
Joan.

Joan. 12. 42. ait, Multos in Dominum credidisse, verum propter Phariseos eum confiteri recusasse, nè e Synagoga ejicerentur.

Quæ verò est Fides, quam necessario consequitur salus?

Est Fiducia per Christum in Deum; unde apparet eam in Christum fidem duo comprehendere : unum, ut non solum Deo, verum & Christo confidamus. Deinde, ut Deo obtemperemus, non in iis solum quæ in Lege per Moysen lata præcepit, & per Christum abrogata non sunt, verum etiam in iis omnibus quæ Christus legi addidit.

Ergò in obedientiam sub Fide comprehendis.

Sic est, etenim res ipsa indicio est, neminem inveniri posse, qui spem certam vitæ æternæ animo concipiat, quam Christus tantum sibi obtemperantibus promisit, qui non Christo dicto audiens sit : quandoquidem ejusmodi bonum est immortalitas, ut illud nemo sciens volens aspernari queat. Præterea, Jacob. apertissimè testatur, cap. 2.

26. *Ut corpus absque anima mortuum est,*
ita

ita sine operibus fidem mortuam esse. Et paullo superius idem ait, ex operibus fidem Abrahæ fuisse consummatam, ver. 22. Quapropter etiam in Scripturis homines pii & Deo obedientes duntaxat, fideles vocantur: quâ de re autor ad Hebr. cap. 11.

Cur verò Apostolus Paulus fidem operibus opponit? Rom. 3.23. & 4.5. Gal. 2.16. Eph. 2.8.9.

In iis locis, ubi Apostolus fidem operibus opponit, de operibus ejusmodi agit, quæ & perfectam & perpetuam obedientiam continent, qualem sub lege Deus ab hominibus requirebat: verum non de iis operibus, quæ obedientiam, quam Deus à nobis, qui in Christum credidimus, requirat, comprehendunt.

Quæ verò est isthæc obedientia? Ea, ut primum veterem hominem cum operibus ipsius exuentes, ab omni peccato antea acto desistamus, quam quidem rem Scriptura pœnitentiam vocat. Deinde, ut pro virili voluntatem Dei exequamur, adeò ut non secundum carnem ambulemus, verum spiritu opera carnis

carnis mortificemus. In summa, nullius peccati habitum contrahamus, omnium verò virtutum Christianarum habitus comparemus.

CAPUT X.

De Libero Arbitrio.

Estne id situm in nostra potestate ut ad eum modum Deo obtemperemus?

Prorsus; etenim certum est, primum hominem ità à Deo conditum fuisse, ut libero arbitrio præditus esset: nec verò ulla causa subest, cur Deus post ejus lapsum illum eo privaret: ac neque justitia Dei admittit; nec etiam inter pœnas, quibus Adæ peccatum punivit Deus, ejusmodi pœnæ ulla mentio existat.

Nonne peccato Originis hoc liberum arbitrium vitiatum est?

Peccatum Originis nullum prorsus est: quare nec liberum arbitrium vitare potuit: nec enim è Scriptura id peccatum
originis

originis doceri potest : Et lapsus *Adæ*, cum unus actus fuerit, vim eam, quæ depravare ipsam naturam *Adami*, multò minùs verò posterorum ipsius posset, habere non potuit. Ipsi verò in pœnam irrogatum fuisse, nec Scriptura docet, uti superiùs exposuimus ; & Deum illum, qui omnis æquitatis fons est, incredibile prorsus est, id facere voluisse.

Veruntamen esse peccatum Originis illa testimonia docere videntur, Gen. 6. 5. Omnis cogitatio cordis humani maligna solum omni die: & Gen. 8. 21. Cogitatio cordis humani mala à pueritia suâ.

Hæc testimonia agunt de peccato voluntario : Ex iis itaque effici nequit peccatum Originis. Quod enim ad primum attinet, Moses id peccatum ejusmodi fuisse docet, cujus causâ pœnituisse Deum, quòd hominem creâisset, & eum diluvio punire decrevisset, apertè demonstrat : Quod certè de peccato, quod homini naturâ inesset, quale peccatum Originis censent, affirmari nullo pacto potest. In altero verò testimonio docet, peccatum hominis

minis eam vim habiturum non esse, ut Deus mundum diluvio propter illud puniret : quod etiam peccato *Originis* nullo modo convenit.

Quid verò eâ de re sentis, quod David ait Ps. 51. 7. quòd in iniquitate conceptus sit, & in peccato calefecerit eum mater ipsius?

Animadvertendum est, hîc Davidem non agere de quibusvis hominibus, sed de se tantum : nec simpliciter, sed habitâ ratione lapsûs sui : & eo loquendi modo usum esse, cujus exemplum apud eundem Davidem habes Psal. 58. 4. *Aversi sunt ab utero impii, erraverunt à vulvâ falsiloqui : Quamobrem nec eo testimonio effici prorsus potest peccatum Originis.*

At Paulus Rom. 5. 12. ait, In Adam omnes peccâsse.

Non habetur eo loco, in Adam omnes peccâsse ; verum in Græco verba sunt, *ἐφ' ᾧ*, quæ passim interpretes reddunt Latinè, in quo, quæ tamen reddi possunt per particulas *quoniam* aut *quatenus*, ut è locis similibus Rom. 8. 3. Phil. 3. 12. Heb. 2. 18. 2 Cor. 5. 4. videre est. Apparet

paret igitur neque ex eo loco exstrui
posse peccatam *Originis*.

*Postquam igitur docuisti, liberum
arbitrium Originis peccato vi-
tiari non potuisse; expone porro,
quàm longè vis ipsa liberi arbitrii
pateat.*

Communitè in hominibus naturâ exi-
guæ admodum sunt vires, ad ea, quæ
Deus ab illis requirit, perficiendum; at
voluntas ad ea perficiendum omnibus
adeft naturâ: nihilo-minus tamen eæ
vires, non ita prorsus exiguæ sunt, ut
homo, si vim sibi facere velit, divino
auxilio accedente, non possit voluntati
divinæ obsecundare. Auxilium verò
suum nemini Deus prorsus denegat ex
iis, quibus voluntatem suam patefecit:
alioquin Deus nec castigare, neque pu-
nire justè contumaces posset, quod ta-
men utrumque facit.

*Quòdnam est auxilium istud divinum?
Auxilium divinum istud, duplex est; inte-
rius, & exterius.*

Quod verò exterius est?
Sunt promissa, & minæ; quorum tamen
promissa vim habent longè majorem.
Unde

CAP. X. De Libero Arbitrio. 227

Unde etiam, quòd sint sub Novo Fœdere longè præstantiora promissa quàm sub vetere fuerint, facilius est sub Novo, quàm sub vetere fœdere, voluntatem Dei facere.

Quod autem interius?

Id nimirum, cùm Deus, in cordibus eorum qui ipsi obediunt, quod promissit, obsignat.

Si liberum sit arbitrium, inquit docetur, cur igitur tot sunt, qui illud oppugnant?

Faciunt idcirco, quòd certa Scripturæ testimonia se habere opinentur, quibus efficere se posse confidunt, nullam esse liberum arbitrium.

Quæ verò sunt ea testimonia?

Duplicis generis sunt; alia quidem ex quibus id efficere se posse sibi persuadent; alia verò, quibus expressè tolli liberum arbitrium putant.

Quæ verò sunt, è quibus id efficere conantur?

Ea omnia, quæ de prædestinatione Dei agunt.

Quenam eorum est de prædestinatione Dei sententia?

Ea,

Ea, quòd Deus ab aeterno certos quosdam nominatim homines, ex omni hominum, quotquot unquam futuri essent, genere, sententiâ irrevocabili & immutabili prorsus, ad salutem elegerit & designaverit; alios verò omnes aeternæ damnationi subjecerit; non eò quòd horum contumaciam, illorum verò obedientiam prospexerit; verum eò quòd illi ita placuerit, & *Decretum* ipsius de utrisque prorsus immutabile sit.

Quid verò tu eâ de re censes?
 Ea de *prædestinatione Dei* sententiâ prorsus fallax est; id verò *duas* ob causas potissimum: quarum *una* est, quòd *totam religionem* corruere esset necesse; altera, quòd *Deo multa inconvenientia* attribui oporteret.

Cedò, quâ hâc sententiâ admissâ,
Religio prorsus corrueret?

Id indè perspicuum est, quòd omnia ad pietatem & religionem spectantia *necessario* nobis inessent: quo admissò, quid juvaret anniti, & laborare, ut pii essemus? Omnis enim *conatus & studium* illic prorsus superfluum est, ubi omnia
 fiunt.

fiunt necessario, ut ipsa ratio docet. At ex ipsa pietate & Religione conatu & studio sublato, pietatem & Religionem interire oporteret.

Cedò etiam, quæ Deo inconvenientia attribuerentur, si hæc sententia admitteretur?

Ea sunt quatuor numero: *Primum*, *injustitia*; etenim id nimis injustum esset, punire aliquem propterea quòd non fecerit, quod facere nullo modo potuit. At cum Deus impios, & verbo suo refractarios punit, quid facit aliud, quàm eos punit, qui non faciunt, quod facere non possunt? Nam siquidem adversariorum sententia vera est, eos propter *immutabile* prorsus Dei *Decretum*, nè pios quidem & obtemperantes Deo esse posse ullâ ratione, nimis perspicuum est. *Secundum* *inconveniens* esset, *Hypocrisis* cum *deceptione conjuncta*: Etenim Deus Decreto suo magnâ, imò maximâ eorum parte, quibus Evangelium annunciat, à salute exclusâ, omnibus nihilominus in illa Evangelii prædicatione salutem offert: & ità aliud agit, aliud simulat; quod propriè hypocritarum

rum est, & eorum qui dolo malo agunt: Et quod pejus est, facit illud in re tali, quâ alium maximopere circumveniri perspicuum est. *Tertium inconueniens foret, summa imprudentia*: Etenim videretur Deus ejus rei suscipere curam, quam certò novit non posse perfici. Quid verò ineptius, & quæ levitas major, quàm id curare, & præ se ferre quòd id summo studio perficere coneris, quod tibi certò constet, fieri nullâ posse ratione, & ità ludibrio teipsum exponere. *Quartum est pravitas*, quòd Deus ipse peccati autor constitueretur: Etenim cùm damnationem peccata præcedere prorsus oporteat, certè qui decrevit aliquem *necessariò* damnare, idem, ut is peccet, *necessariò* statuit.

Qui verò istam suam de istâ prædestinatione sententiam tuentur?

Conantur eam adstruere quibusdam testimoniis scripturæ, in quibus illud est præcipuum, ubi Apostolus ait: *Scimus, quòd iis, qui Deum amant, omnia cooperentur in bonum, qui secundum propositum vocati sunt*: Etenim quos præscivit, & prædestinavit conformes fieri imagini filii sui,

ut

ut sit ipse primogenitus in multis fratribus.
 Quos autem prædestinavit, hos & vocavit:
 & quos vocavit, hos & justificavit : quos
 autem justificavit, illos & glorificavit, Rom.
 8.28,29,30.

*Quid verò ad id testimonium respon-
 dendum est?*

Ut id testimonium, & similia in Scriptu-
 ris intelligere possis, primum declaran-
 dum tibi est, quid *Prædestinatio*, *Electio*,
 & *Vocatio* in Scripturis notet.

Id mihi exponi velim.

Prædestinatio Dei in Scripturis aliud ni-
 hil notat, quàm Dei ante conditum
 mundum de hominibus Decretum ejus-
 modi, Quòd iis, qui in ipsum crederent,
 eique obedirent, daturus esset vitam æ-
 ternam; eos verò, qui in eum credere, &
 ei parere recusarent, æternâ damnatio-
 ne puniturus esset. Quod hinc appa-
 ret, quòd Christus divinæ voluntatis
 perfectus interpret, ità hoc Dei consi-
 lium atque Decretum nobis exposuerit,
 Eum, qui in ipsum crederet, vitam æter-
 nam certò habiturum esse; qui verò
 non crederet, eum certò condemnatum
 iri.

De Electione verò quid ais?

Electio, cùm de salute nostrâ agitur, duplicem significationem in Scripturis habet: Etenim interdum ii qui assentiuntur prædicato Evangelio, dicuntur à Deo electi: interdum verò etiam ii, qui non solum Evangelio assentiuntur, verum etiam ex ipsius præscripto vitam instituunt, *Electi* vocantur. Prioris significationis exemplum habes, I Cor. I. 26, 27. Videtis vocationem vestram fratres, quod non multi sapientes secundum carnem, non multi potentes, non multi nobiles; sed elegit Deus stultitia mundi huius, ut pudefaceret sapientes; & infirma mundi elegit Deus, ut pudefaceret fortia. Ubi *Electio* & *Vocatio* pro eodem sumuntur. Alterius exemplum habes, Matth. 22. 14. ubi Christus ait, Multos vocatos, paucos verò esse electos. Utriusque verò exemplum habes in illis Apostoli Petri verbis, Studete ut firmam vocationem & electionem vestram reddatis per opera bona, 2 Pet. I. 10. 11. ut quædam habent exemplaria.

At de Vocatione quid ais?

Vocatio, cùm ad salutem nostram refertur, eadem significata habet in Scripturis

ris

ris, quæ & Electio, ut è locis citatis apparet.

Quâ ratione verò ad illud testimonium respondes?

Ad eum modum, quòd hoc testimonium, ad prædestinationem adversæ partis adstruendam, nihil prorsus faciat. Siquidem pars adversa prædestinationem sine ulla prorsus bonorum operum ratione constituit; at Paulus hìc de ejusmodi Dei prædestinatione loquitur, quæ ejusmodi hominum rationem habet, qui Deum diligant: & demonstrat, ejusmodi hominibus afflictiones nihil obesse; verùm etiam ad bonum opitulari. De his verò ait, *Eos vocatos esse secundum propositum*, ut demonstret, eos demum secundum propositum Dei Evangelio credidisse, & ad salutem prædestinatos esse, qui Deum diligant. Id verò in potestate hominis situm esse, superiùs expositum est.

Hunc igitur locum mihi explicari velim.

Simplex ejus loci sententia hæc est: Apostolum docere, iis hominibus, qui Deum diligant, & Evangelio Christi credi-

crediderunt, omnes afflictiones in bonum co-operari. Quod Apostolus eâ ratione demonstrare nititur, quòd ad ea omnia præfiniti sint, quæ Dominum ipsum perferre oportuit. Quem admodum verò illa aditum ad immortalitatem Christo intercludere non potuerunt; ità nec eis illa eadem posse. Quod cùm demonstrâset Apostolus, gradus quosdam describit, quibus immortalitatem homines consequuntur, explicans Deum, quos prædestinavit ut essent conformes in afflictionibus & immortalitate filio ipsius, hos per prædicationem Evangelii ad credentium Ecclesiam aggregare; deinde, ab omnibus peccatis liberatos justificare; denique, viâ quadam perfectiore ad immortalitatem & vitam æternam præscire.

Quæ verò sunt testimonia, quibus illi expressè liberum arbitrium opinantur tolli?

Ea spectant vel ad omnes, vel ad certas quasdam personas.

Quæ verò sunt quæ ad omnes spectant?

Sunt inter alia hæc: Non est volentis, neque

que currentis; sed miserentis Dei, Rom. 9. 16. & Joan. 6. 44. ubi Iesus ait, *Nemo venit ad me, nisi eum traxerit, qui misit me, pater.* & quod Lucas ait, *Crediderunt quotquot ordinati fuerunt ad vitam æternam,* Act. 13. 48.

Quid a primum locum respondes? Non agit eo loco Apostolus de voluntate atque conatu præceptis Dei obediendi, cum id Scripturis omnibus repugnet, quæ vix aliquid crebrius inculcant, quàm studium secundum præcepta Dei vivendi, verùm agit de voluntate & conatu ejusmodi, quo Deum præveniamus & moveamus, ut nobis sua beneficia proponat atque offerat: Quod ità esse ex ipsâ thesi Apostolicâ apparet, quæ ejusmodi est: Non omnes qui secundum carnem ex Abrahamo nati sunt, verè ipsius esse filios, & ad illas promissiones, quibus Abrahamæ posteritati felicitas æterna est promissa, pertinere: verùm eos duntaxat filios Abrahamæ esse, quibus Deo placuit illam gratiam donare, nullâ nativitatis quæ secundum carnem est habitâ ratione: ii verò sunt, qui in Deum per Christum credi-

K

derunt,

derunt, (quibuscunque tandem parentibus orti sunt) atque hac ratione filii Abrahami spirituales facti sunt. Unde non oportere jam salutem & iustitiam ex Lege à Mose datâ petere, quæ quondam Abrahamæ & Israëlîs secundum carnem filiis à Deo tradita fuit; sed per fidem Jesu Christi, quæ deinde ab ipso eodem Deo Abrahamæ & Israëlîs spiritualibus filiis in sempiternum proposita fuit. Atque hæc genuina est huius loci sententia. Quamobrem quemadmodum nos libenter ei rei accedimus; neminem esse hominem, qui voluntate & cursu suo hoc obtinere potuerit, vel possit, ut Deum ad conferendum beneficium aliquod in illum moverit; ita vicissim postquam Deus gratiam suam obtulit, hominem vel gratiam oblatam accipere & amplecti, aut ex præscripto divinæ voluntatis vitam instituere non posse, pro pernicioso errore ducimus.

Quid porro ad secundum respondes?
 Et ea trahendi ratio non tollit liberum arbitrium: Nec enim fit eâ ratione, ut vis à Deo fiat hominibus; verum promissionum suarum Deus & præstantiâ
 &

& firmitudine ostensâ, homines ad filium suum trahit. Quod verò ea trahendi ratio non vî fiat, *primum*, ex his quæ Christus ibidem subjecit, apparet, ubi rationem istam trahendi explicat: Et erunt omnes docti à Deo. Qui itaque à Patre audivit, & didicit, is venit ad me. v. 45. Ubi manifestum est, à Patre trahi, nihil aliud esse, quàm à Patre audire, & doceri. Id verò quî fiat, ex verbis Christi paullo inferius expressis, planum est: Non quòd quisquam Deum viderit, nisi is qui à Deo est, is vidit Patrem. Deinde, hinc etiam perspicuum est, quòd ea trahendi ratio ad omnes pertinet, ad quos Evangelium pervenit, ut ex illo loco colligere promptum est, ubi Jesus ait: Ego cùm exaltatus fuero de terra, omnes traham ad meipsum. Joan. 12. 32.

Ad tertium verò quid affers? Hoc testimonio non tolli liberum arbitrium hinc animadverti potest, quòd hic nulla mentio Dei fiat, qui homines illos ad vitam æternam ordinaverit; verùm simpliciter tantùm scriptum est, credidisse quotquot ordinati fuerunt ad vitam æternam; quod de ipsis hominibus in-

telligi potest, quòd ipsi ordinati fuerunt, id est, apti ad amplectendam Christi doctrinam, ac proinde vitam æternam capessendam; ut paullo superius in eodem capite v. 46. scriptum exstat in re huic contrariâ, alios seipsos indignos iudicasse vitam æternâ: Et quemadmodum inferius Christus ait; *Sibi multum populum fuisse Corinthi*, non aliâ de causâ, quàm quòd apti fuerint, ut populus Christi fierent. Act. 18. 10.

Quæ verò testimonia sunt, quæ ad certas personas spectent?

Sunt inter alia, in quibus scriptum exstat, Deum indurasse Pharaonem; & Judam, qui Apostolus Domini fuerat, Dominum prodere, ut è scripturis apparet, coactum fuisse.

Quid verò tu ad hæc respondes?

Fateor, Deum interdum quosdam homines ita à suâ gratiâ rejicere, ut nec resipiscere, nec corrigi possint. Verùm ea Dei opera actionesque nullo modo tollunt simpliciter loquendo liberum arbitrium; cum ea exempla, in quibus illa apparent, sint singularia; Quæ Deus idcirco exstare vult, quòd homines, cum
licuit,

licit, Deo tamen parère recusârint,
 eoque à multo tempore digni exstite-
 rint, in quos Deus judicia sua extende-
 ret; quæ tandem, cùm illi libet, exten-
 dit: qualis erat Pharao, qui Dei po-
 pulum multò ante per tempus diutur-
 num afflixit; ità etiam Judas, qui à
 multo tempore fur & avarus erat; id-
 circo Deus iis ad perficienda illa tam
 nefaria flagitia est abusus.

K 3 CAPUT

CAPUT XI.

De Justificatione.

CUm perceperim, & quid fides sit, & quatenus in nostrâ potestate sit; expone porrò quid eâ fide consequamur.

Per fidem in Christum consequimur justificationem.

Quid verò est justificatio?

Justificatio est, cum nos Deus pro justis habet, quod eâ ratione facit, cum nobis & peccata remittit, & nos vitâ æternâ donat, de quo apertè testatur Paulus, dum ait, in eo beatitudinem hominis consistere, cui Dominus imputat justitiam: Rom. 4. 6. Deinde, è Psalmo addit; Beatus vir, cui non imputat Dominus peccatum. Ps. 32. 1, 2.

Ergò sine fide in Christum nemo justificatur?

Nemo prorsus. Verùm id de eo tempore intelligendum est, quo Christus patefactus est: de quo etiam illa Petri verba

verba accipienda sunt, non esse nomen sub
 cælo datum hominibus, per quod nos servari
 oporteat, nisi nomen hoc Jesus, Act. 4. 12.
 Nam quod attinet ad tēpus quod Chri-
 sti patefactionem antecessit, de eo id
 affirmari non potest. Etsi enim omnes,
 qui unquam in Deum crediderunt, ob
 fidem justificabuntur, (ut è cap. 11.
 Hebr. aperte colligi potest) nihilomi-
 nus ea *justificandi* ratio in Fœdere per
 Moſen dato non fuit comprehensa, ve-
 rùm ab ipsâ Dei gratiâ merè pependit:
 At nunc ea *justificandi* ratio per fidem
 in Christum, in ipſo Fœdere contine-
 tur. Vnde illorum fides fidem in Chri-
 stum non includebat, eoque Apostolus
 ait, fidem venisse per Evangelium Gal. 3.
 22. 23. 24. 25. Atque ad eum modum,
 illi non propter fidem in Dei filium,
 sed in ipsum Deum sunt justificati.

Veruntamen locus ille Act. 15. 11.
repugnare videtur huic sententiæ,
ubi ait Apostolus: Nos per gra-
tiam Domini Jesu Christi serva-
tum iri, quemadmodum & illi
patres.

In eo loco non habetur vox *Panes*, verum ejusmodi oratio, quemadmodum & illi. Ea verò vox, illi non refertur ad propria verba, in quibus *Patrum* fit mentio (nec enim de *Patribus* illic erat sermo) verum refertur ad verba remotiora, in quibus sermo de *Gentibus* habetur, de quibus propriè agitur, qui superiùs aliquoties *Judæis* credentibus opponuntur, prout ipsi *Judæi* *Gentibus* itidem credentibus: sic enim legimus ver. 8, 9, 10, 11. *Deus* ergò, qui novit corda, dedit eis [intellige *Gentibus*] testimonium, dato eis *Spiritu Sancto*, quemadmodum & nobis [*Judæis*] neque discrevit inter nos & illos, fide purgans corda ipsorum [*Gentium*]. Nunc verò quid tentatis *Deum*, imponentes jugum [*legem ceremonialem*] cervicibus discipulorum [*Gentium*] quod nec *Patres nostri*, neque nos portare potuimus: verum per gratiam, &c. Nec verò officere quicquam huic interpretationi, quòd vox, *Patres*, proprior sit quàm vox, *Gentes*, è superioribus quos attulimus in re simili locis, paterere arbitramur. Ac nè id quidem alicujus momenti est; quòd vox, illi, sit masculini,

masculini, vox verò, *Gentes*, in Græco
 neutrius generis, eoque vocem hanc,
illi, ad *Gentes* referri non posse : cum
 alibi etiam vox, *Gentes*, in Scripturis
 reperiatur aut conjuncta masculino ge-
 neri, vel ad illud relata, Rom.2.14.
 Matth.28.19. Aut si hanc interpretati-
 onem quispiam nolit admittere, tum
 vox, *illi*, ad vocem, *discipuli*, quæ pro-
 ximè antecedit, commodè referri po-
 test, quæ etiam masculini generis
 est, quemadmodum & vox,
illi. Certum autem est,
 voce *discipulorum*
Gentes creden-
 tes intelligi.





DE OFFICIO CHRISTI REGIO.

Percepi omnia, *quæ* Officium
Propheticum Christi comple-
tatur : progredere ad alia ipsius
Munera ; Regium nempe & Sa-
cerdotale.

Rectè sanè : Sic igitur habeto ; Mu-
nus Christi Regium *duplici* ratione
considerari, tum Regni ipsius, tum ipsius
Populi, qui ei subest, ratione.

Quæ verò ipsius Regni est ratio ?

Ea, quòd Deus eum suscitatum à mor-
tuis, & in cœlos assumptum, à dextris
suis collocavit, ei potestate in cœlis, &
in terrâ omni datâ, & omnibus ipsius
pedibus, se excepto, subiectis, ut fide-
les

les suos gubernare, tueri, & æternum
servare possit.

Ubi hæc scripta sunt?

Plena est horum Scriptura. Eâ tamen
de re singulari ratione testatur Apo-
stolus, Ephes. i. 19, 20, 21. Deum super-
eminentem magnitudinem virtutis suæ erga
nos reipsâ ostendisse in Christo, dum eum à
mortuis excitavit, & collocavit ad dextram
suam in cælestibus, &c. Et in Act. Apost.
ait Petrus, cap. 5. 30, 31. Deus Patrum
nostrorum excitavit Jesum, quem vos sustu-
listis suspensum in ligno. Hunc Deus Prin-
cipem & Servatorem exaltavit dextrâ suâ,
ad dandam Israëlî pænitentiam & remissio-
nem peccatorum.

*Verum illi aiunt, Christum se-
ipsum à mortuis excitasse.*

Falluntur vehementer, cum, ut audisti,
manifestè in locis infinitis Scriptura
loquatur, Deum Abrahami, Isaaci,
Jacobi, qui Pater Christi sit, Christum
à mortuis excitasse. Quod adeò verum
est, ut scripta Novi Fœderis, sæpius Dei
nomine non expresso, ita eum descri-
bant, *Is qui Christum excitavit à mortuis,*
Rom. 4. 24. & 8. 11.

At cur in eâ sunt sententiâ?

Arbitrantur quædam Scripturæ testi-
monia id continere, ut cùm Servator
ait, Joan. 2. 19. *Dissolvite hoc templum, &
in tribus diebus excitabo illud.* Et infrâ:
cap. 10. ver. 17, 18. *Propterea amat me Pa-
ter, quia ego animam pono, ut eam rursus
assumam. Nullus eam tollit à me, verùm ego
eam pono à meipso. Et habeo potestatem po-
nendi eam, & habeo potestatem iterum su-
mendi eam.* Et cùm Apostolus ait, 1 Pet.
3. 18. *Christus semel passus est, justus pro
injustis, ut nos ad Deum adduceret, mortifi-
catus quidem carne, vivificatus autem spi-
ritu.*

Quid ad primum locum respondes?

Primum respondeo; adeò pauca, & fi-
gurata, & obscura testimonia, tot
Scripturæ perspicuis testimoniis oppo-
ni non posse, ut ea quæ & numero sunt
pauca, & adeò obscura, ea quæ & tot
sunt numero, & adeò clara & perspicua,
explicent; verùm & pauca & obscura
omniò juxta sententiam & plurium &
clariorum accipienda sunt. Deinde,
quod ad primum testimonium allatum
attinet, Græca vox, *ἐγερῶ*, quæ est
reddita

reddita Latinè, *excitabo*, potest reddi, *erigam*. Vnde sensus erit, Christum à Deo excitatum à mortuis, suum corpus erexisse. Deinde, in his figuratis loquendi modis, non tam verba ipsa, quàm res attendenda est; maximè si secundùm verba aliquid falsi, aut quod aliis Scripturis repugnet, constituendum sit: Denique, si quis obstinatè vocem, *excitabo*, urgere velit, is animadvertat, quid D. Jesus alibi dicat: *Eum qui perdiderit animam, vivificaturum illam*, ubi si quis insistere vellet ipsis verbis, eum colligere oporteret, credentes etiam ipsos sese vivificaturos, & à mortuis excitaturos esse, Luc. 17. 33.

Qui verò hoc intelligendum?

Ad eum modum: Christum hîc ita loqui velle: Etiam si vos me sustuleritis, nihilominus post tres dies à mortuis resurgam.

Ad secundum quid respondes?

Ea oratio non efficit Christum mortuum aliquam virtutem in se habuisse, quâ seipsum excitaturus erat, cùm & de credentibus legamus ipsis datam esse potestatem, ut filii Dei, id est, immortales

tales fierent : licet hoc certum sit, Deum donatâ illis immortalitate, eos filios suos effecturum. Unde apparet huius loci hanc esse sententiam ; ut non in vestra potestate ut me tollatis è medio verum in voluntate Patris mei situm est : ita nec in voluntate vestra erit, ut in morte maneam : verum ea voluntas Patris est, ut ego positâ animâ perveniam ad resurrectionem à mortuis, & accipiam à Patre vitam æternam. Quod etiam subsequētia verba indicant : *Hoc mandatum accepi à Patre meo, v. 18.*

Ad tertium quid respondes ?
 Neque ex eo ullo modo apparere, Christum seipsum à mortuis excitasse ; cum in hoc loco non sit scriptum, eum spiritu proprio esse vivificatum ; verum id solum, spiritu vivificatum. Quod de spiritu Dei prorsus accipiendum est, siquidem superius ostendimus, quod virtute suâ filium Deus Pater excitaverit.

Quo verò in corpore Christus est excitatus ?
 In eo prorsus, in quo crucifixus fuit, quippe

quippe cū legamus eum comedisse atque bibisse post resurrectionem cum discipulis suis, & vulnerum vestigia in manibus, pedibus, & latere iisdem ostendisse.

Cur verò Christus in eiusmodi corpore fuit excitatus?

Ut Apostolos discipulosque suos de resurrectione suā certos redderet; quæ causa etiam erat, cur per dies quadraginta cum iis ageret, & de Regno Dei colloqueretur, ac subinde iis appareret, postquam à mortuis excitatus fuisset.

At quale Christus nunc habet corpus?

Habet corpus immortale, gloriosum, potens, spirituale, cū factus sit in spiritum vivificantem, 1 Cor. 15. 42, 43, 44, 45.

Fideles verò ipsius qualia corpora habituri sunt?

Similia corpori glorioso Domini Jesu Christi, Phil. 3. 21.

Ubi verò eā de re testatur Scriptura,

Christum in coelos assumptum?

Testatur eā de re Lucas nominatim c. 24. 50, 51. ubi legimus, *Et eduxit eos for-*

ras.

250 *De Officio Christi Regio.*

rās usque in Bethaniam, & sublati manibus benedixit eis. Et factum est, cum benediceret illis, disjunctus est ab eis, & sursum ferebatur in cœlum. De quo etiam Marc. 16.19. & Act. 1.9.

Cur autem in cœlos sublatus est? Propterea, quod in cœlis habitet immortalitas, & illic sit domicilium & Respublica omnium Dei filiorum, quod ille, tanquam præcursor eorum, omnes prævenit, ut iis locum pararet, 2 Pet. 3. 13. Phil. 3. 20. Hebr. 6. 20. Joan. 14. 2, 3.

At ubi Scriptura tradit Jesum ad dextram Dei consedisse, & omnia subjēta habere?

Ephes. 1. 20, 21, 22. ubi hęc de re expressè Apostolus agit, & 1 Cor. 15. 27. & 1 Pet. 3. 22. Heb. 2. 7, 8.

Quid autem est, sedere ad dextram Dei?

Est vices Dei gerere, ac virtutem efficacem habere ad gubernandum & conservandum Dei populum; quæ in eo eminet, quod Christus in corpora & animas absolutam habeat potestatem; nec hominibus tantum, verum etiam Angelis

lis, & bonis, & malis, & morti ac inferno dominetur.

*Cur eam potestatem in corpora
& animas hominum habet Iesus?*

Ut in omni necessitate, & spirituali & temporali, iis subvenire possit: & quòd sit constitutus vivorum & mortuorum, iudex, & cuique secundum opera ipsius redditurus, & secundum occulta cordis quemque iudicaturus sit.

*At in Angelos bonos & malos
cur dominatur?*

Angelis bonis idcirco dominatur, ut iis uti possit ad omne ministerium, quo vel Regni ipsius fines promoveri possint, vel credentes in necessitate quavis juvari. In *malos* potestatem habet, ut eorum conatus & machinationes reprimat, qui in eo toti sunt, ut genus humanum universum, potissimum verò credentes, qui immortalitatem consecuturi sunt, deleant & exterminent: utque eorum potestate cum vult utatur, vel ad puniendum aut coercendum homines, qui aut honori ipsius, aut credentium saluti obstant, aut quoquo modo, quantum
in

in ipsis est, nocere velint, aut vel ipsi,
vel credentibus adversarii existant.

Mortis verò & Inferni cur habet
imperium?

Ut credentes, licet à morte absorpti fu-
erint, denuò vitæ reddere, & immorta-
les præstare possit. Quamobrem ipse

Christus expressè ait, habere se
claves Inferni & mortis,

Apoc. 1. 18.

D E



D E

Munere Christi

S A C E R D O T A L I.



Xposuisti Munus Christi Regium, expone etiam Sacerdotale.

Licet jure hic progredi debeamus ad explicandam doctrinam de populo Jesu Christi; quia tamen Munus Christi *Sacerdotale*, cum Munere Christi *Regio* nimis arcte conjunctum est, prius te de illo instruam. *Munus* igitur *Sacerdotale* in eo situm est, quod quemadmodum pro *Regio* Munere potest nobis in omnibus nostris necessitatibus subvenire: ita pro Munere *Sacerdotali* subvenire vult, ac porro subvenit: Atque hac illius subveniendi seu opis afferendæ ratio, *sacrificium* ejus appellatur.

Quare

*Quare hæc ejus opis afferendæ ratio
Sacrificium vocatur?*

Vocatur ità figurato loquendi modo, quòd quemadmodum in prisco Fœdere, summus Pontifex ingressus in Sancta Sanctorum, ea quæ ad expianda peccata populi spectarent, perficiebat : ità Christus nunc penetravit cœlos, ut illic Deo appareat pro nobis, & omnia ad expiationem peccatorum nostrorum spectantia peragat, Heb. 2. 17. & 4. 14. & 5. 1. & 9. 24.

Quid porrò est peccatorum expiatio?

Est à pœnis, quæ peccata tum temporariæ tum æternæ comitantur, & ab ipsis etiam peccatis, nè eis serviamus, liberatio.

Quæ expiationem peccatorum nostrorum Jesus in cælis peragit?

Primum, à peccatorum pœnis nos liberat, dum virtute & potestate, quam à Patre plenam & absolutam consequutus est, perpetuò nos tuetur, & iram Dei, quæ in impios effundi consuevit, inventu suo quodammodo à nobis arceat : quod Scriptura exprimit, dum ait *cum*

pro

pro nobis interpellare. Deinde, ab ipsorum peccatorum servitute nos liberat, dum eadem potestate ab omni flagitiorum genere nos retrahit & avocat: id verò in sua ipsius personâ nobis ostendendo, quid consequatur is qui à peccando defecit: vel etiam aliâ ratione nos hortando & monendo, nobis opem ferendo, ac interdum puniendo, à peccati iugo exsolvit.

Quodnam est discrimen inter veteris & novi Fœderis peccatorum expiationem?

Expiatio peccatorum sub Novo Fœdere, non solum distat ab expiatione peccatorum sub Vetere plurimum, verum etiam longè præstantior & excellentior est: id verò *duabus* potissimum de causis: Prior est, quòd sub Veteri Fœdere, iis tantum peccatis expiatio per illa legalia sacrificia constituta fuit, quæ per imprudentiam, vel per infirmitatem admissa fuere, unde etiam *infirmitates & ignorantie* nuncupabantur: verum pro peccatis gravioribus, quæ transgressionibus erant mandati Dei manifestæ, nulla sacrificia instituta fuerant, sed mortis

pœna

pœna fuit proposita. Quod si talia Deus alicui condonabat, id non vi Fœderis fiebat, sed misericordiâ Dei singulari, quam Deus citra Fœdus, & quando, & cui libuit, exhibebat: sub Novo verò Fœdere peccata expiantur, non solum per imprudentiam & infirmitatem admissa, verum etiam ea, quæ apertissimorum Dei mandatorum sunt transgressiones, dummodo is cui labi ad eum modum contigerit, in eo non perseveret; verum per veram pœnitentiam resipiscat, nec ad illud peccatum amplius relabatur. Posterior verò caussa est, quòd sub prisco Fœdere ad eum modum peccatorum expiatio peragebatur, ut pœna temporaria tantum, ab iis, quorum peccata expiabantur, tolleretur. Sub novo verò ea est expiatio, ut non solum pœnas temporarias, verum etiam æternas amoveat, & loco pœnarum, æternam vitam in Fœdere promissam, iis quorum peccata fuerint expiata, offerat.

Quâ ratione verò utrumque demonstras?

Peccata, quæ sub Vetere Fœdere expia-
ri

ri non potuere, omnia sub Novo expiari testatur Apostolus Paulus in Actis, cap. 13. 38, 39. ubi ait, *Notum igitur sit vobis, Viri fratres, quod per eum annuntiatur vobis peccatorum remissio, & ab omnibus à quibus per legem Moysi justificari non poteratis, per hunc qui credit, justificatur. Idem habetur Rom. 3. 25. & Heb. 9. 15. Quod verò eâ ratione expientur peccata sub Novo Fœdere, ut etiam æterna pœna amoveatur, & vita æterna donetur, habetur Heb. 9. 12. ubi ait, Christus per proprium sanguinem introiit semel in Sancta æternâ redemptione inventâ.*

Cur id sacrificium Christi in cælis peragitur?

Ideo, quod tale tabernaculum requiret, qualis ipse esset Sacerdos, quale & ipsius sacrificium existeret. Cum enim Sacerdos ipse esset immortalis, & sacrificium ipsius prorsus incorruptibile, in æternum tabernaculum ipsum intrare oportuit. At tale tabernaculum cum tantum cœlum existat, sedes & domicilium Dei, idcirco necesse erat, ut in cœlos profectus, Sacerdotali Munere *fungeretur,*

fungeretur, ut apertè Autor Epistolæ ad Hebræos testatur, dum ait, cap. 7. 26. *Talis nos decebat Pontifex, sanctus, innocens, impollutus, segregatus à peccatoribus, & excelstor cælis factus.* Et inferius ait, cap. 8. 4. *Si in terris esset, nè Sacerdos quidem esset.* Et inferius rursus, cap. 10. 5. *Hostiam & oblationem pro peccato noluisti, corpus autem aptasti mihi, &c.*

Quid? an non erat Sacerdos, antequam in cælos ascenderet, & præsertim cruci affixus penderet?

Non erat: Nam ut modò audisti, apertè is scriptor divinus testatur, *Si in terris esset, eum nè sacerdotem quidem futurum.* Præterea, cum idem Autor testetur, Heb. 8. 4. *ipsum fratribus similem per omnia esse debuisse, ut misericors fieret & fidelis Pontifex, in eis quæ ad Deum, perspicuum est, quamdiu fratribus similis per omnia, id est, in afflictionibus & morte non erat, tamdiu reipsa eum Pontificem nostrum misericordem non fuisse.* Atque ad eum modum afflictiones & ipsa mors non erant sacrificium ipsum, verum via quædam & præparatio ad illud peragendum.

Cur

Cur verò Apostolus ait, Christum tradidisse semetipsum victimam & oblationem Deo in odorem suavitatis, Eph. 5. 2.

Primum tenendum est, nos mortem Christi ab ipsius oblatione non sejungere, imò verò constanter asserere, Christum non aliter seipsum quam morte ipsius interveniente obtulisse; tantum hoc asseveramus, oblationem ipsius non fuisse antea reipsa consummatam, nec absolutam, antequam à mortuis excitatus coelos ascenderet. Nam & in illo sacrificio legali anniversario, quod potissimum sacrificium Christi adumbravit, ad consummandum sacrificium, omnino mactatæ pecudis sanguinem in Sancta Sanctorum inferri oportuit; ut Autor Epistolæ ad Hebræos testatur, cap. 9. 7. Deinde, in illo loco citato expendendum est, Apostolum non ita loqui, quod Christus seipsum obtulerit Deo pro nobis: nam hoc verbum, *tradidit*, non debet coniungi cum voce *oblationem*; verum per se debet legi, quod Christus semetipsum tradiderit, subintellige in mortem. Nam

eo sensu verbum tradendi usurpat aliis in locis Scriptura, Eph. 5. 25. Gal. 2. 20. Rom. 8. 32. Porro, sequentia verba [*Victimam & oblationem Deo in odorem suavitatis*] sunt veluti illustratio & commendatio istius operis Christi, quod semetipsum tradidisset. (Hâc verò Apostolus credentes ad imitandum istud Christi factum in amando proximo cohortatur.) Quemadmodum simili loquendi genere, alibi alia bona opera commendantur, ut Phil. 4. 18. Atque idè beneficentia & communicatio sacrificia vocantur, quibus delectatur Deus, Heb. 13. 16. ut etiam omnia bona opera, quæ credentes in Christum faciunt, 1 Pet. 2. 5. Quæ bona opera Christianorum illis sacrificiis legalibus adumbrata fuere.

Illius verò loci Scripturæ, Christum per semetipsum, purgatione peccatorum factâ, consedisse in Dextera throni Majestatis in excelsis, quæ erit sententia? Heb. 1. 3. Non eò loquitur Autor ille ad eum modum, ac si Christus antequam in cœlos exaltatus esset, sacrificium suum per mortem

mortem consummâset ; verùm eò, quòd modus expiandi & purgandi peccata, ex quo Christus à mortuis excitatus profectus est in cœlum, & illic se ipsum pro nobis Deo obtulit, perfectus & absolutus fuit, hoc est, id factum est, quo nos ad amplectendam peccatorum remissionem, quam Deus nobis obtulit, moveremur : & Christus potestatem habet nobis dandi reipsâ peccatorum remissionem, unde postmodum sequitur perpetuò, ipsa peccatorum purgatio & mundatio, & à pœnis peccatorum vera liberatio.

Cur verò Scriptura, ubi agit de Christi Munere Sacerdotali, commemorat ipsum pro nobis interpellare?
Rom.8.34. Heb.7.25.

Cùm Scriptura testatur Christum pro nobis interpellare, non propterea fit, ac si ille preces pro nobis ad Deum propriè fundat : hoc enim simul non consistit cum perfecta ipsius potestate, quam Deus ei reipsâ concessit, & ob quam ipse Rex noster est : verùm eò fit, ut in mentibus nostris infigatur prorsus, potestatem omnem, quam Christus ha-

beat: non ex sese habere, verum Dei
Patris dono; & ita opera omnia ef-
ficere, ac si ad ea efficienda virtutem
precibus intervenientibus subinde ob-
tineret: id verò Spiritus Sanctus pro-
pterea facit, ut prærogativa &
eminentia Patris integra
& inviolabilis per-
sistat.

DE



D E ECCLESIA CHRISTI.



*Intellexi quæ de Regno
Christi tradidisti; expone
porrò qui sit ipsius Po-
pulus?*

*Est Ecclesia aut cœtus Christianorum:
isq̃ue visibilis vel invisibilis.*

C A P. I.

De Ecclesiâ visibili.

*Quæ verò Ecclesia visibilis
est?*

*Est cœtus eorum hominum, qui doctrinam salutarem tenent, & profitentur.
Eaque potest considerari in genere & in*

specie. In genere, cùm omnes cœtus Christi visibiles per totum mundum dispersi, pro uno Christi cœtu, vel pro unâ Ecclesiâ considerantur. In *specie*, cùm singuli cœtus incertis locis existentes, pro Ecclesia Christi accipiuntur.

Cùm nunc passim omnes cœtus Ecclesiæ Christi nomen sibi vendicent, doceri velim, an sint aliqua signa, è quibus Ecclesia Christi agnosci queat?

Non multùm juvat signa veræ Christi Ecclesiæ inquirere, cùm tibi exposuerim, quid veram Ecclesiam constituat; nimirum *salutaris doctrina*, quam quicumque cœtus habet & profitetur, est vera Christi Ecclesia: Qui verò cœtus *salutarem doctrinam* non habet, nec profitetur, etiamsi nescio quæ signa proferat, atque prætendat, pro verâ Ecclesiâ Christi haberi non potest. At tenere salutarem doctrinam, cùm Ecclesiæ Christi sit natura, signum illius, si propriè loquaris, esse non potest, cùm signum ipsum à re cujus Signum est differre oporteat.

Ergò

Ergò ad cognoscendum, quæ sit vera Christi Ecclesia, satls est cognovisse salutarem doctrinam.

Rem probè percepisti. Etenim qui salutarem doctrinam amplectitur, jam est in ipsâ Ecclesiâ verâ. Quare nihil est cur de notis Ecclesiæ quærat, è quibus Ecclesia agnoscatur. Salutaris porrò doctrina quæ sit, è nostro sermone collo- cutionèque discere potuisti.

C A P U T II.

De Regimine & Gubernatione
Ecclesiæ Christi.

QUandoquidem exposueris mihi Ecclesiam Christi visibilem doctrinâ salutarî constare, qui Ordo in eâdem doctrinâ illi præscriptus sit, doceri abs te velim.

Ordo is situs est in Officiis personarum, quibus Ecclesia Christi constat, & accuratâ animadversione & observatione,

ut singulæ personæ Officiis suis fungantur.

Quæ verò sunt personæ quibus Ecclesia constat?

Earum aliæ sunt quæ præsunt; aliæ quæ dicto sunt audientes.

Quæ porrò præsunt?

Apostoli, Prophetæ, Evangelistæ, Doctores, Pastores, Episcopi, Seniores & Diaconi.

Quod est officium earum personarum, quos Apostolos vocas?

In mundum universum ire, & Evangelium Christi annunciare, cujus gratiâ à Christo & electi primùm, & ab ipso missi fuere, unde etiam Apostoli vocati sunt, quos etiam Christus Spiritu Sancto iis visibilem in modum misso, & virtutibus ingentibus armaverat, Mat. 28.19. Mar. 16.15. Act. 2.4.

Quod Officium Prophetarum est?
Futura prædicere, & difficilia intellectu ad Religionem Christianam spectantia interpretari, 1 Cor. 14.

Quod Evangelistarum Munus?
Apostolis in annunciando Evangelio opem afferre, & illud itidem per diversas regiones

regiones spargere & plantare, quales erant Philippus, Timotheus, & alii, Act. 21. 8. 2 Tim. 4. 5.

Quæ Doctorum, Pastorum, Episcoporum & Seniorum Officia?

Aliis in sermone præire, ordinem in Ecclesia Domini in omnibus tueri, & pro populo Dei preces fundere, 1 Tim. 5. 17. Act. 6. 4.

Quod autem Diaconorum Munus?
Necessitatibus Ecclesiæ, præsertim pauperum servire, Act. 6. 2, 3.

Num ergò hodie in Ecclesia Christi, omnes hæ personæ, quas aliis præesse asseruisti, & quarum Officia descripsisti, inveniuntur?

Quod attinet ad Apostolos & Prophetas, certum est, nullum ampliùs in Ecclesia Christi eos locum habere. Etenim causa, ob quam illi & electi & missi à D^{no} fuere, desit. Ea verò fuit, quòd per eos Deus, doctrinam filii sui mundo annunciari & confirmari voluerit. Quapropter illi vocati etiam fuere fundamenta Ecclesiæ Christi à Paulo Eph. 2. 20. Postquam igitur doctrina Christi, secundum Dei consilium & patefacta,

& confirmata fuit abundè, iis personis, quæ eam patefacerent & confirmarent, nihil est ampliùs in Ecclesiâ loci relietum.

Cur Apostolos & Prophetas fundamentum Ecclesiæ Christi vocas, cum ipse Christus sit illius fundamentum? 1 Cor. 3. 11.

Alio sensu Apostoli & Prophetæ vocantur fundamentum Ecclesiæ Christi, alio ipse Christus Ecclesiæ suæ fundamentum existit. Cùm enim Apostoli & Prophetæ vocantur fundamentum Ecclesiæ Christi, fit hoc respectu aliorum hominũ, qui ad eandem Ecclesiam Christi pertinent, & doctrinâ Prophetarum & Apostolorum prorsus nituntur: At tum Christus consideratur ut quiddam majus, id est, tanquam lapis angularis illius fundamenti, ut ibidem ad Eph. 2. 20. scriptum est. Cùm verò Christus ipse fundamentum Ecclesiæ suæ vocatur, tum verò non solum aliorum hominum, verum etiam ipsorum Apostolorum respectu illud fit, qui Domino sunt superstructi, quemadmodum & credentes alii.

De Evangelistis quid ais?
Eos pariter cum Apostolis defuisse. Nam
tum unà cum Apostolis doctrinam no-
vam annunciabant, quæ nunc pro ve-
tustissima habetur.

De aliis autem personis quid censes?
Cum eorum ministeria etiam nunc
persistant, & ipsas personas permanere
prorsus judico, quippe quæ illorum
causâ constitutæ fuerint.

*Quâ ratione verò ad id ministerium
constituuntur?*

Adeum modum, ut in doctrinâ Apo-
stolicâ præscriptum habemus.

Qui verò?

De Doctorum, Pastorum, Episcopo-
rum, & Presbyterorum seu Seniorum
Munere & Officiis satis abundè Paulus
dissertit, 1 Tim. 3. 2, 3, 4, 5, 6, 7. Oportet
Episcopum esse irreprehensum, unius uxoris
maritum, vigilantem, prudentem, ornatum,
hospitalitatem sectantem, aptum ad docendum:
Non vinosum, non percussorem, non turpis
lucri cupidum; verum temperantem, non pu-
gnacem, non pecuniæ cupidum, qui domui suæ
bene præsit, liberos habeat in subjectione, cum
omni castitate; (nam si propriæ domui præ-
esse

esse non noverit, quomodo Ecclesie Dei curam geret?) Non novitium, nè inflatus incidat in iudicium Diaboli. Oportet autem eum & testimonium habere ab iis qui foris sunt, ut non in opprobrium incidat, & laqueum Diaboli. Consimiliter ad Tit. cap. I. 6, 7, 8, 9. Episcopus irreprehensus sit, tanquam Dei œconomus, non arrogans, non iracundus, non vinosus, non litigiosus, non turpis lucri cupidus, hospitalis, amator boni, prudens, justus, pius, temperans, tenax fidelis sermonis secundam doctrinam, ut adhortari possit per sanam doctrinam, & contradicentes redarguere.

Nónne ii qui docent in Ecclesiâ, & ordini tuendo & conservando invigilant, ut singulari aliquâ ratione mittantur, opus habent?

Nulla modo: etenim illi nunc nullam novam, nec antea inauditam doctrinam afferunt; sed Apostolicam, antiquitus ab omnibus exceptam tantum proponunt, inculcant, utque secundum eam vitam instituant homines, hortantur. Unde etiam Apostolus describens disertè omnia quæ ad constituendas ejusmodi personas pertinent, nullam
missionis

missionis facit mentionem. Nihilominus tamen, cum personæ ejusmodi ex præscripto Apostolicæ doctrinæ constituuntur, & his duabus rebus præstant, vitæ innocentia & ad docendum aptitudine, propter ejusmodi constitutionem meritò apud omnes auctoritatem justam invenire debent.

Quid verò de illis verbis Apostolicis dicis, Ut prædicabunt nisi militantur ? Rom. 10. 15.

Id, quòd in his verbis non loquatur Apostolus de quâvis prædicatione, verùm de prædicatione novæ duntaxat & antea inauditæ doctrinæ, qualis prædicatio fuit Apostolica, & aliorum, qui ipsorum adjutores in eodem opere fuerant, quæ omnino *missionem* requirebat : Cum verò Doctorum horum temporum ejusmodi non sit prædicatio, ut paullò antè docuimus, ejusmodi *missio* ad eam minimè est necessaria.

Diaconos verò quæ creare oportet ? Eà de re Paulus ad Tim. *Diaconi similiter graves, non bilingues, non vino, &c.* 1 Tim. 3. 8, 9, 10. Et infrà : *Diaconi sint unius uxoris mariti, &c.* ver. 12, 13.

Exposuisti

Exposuisti personas quæ præsumunt ;
exponas etiam ea quæ ad auditores
pertinent.

Auditorum vel juniorum Officium est,
ut dicto audientes sint eorum qui præ-
sunt, in his omnibus quæ è Verbo Dei
præscribunt, de quo in Epist. ad Hebr.
legimus, *Obedite ducibus vestris, &c.* Heb.
13.71. Ut cum eis qui docet in omni bo-
no communicent, & duplici honore di-
gnos censeant, ut adversus eos accusa-
tionem nisi in duobus aut tribus testi-
bus non admittant, Gal. 6.6. 1 Tim. 5.
17. 1 Thess. 5.12, 13. 1 Tim. 5.19.

CAP. III.

De Disciplinâ Ecclesiæ Christi.

Exposuisti mihi Officia perso-
narum, quibus Ecclesia Christi
constat ; expone porro rationem, quâ
eadem Officia conservantur.

Ea ratio partim omnibus incumbit ;
partim iis tantum qui præsumunt personis.

Quia

Qui verò omnibus incumbit ?

Ad eum modum, uti descripta est. *Videte fratres nè in quoquam, &c. Heb. 3. 12, 13. Et infra, cap. 10. 24, 25. Observemus alii alios, &c. Et rursus inferiùs, Contemplantur, nè quis deficiat, &c. cap. 12. 15. Et Apostolus Paulus ait, Admonete vos mutuo, & edificate alius alium, 1 Thessal. 5. 11. Et infra, Rogamus vos fratres, &c. ver. 14.*

At verò cum iis, qui Ordinis huius contemptores sunt, ut agendum ?

Duplici ratione: nam aut *privatim* castigandi sunt, aut *publicè*.

Qui privatim castigandi sunt ?

Quemadmodum Christus docuit: *Si peccaverit in te frater tuus, &c. Matth. 18. 15, 16, 17.*

Cur ad eum modum castigandi sunt ?

Propterea, quia ut ex hoc loco videre est, in nos *privatim* peccent ; atque eandem ob causam, de quovis *privato* delicto, sive in Deum, sive in alios designato, idem statuendum est : Id enim & æquitas.

æquitas ipsa suadet, & charitas Christiana prorsus exigit.

Qui publicè sunt castigandi?

Aut verbis & Oratione; aut facto.

Qui verbis & oratione.

Ad eum modum, ut ab omnibus redarguantur publicè in Christi Ecclesiâ, de quo ad Tim. Peccantes argue coram omnibus, &c. 1 Tim. 5. 20. Et ad Corinth. Sufficit tali increpatio ejusmodi, quæ facta est à multis, 2 Cor. 2. 6.

Qui autem facto?

Cùm aut societatem ipsius vitamus, & cibum cum eo capere recusamus, licet eum adhuc pro inimico non ducamus, sed tanquam fratrem admoneamus. Aut cùm eum ex Ecclesiâ Christi eliminamus, nec ampliùs pro fratre agnoscimus, sed pro alieno prorsus habemus.

Ubi eâ de re scriptum est?

De priore ratione ad Corinth. Si quis frater cognominatus sit scortator, aut avarus, aut Idololatra, &c. nè cum eo manducetis, 1 Cor. 5. 11. Deinde ad Thess. Denunciamus vobis fratres, in nomine Domini Jesu Christi, ut vos subducatis ab omni fratre

fratre inordinate ambulante, & non secundum traditionem quam accepistis à nobis, 2 Thess. 3. 6. Et infra, ver. 10. Etenim cum eramus apud vos, hoc denunciavimus vobis, ut qui laborare nollet, non manducaret. Et infra: Si quis non auscultat verbo nostro, per epistolam, hunc notate, & ne commisceamini cum illo, ut pudefiat. Neque pro inimico ducite, sed admonete ut fratrem, ver. 14, & 15. De posteriore verò itidem ad Corinthios, ubi ait: Tollite malum ex vobis ipsis, 1 Cor. 5. 13. Et apud Matth. Si Ecclesiam non audierit, sit tibi tanquam Ethnicus & Publicanus, Matth. 18. 17.

Cur verò ejusmodi castigatio servatur in Christi Ecclesiâ?

Ut transgressor sanetur, & in viam revocetur; alii verò metu percellantur, & ab immorigeris non corrumpantur, nec inficiantur, atque ut offensio è coetu Christi removeatur, verbum Domini malè non audiat, atque ad eum modum nomen Domini & ipsius gloria non profanetur, 2 Thess. 3. 14. 1 Tim. 5. 20. 1 Cor. 5. 6, 7.

Quod

Quod periculum imminet ejusmodi hominibus?

Id, quòd è cœtu Christi, ac proinde è regno ipsius exclusis, nihil superfit amplius, quàm exitium. Cùm hæc Excommunicatio nihil aliud sit, nisi illud ligamentum, de quo Christus apud Matth. cap. 18. 18. *Amen, Amen dico vobis, quæcunque ligaveritis super terram, erunt ligata & in cælis; & quæcunque solveritis super terram, soluta erunt in cælis.*

Quæ est ligandi & solvendi potestas, quam habet Ecclesia?

Est declaratio & denunciatio secundùm Dei Verbum, qui sit dignus, qui non, ut sit in Christi Ecclesiâ.

Quæ ratio est ordinem in Ecclesiâ conservandi illa, quæ iis, qui præ sunt, potissimùm incumbit?

Non solum illa Officia studiosius servare tenentur, quæ singulorum sunt, quàm cæteri omnes: verùm alios ad eadem illa servanda subinde exsuscitare, Ecclesiam inspicere, singulos observare, & tempestivè ac intempestivè instare, arguere, increpare, cum omni lenitate, &

CAP. IV. De Ecclesiâ invisibili. 277

& doctrinâ, ut ad Tim. habetur, 2 cap. 4. ver. 2. cum ejusmodi tamen cautione in agere debent, quam adhibendam Apostolus docet: *Seniorem nè increpaveris, verum tanquam patrem admone: juniores tanquam fratres: seniores mulieres, ut matres: juniores, ut sorores, cum omni castitate, 1 Tim. 5. 1, 2.*

CAPUT IV.

De Ecclesiâ Christi invisibili.

Quæ Ecclesia est invisibilis?

Sunt ii, qui Christo confidunt, & illi obtemperant, propterea que ipsius Corpus existunt.

Cur verò eum hominum cœtum invisibilem vocas?

Idcirco, quòd hominum oculis expositus non sit: nec enim quisquam hujus cœtus membrum existit, nisi qui spiritum Christi habet: cùm Apostolus apertissimè testetur, eum, qui spiritum Christi

Christi non habeat, non esse ipsius. Rom. 8. ver. 9. *Præterea*, nemo hujus coctûs membrum esse potest, nisi veram in Christum fidem habeat: etenim per fidem in corpus Christi inserimur, & fide in eo consistimus, Rom. 11. 19, 20. Spiritus verò Christi, & vera in ipsum fides, videri à nobis oculis carnis nullo modo possunt, cùm id utrumque in intimo cordis secessu lateat, & absconditum sit: nam & *Spiritus Christi in corda mittitur*, & corde creditur ad justitiam, Gal. 4. 6. Rom. 10. 10.

Nónne ex exterioribus factis agnosci potest, qui sit Ecclesiæ Christi membrum?

E factis exterioribus cuius promptum est agnoscere, qui non sit membrum Ecclesiæ Christi, i. e. qui spiritum ejus non habeat, & fidem veram: Etenim Apostolus ait, *manifesta esse opera carnis*, Gal. 5. 19. Verùm *ex exterioribus factis* difficulter cognosci potest, ubi sit Christi spiritus & vera fides: facile enim exteriora facta, quæ ex corde sincero non proficiuntur, eam speciem referre possunt, quam habent, quæ à corde recto prodeunt.

CAP. IV. De Ecclesiâ invisibili. 279

prodeunt. Breviter, potest quis animo malus, induere speciem externam hominis probi: Verùm in homine probo secus est, qui nunquam hominis improbi speciem præ se ferre laborat.

*Percepi jam omnia, quæ ad Dei Christi-
que notitiam pertinent; expone
porrò si quid ad notitiam viæ hujus
salutaris prætereâ pertineat.*

Jam omnia tibi satis abundè exposita sunt: tuum est, ut iis probè perceptis, atque cognitis, ea menti infigas, & secundùm eorum præscriptum vitam instituas. Deus verò tibi ad eam rem opem afferat, cui, quòd colloctionem nostram nobis absolvere feliciter concesserit, sit laus & gloria per J. Christum in perpetuum. AMEN.



F I N I S.

